

慈湖先生遺書續集目錄

卷之一

炳講師求訓

恪請書

葉元吉請書

翁埏之詩書

書表軸

樂平縣學講堂訓

書遺口文儀

慈湖遺書續集 目錄

書遺桂夢協

局中祭先聖

先師

鄒國公

辭廟文

秋祀禹廟

晉王右軍祠祝文

唐顏魯公祠祝文

邑人求春秋祀董孝君詞

縣學立大隱楊先生石臺杜先生祠文

諸廟

土地

祭中霽文

饒娥僊聖

祀社

后土句龍氏

稷

又

蘇湖叢書續集 目錄

立春祭太皇句芒文

祭雷師

祭雨師

到任謁社稷

到任謁諸廟

誦詞

祈雨

謝雨

祈雨

諸廟祈雨

社稷

社

稷

諸廟祈雨

奉安聖水文

海神祠山文

祈雪疏文

封贈告家廟

絲湖遊書續集目錄

三四明峻書

約園刊本

受誥告廟

冬抵臨安禱享文

焚黃祝文

上元設醮青詞

默醮青詞

禳火青詞

設醮青詞

祈雨青詞

又

施斛詞旨

永嘉季春祈雨碧玉醮青詞後雨作改用

奠余兵侍辭

會奠邑宰鄭令君辭

奠林景初辭

祭潘叔昌知縣文

祭高仲圖知丞文

祭伯兄文

祭愿禪師文

慈湖遺書續集 目錄

四四明叢書

約園刊本

奠安康郡太夫人辭

奠鄉相慶國太夫人辭

奠馮氏妹辭

祖奠馮氏姊辭

祖奠姪婦舒氏

奠孫甥子方

奠曹叔達

楊公伯明封志

慈溪縣孫孝子墓誌銘

故孺人蔣氏墓誌銘

翰林醫痊臧公墓誌銘

陳夫人墓誌銘

王德高墓誌銘

卷之二

孔子閒居解

附錄

曾彥誠書二則

曾熠書四則

慈湖遺書續集

目錄

五

四明叢書
約園刊本

楊先生回翰

老先生復賜書答

慈湖先生遺書續集卷之一

炳講師求訓

某之行年二十有八也居太學之循理齋時首秋入夜齋僕以燈至某坐於牀思先大夫嘗有訓曰時復反觀某方反觀忽覺空洞無內外無際畔三才萬物萬化萬事幽明有無通爲一體略無縫罅疇昔意謂萬象森羅一理貫通而已有象與理之分有一與萬之異及反觀後所見元來某心體如此廣大天地有象有形有際畔乃在某無際畔之中易曰範圍天地中庸曰發育萬物

慈湖遺書續集 卷一

一四明叢書

約園刊本

灼然灼然始信人人心量皆如此廣大孔子曰心之精神是謂聖卽達摩謂從上請佛惟以心傳心卽心是佛除此心外更無別佛汝問我卽是汝心我答汝卽是我心汝若無心如何解問我我若無心如何解答汝觀此益驗卽日用平常之心惟起意爲不善用力急改過改卽止切勿他求故子曰改而止此心至妙奚庸加損日月星辰卽是我四時寒暑卽是我山川人物卽是我風雨霜露卽是我鳶飛魚躍無非我如人耳目鼻口手足之不同而實一人心如此神妙百姓自日用而不知

炳講師作此表軸求書故書

恪請書

吾鄉日有數語曰吾兩目散日月之光四體動天地之
和步步欲風生雲起句句若龍吟鳳鳴其閒周還中規
折還中矩珠璣咳唾蘭薰清芬此豈人力所能爲哉天
機妙運道體變通我猶不得而自知人又安得而詰我
葉元吉請書

皋陶曰兢兢業業孔子發憤忘食爲之不厭又曰造次
必於是顛沛必於是

蘇湖遺書續集卷一

一四明叢書

一約園刊本

翁挺之請書

孔子曰心之精神是謂聖人皆有是心心皆具此聖百
姓日用而不知耳而況於同邑君子翁彥陽有夷齊之
行非聖乎夫道一而已矣是者是道非者非道百姓所
以不自知者自顧未能無過安敢言聖孔子曰改而止
改過卽止無庸他求某甚念人心皆與堯舜禹湯文武
周公孔子同而多不自信故因其曾孫挺之請書

書表軸

孔子自衛反魯息駕于河梁而觀焉懸水三十仞圍流

九十里魚鱉不能道鼃鼃不能居有一丈夫方將厲之孔子使人並流止之曰此懸水三十仞圍流九十里魚鱉鼃鼃不能居也意者難濟也丈夫不以措意遂渡而出孔子問之曰巧乎有道術乎所以能入而出者何也丈夫對曰始吾之入也忠信及吾之出也亦忠信忠信措吾軀於波流而吾不敢以用私所以能入而復出也子曰二三子識之水猶可以忠信之身親之而況於人乎某讀此不勝起敬而歎曰有如此切至之言先聖許可而諸儒未有表而明之者甚矣夫道之不明也不惟

此章雖孔子主忠信之旨亦未聞有發而揮之忠信之爲德也至矣乎忠信之心人皆有之忠信無他奇巧亦無思慮直而行之此正孔子所謂天下何思何慮者其曰主忠信言乎所謂主本者忠信而已忠信乃大道之異名而人不悟也丈夫者得全乎忠信故出入乎波流之中若神使微起計度意慮卽私矣卽不實直矣忠信之爲德也至矣乎禹履遺而不取冠卦而不顧淮南子以爲禹之趨時然也陋哉淮南以己度聖不知其誣也孟子曰禹行其所無事此語近之要之禹之心豈言意

之所能盡禹之心如四時之錯行如日月之代明

樂平縣學講堂訓

按學古字爲亭亭卽今孝字一字而兩音固多蓋古所以亭爲孝音又爲學音於以見古始造字意以謂學者孝而已矣自孝之外無他道也時有古今道無古今時有古今性無古今時有古今學無古今於孝之外復求學是有二道有二性也無乃不可乎夫孝天之經地之義民之行推而放諸東海而準推而放諸西海而準推而放諸南海而準推而放諸北海而準以孝事君則忠

慈湖遺書續集卷一

四四明藏書

約園刊本

以孝事長則順朋友不信非孝戰陳無勇非孝斷一木斬一獸不以其時非孝仁者仁此義者宜此禮者履此信者信此樂自順而生刑自反而作夫道一而已矣名雖不同學則無二德惟一動罔不吉德二三動罔不凶孝弟之至通於神明光于四海無所不通斯乃先聖一貫之道也

書遺□文儀

蒙養之功非有覺者莫知今文儀直諒明敏勇於義深有味乎如愚如蒙蒙養聖功之旨文儀殆已覺而未全

無疑可更書前後曲折以告某見病當剗

書遺桂夢協

夢協謂心之精神是謂聖此聖人之言何敢不信但學者所造有淺深某謂道無淺深先聖曰改而止謂改過卽止無庸他求精神虛明安有過失意動過生要道在不動乎意願

局中祭先聖

君臣之義不可廢也仕行其義固某等所當爲懼無學也不學而仕古人恥之某等學不逮古人然有先聖之訓在幼而讀之略知趨向矣習是勝非他日不敢負也敢以敬告

先師

學之不可已也自少至老蓋不容一日廢不惟不容一日廢斯須不可廢也孔門好學先師一人求爲孔門弟子於千百載之下者舍先師吾將焉歸某等頌詩書久堅此志自今以往未至於道不敢止也雖曰不可以政學向也不學及政而始學則所未聞向也學爲政而不廢學可也敢告先師

鄒國公

惟公器大無近用尋在所直尺不可枉終身王道無有二說琢而小之萬鍾不受也千載之下此風可以立人某等雖不肖讀公之書有日矣敢不從公之後

辭廟文

欽惟心之精神是謂聖道發育萬物是謂聖道生天生地是謂聖道人有死生之殊道無死生之異世有古今之殊道無古今之異舊有告辭之章道無動靜離合遠近毋意毋我舉天下萬古神人之心皆若是

慈湖遺書集

卷一

一八四明叢書

約園刊本

秋祀禹廟

某不可思克艱若時精一專欽惟聖帝道光萬世賴之秋有彘章酌獻豆觴假守攸司恭敬是將神之格斯其尙饗斯

晉王右軍祠祝文

右軍偃武正論百世不磨字畫累我顧爲懋德者所多後儒罕知治道往往以俎豆之事老生常談而翰墨瀟灑駿逸之態爭覩欣翫袂相屬肩相摩今茲鍼羣子之膏肓障千載之頽波右將軍本衷清明當知後世有四

明楊某者發其正情

唐顏魯公祠祝文

魯公臨大節而不可奪發諸心畫莊敏肅括此風可以立懦夫振叔末今祠而祝之孰不仰之敬之某灼知其必可以感動吾民之秉彝何日忘之

邑人求春秋祀董孝君詞

夫孝人心之所同天地之所同鬼神之所同徵君用此心於千載之上吾邑人敬而奉之於千載之下豈惟邑人敬而奉之一郡之人敬而奉之豈惟一郡之人敬而

慈湖遺書卷一

七四明鼓書

約園刊本

奉之際天所覆凡在人倫中者有所不知知則孰不敬而奉之嗚呼至矣是謂至德是謂要道是謂人心之所同惟爾有神惠相之俾某暨茲在位承保所自有之本心以對越明神以對越上帝

縣學立大隱楊先生石臺杜先生祠文

欽惟道心無古今無淺深堯舜此心禹湯文武此心周公孔子此心天下萬世同此心惟放逸失之祇敬不違先生有之故文正范公禮敬之今茲建祠先生清明何所不照知百世祀之

諸廟

敢以一獻之禮告至於某神惟神之神上與天通下與地通中與人通通一至神無有二道大道甚夷不容微置意於其間某雖有此心未能無過敢不兢兢孜孜以保養吾意必罔我之初以敬事神

土地

俗曰土地古曰中霤州縣主社家主中霤某今家於此依神而居神無大小道通爲一上下通天地旁通萬物神道如此人亦如此某敢不敬脩其在人以敬事神

慈湖遺書續集 卷一

八四明叢書

府園刊本

祭中霤文

維年月日敢敬告於中霤之神竊惟陰陽不測之謂神妙萬物之謂神視之不見聽之不聞洋洋如在其上如在其左右之謂神天以是生地以是成人以是誠中霤以是靈洞觀此機幽明一心爰精爰祀孰知精禋尙饗

饒娥僊聖

至孝格天龍震於淵天猶敬之宜世稱賢是廟是享是崇是仰孝人所同同知所尙某長斯邑首訪而知雖無舊文當啟新儀一獻爲禮神豈需此昭明孝道庸示百

里

祀社

某敢用量幣柔毛剛鬣嘉蔬清酌庶羞致祭於社神惟神無名惟神無方惟神無爲惟神無疆而化而生而順而行道無二順心無二神禮物攸敘齋明有融不可度思斯寂斯通

后土句龍氏

維茲仲春修祀事於邑社惟神作配載在國典功著水土平易九州厥德無疆體合匪侔以薦以奠匪度匪邈

蘇州府志

卷一

九

四明叢書

約園刊本

是謂一神卽人而神

稷

惟神無名惟神無方惟神無爲惟神無疆而化而生百穀用成庶民用寧是典是興惟茲中虛之誠可以感通通爲無窮

又

維茲仲春蒸修稷祀惟神作配功在稼穡粒我蒸民莫匪爾極頌曰斯文斯文在茲其辭恭其欲儉我其敬之

立春祭太皇句芒文

帝出乎震大化茲始邑有彝典令率其屬肅敬以迎有酌有獻至神感通匪幽匪邈匪異匪合弗可度思

祭雷師

某敢用量幣柔毛剛鬣嘉蔬清酌庶羞致祭於雷師之神神氣風霆無非至教隱微不可攬取莫究厥始莫窮厥終是謂至神與天地同有動有靜有敬有恭感通於無窮

祭雨師

至哉一氣升而爲雲降而爲雨萬古注焉而不盈萬物

蘇湖遺書續集 卷一

十四明敬書

約園刊本

資焉而化生是有至神不可度測不識不知聖曰帝則

到任謁社稷

准令首謁社稷視壇壝敢敬致釋菜之禮欽惟至神無體無思無爲而無所不通某敢不卽無所不通一以貫之道以有事於社稷

到任謁諸廟

恭惟至神無所不通某假守於茲祇見祠下敢不卽無所不通之道以有事於爾神

誄詞

禍災之來惟人自取民愚莫測良可憫傷大道洞然生
天生地生人及物保合太和本無疵癘情偽滋動爲非
爲僻爲淫爲邪於大道太和之中起乖爭悖亂之氣薰
蒸流注疫癘斯起今茲禱祈眾心一誠道復見可以對
越上帝可以感通陰陽可以轉乖厲之氣爲太和可以
變禍災爲福祥卽此一誠廣大貫通不可致詰有此神
用不可不信

祈雨

東作方興民田盡槁膏雨雖至猶未通洽深念他時老

慈湖遺書續集卷一

十一四明叢書

約園刊本

穉轉死於溝壑某爲此邑之父母不勝痛切惟明神哀
憐之

謝雨

大道非遠不離人心人心匪殊是謂天道本無睽閤奚
假和同孰司雨暘之機妙在聲臭之表豈容報謝不可
度思

祈雨

天人一致聖愚一性雨暘一機三才一氣本氣太和安
觀乖厲民物紛紛意欲焚焚忿爭攘奪情偽萬狀爲橐

爲蠱爲悖爲亂感動上下愆錯陰陽豈天之爲實人之咎是用齋禱起民敬心惟敬可以格天惟敬可以通聖惟敬可以致雨惟敬可以致一人具此敬不敬斯離敬斯復初不可度思矧可射思

諸廟祈雨

至神至寂曷往曷來舊章是稽載迎慈像顧錫隨軒之
澤終惠望霓之氓

東作方興民田就槁一誠共禱雲雨崇朝千里歡顏重
雲劇斂旣獲感通之漸曷稽膏霈之期咎在人心固非
天意願憫此改過遷善寢寢獲養成就禮義生於給足
惟大慈錫以沛然之澤

社稷

某以涼德受此民社而適愆陽靡神不宗蒙降霈澤惟
神無名無方無爲無疆化生順行百穀用成茲舉嘗祀
尙惟神之靈雨暘以時以迄於三登

社

某德未純明雨暘愆舛靡神不宗旣蒙應矣而四邑久
槁尙虧一簣冒昧於神惟神無方化生順行益霈其勇

厥後益時以迄於萬斯倉

稷

某以涼德被命受此惟稷有神司我下土幹旋生育無名無方無爲無疆某也有罪而適愆陽神其昭明膏澤應誠尙惟神之靈以往爲霖百穀用成

諸廟祈雨

某茲以愆陽爲災闔郡危懼眾禱虔虔應亦累累簷溜已鳴忽復告止農事甚急過此無及某德未純某知罪矣惟神敷惠千里之氓錫以三日之澤生死骨肉判於

慈湖遺書續集

卷一

十三四明叢書

約圖刊本

且暮某不勝懇懇禱禱之至

奉安聖水文

某茲迎聖澤闔郡危懼伏惟神龍察此切誠憫此無告神氣風霆變化頃刻錫以滂然之霖某曷勝懇懇禱禱顯顯俟俟之至

海神祠山文

天人一致何所不通人違乎天始不一致腹臟生疾頭目作楚某德未純政事愆違故雨暘亦愆惟神興慈運神機霽膏澤惠我有秋使四邑赤子不失乳哺護養本

有之善某不勝懇禱願後之至

祈雪疏文

敬以一奠之禮致祭於某神竊以時雪未應疫癘間作致禱舊章所不敢後欽惟此心無遠弗届至神感應上天同雲載零載積凝和敷瑞某不勝純誠至敬辭不能喻

封贈告家廟

孝曾孫某謹奉牲禮清酌庶羞祇薦恭惟祖德流光自天錫慶啟考妣登秩斯崇某不勝慕仰敢不小心畏忌

慈湖遺書續集

卷一

十四四明叢書

約園刊本

思嗣前修垂裕於後

受誥告廟

介曾孫朝請郎行祕書郎某昨準上旨除前職今茲拜誥命又考功增秩皆前世積善流光某敢不兢兢在時無忝所自尚饗

冬抵臨安禱享文

某進德未純未能算過叨蒙新命備數學宮茲豈某之所自致竇惟上世之遺訓未泯某敢不敬之承之禮曰大夫士有省於其君則於禘及其高祖支子不祭祭必

告於宗子某既告於小宗謹以嘉蔬清酌庶羞用薦禘
焚黃祝文

孝子某敢告考君贈朝散郎妣君贈安人既告於廟更
題神主茲爇告黃謹以嘉蔬清酌庶羞祇薦墓几欽惟
先德肇本天貺答之滋至未已某敢不兢兢恪修率迪
丕訓庶無墜遺緒

上元設醮青詞

敬以惟皇上帝無思無爲無所不在無所不照知有感
斯應不可度思帝降衷于民民皆有無思無爲無所不

蘇湖遺書續集 卷一

十五 四明叢書
約圖刊本

照知之常性惟日用不自知私欲繁興禍災隨之某雖
微覺未精未一謬當郡寄政理闕失回祿之禍災由人
興匪天降之災咸自取之臣不敢不勉惟帝興慈憫斯
宥斯民在塗炭如切臣之肌惟帝興慈憫斯宥斯

默醮青詞

欽聞上帝無聲無象無動無靜無所不照知未嘗往未
嘗來有感斯應無所不通流俗謂上帝自天而下設絹
爲黃道謂帝行其上至卑至陋不足以事上帝聞有默
醮之法虛明廣大上帝憫民秉彝惟昏故比敗過滋多

加祐啟祥殄災息禍渾融太和不可射度

禳火青詞

臣欽惟上天不可以言而格惟善可以格溫民改過遷善者寔多臣德未純不敢荒怠惟上帝憫斯護斯保養而扶持之俾毋罹其災拂亂其所爲帝心融明有感斯應禱斯叩斯不可度斯

設醮青詞

郡郭洊災比屋懷懼民愚積孽匪天劇殃臣德未純無能昭假敬從輿議恭修醮禳大道渾融三才共貫有感

慈湖遺書續集

卷一

十六四明叢書

約園刊本

斯應保合太和神之格思不可度思

祈雨青詞

虛明博大三才變化其中雨暘愆違千里危懼以請臣則有罪德未純明民雖無知性本靜止生死骨肉之機判於今日啜菽飲水之命懸於上穹錫以三日之霖解此四邑之急發道中之妙用若有機緘運物表之神功不動毫髮

又

愆陽爲災民則有罪民愚罔覺宜宥以寬臣覺雖微亦

粗安止曷未精一有愧純明臣不可赦尙蒙帝恩眾禱
同虔累應敷潤未被沛然之澤不勝巨暮之憂千里嗽
嗽一誠懇懇恭修碧玉太乙醮禮初禱輒應終日通洽
甲乙丙夜如注如傾生死骨肉之恩感深至骨虛明變
化之妙不可度思更祈三日已往之霖卒濟百穀時播
之務

施斛詞旨

敬以大道無形匪動匪靜萬古常寂無所不通惟彼迷
途立我我所意興欲滋逐逐戀依沈魂滯魄昏昏莫知
自囚自縛自苦自樂逐味逐臭百趣千垢法食普供道
味靜深卽味匪味曰深匪深湛然澄淵清明本心無思
無爲不識不知

永嘉季春祈雨碧玉醮詩後雨作改用

三才一致人自愆違久旱眾憂茲焉貢禱累蒙應矣未
至霧然仰碧玉之垂慈憫蒼生之無告赦臣知罪之故
取民遷善之新啟醮初筵日庚申而奏請夫澤終夕夜
甲乙而如傾四邑懽呼拜生死骨肉之大賜九天變化
妙雲行施雨之神功更祈三日已往之霖卒濟百穀時

播之務臣無任至感至禱激切屏營之至

奠余兵侍辭

具位楊某敬奉奠於故修史給事侍郎余公靈筵某獲趨承之日雖無幾而獲趨承之義無一事職凡百有請有議溫乎其容怡然精粹問答坦夷正直平易尙未得侍容莫識其涯涘顏頰聽辭疇昨近爾胡爲亟報曰致其事厥明就車心軫疑貳式遣問審天星果墜縞巾素裘哭於門內衣衾并履既奠於地退而請曰庶幾平□之制□□固辭有志弗遂遂歸而載惟出辭寫意爲奠爲禮幽光如對哭而薦之願願饗是

會奠邑宰鄭令君辭

具位某謹奉奠於故令君於乎旱旻垂雨雷動風行而雲徂矣月明哉生已光照吾邑而旋促西馭之車矣製兒待哺哺及層隅而奪其母矣隻言單語微施略爲已傳誦百里百里士民謂有父母我者至矣於乎天平天德好生好生之德卽降遯斂而去之殊非天意蹙額相告不知所謂玉德孚尹介石不貳英萃外發姦宄消氣曾未滌龜民已蒙惠如何不淑天星忽墜良善無依凶

狡無忌經旌肇銘邑人殄瘁某等奉奠痛心殞涕

奠林景初辭

具位某使子某敬奉卮酒於故景初林公尊兄親至情
深合并况頻啟胸吐心忱辭罄陳中庸之至不殺之仁
篤實不孚踐之以身天胡困之千苦百辛家徒四壁甚
於憲貧重以不淑遽焉訃聞望哭於室老莫亟奔使恪
奉櫛哀衷阻申新卜湖濱山旋氣氲就封戒期胡敢憚
勤已整竹輿啟行凌晨雨不少輟冷氣覺侵盥手以湯
悲楚若針甚已不久感冒懼深緘辭以哭如對靈明

蘇州府志續編 卷一

十九 四明叢書

約園刊本

祭潘叔昌知縣文

某追惟向同學舍相過相與篤志實德務決疑阻厥後
離羣不記何日聚會某官浙右君猶處學僅一再見自
是隔關泯泯到任於乎念哉叔昌既登科宦遊益南北
矧某去國遠關靜處向一通問啟讀報帖如對芝眉紫
宇不謂未幾而忽聞訃南望痛哭道里修阻衰病屆約
欲往而住再拜緘奠薦諸粟主於乎哀哉與叔昌訣矣
於乎哀哉

祭高仲圓知丞文

同里友楊某望哭再拜以上一奠之禮於故友仲圓高子知丞靈前州里之賢有如仲圓萬口稱善忠信正直德意繾綣相去四十里不得時見別去易久茲得行甫書忽以訃聞於乎哀哉善類淪沒正道寡無哭以遺奠哀哉於乎

祭伯兄文

介弟具位某謹以清酌奠羞祇薦於伯兄八七府君惟兄易簀今既周星禮雖有制而中心愛敬日日新又日新兄靈清明雖千變萬化不可度思寂然如水之清豈惟某心永欽百世之下凡心光內明者孰不興敬知嘉定之有人祝辭有盡愛敬終無盡尙饗

祭愿禪師文

具位楊某敬致一奠於圓寂毒果宗人愿禪師接辭累累洞見底蘊妙蘊非蘊斯蘊無盡相與切磋無如若何浮雲忽斷碧空無畔斗城老人送奠於遠

奠安康郡太夫人辭

具位楊某謹奉奠於故安康郡太夫人祖筵曰於乎哀哉道無不明人自不明天地之道爲物不二人天地心

三才一致自學子裂坤道於乾元之外置天地於人心之外而先聖之道始不明於天下雖古烈婦賢母載在簡策人所知敬而道終未明於乎哀哉夫人淑德懿行某夙昔而不得備知而辱在州里又辱知於尙書因尙書而獲修登堂再拜之敬望見掄翟之光退而得諸親知夫人博觀古書中秉正德居既富且貴人所不敢仰望之地而至朴至儉服有人所不堪之衣某聞不勝起敬起慕曰夫人之賢行如此又尙書嘗道其燕侍之言確乎不動於勢利清哉偉哉今又獲尙書所狀行實啟

蔡湖遺書彙

卷一

三四明叢書

約園刊本

讀熟復益視其所未知母儀坤德某灼知其爲天地不貳之道往往蚩蚩橫目未必咸知就知之不能無疑而某確信之斷斷乎無疑胡不攷諸易乎日用而不知夫惟不自知是以人雖有道亦莫之知有莫在筵有銘在旌尙祝讀辭道由是明尙饗

奠鄉相慶國太夫人辭

敬致奠於近故慶國太夫人靈筵其辭曰道以一貫無所不通其在朝廷其義如此其禮如此其在宗族其義如此其禮如此其在州里其義如此其禮如此一也某

等以州里之義爲莫爲賻致哀敬之禮於慶國太夫人
殯前皆用此道恭惟太夫人實以此道孕和育粹篤生
元輔又以此道茂膺錫命備受嘉福某亦何敢不以此
道爲視爲辭古莫無辭奠之有辭幾年於茲有其舉之
於義無違大道在斯至靈清明昭斯饗斯

奠馮氏妹詞

兄朝散郎主管建昌軍仙都觀某祇奉祖奠於亡妹百
念八娘子某自總角以至於六十不知吾妹性質靈明
不因言而始覺後觀古而默契比借甥輩暫寓於吾室

之西偏間得款話話次始知靈覺天然萬古鮮儼士而
能覺已足垂芳於世婦而能覺古惟太妣自茲以降以
俛行稱於史固不乏求其內明心通惟龐氏母子及吾
伯姊暨妹而妹乃生而明斯某所以每歎其未有與擬
靈光溥其無際神用應酬卷舒雲氣亦猶鏡象參錯來
備而澄明縈然斯靖斯止方謂嫂婦輩朝夕伊邇德意
德音其有薰漬天胡奪吾妹之遽慟哭不勝再慟莫繼
疾作累日中旣復常僅能朔哭今復甚病食損十九茶
爾瘠甚祝告以翼日唯荒就道矣不可遠送忍哀寫此

哀哉痛哉哀痛之極死生之變其與四時之錯行日月之代明何異吾妹靈明之妙正如此

祖奠馮氏姊辭

從父弟某謹致祖奠於亡姊百十九安人憶昔世父合居武康諸姊俱長某輩幼行男女則別同堂對房旦旦肅揖歲時奉觴姊雖有行歸寧則常獲依居眷深愛長日月如車轂俱焉鬢霜三遷數里家道寢艱安得徒步數數而登堂昨問姊疾姊猶爲興坐榻良久某請安寢問答清明後聞復強謂福履益其綏將夫何遽然棄諸孤以行會哭家廟爲位其旁姊七十某亦六十二一哭遂疾作踰月未平遽告啟期扶力而來哀不勝矣欲慟懼其傷生搏哭忍痛執奠涕滂於乎功衰至情豈一幅之辭可以盡道其中腸

祖奠姪婦舒氏辭

叔舅某茲祭奠於亡姪婦舒氏就封有期酌酒以告婦吾友西美之子來相姪懌旦旦登堂敘揖時節敘拜祀事相禮凡百惟肅近懌有覺轉以告婦迺克領會且曰特以分嚴有願陳於叔舅之前當益有啟明之意疾革

又覺截不殿屎於乎哀哉於乎善哉憫復告某婦秉禮
嚴默符先聖於乎姪婦有至德善行如此叔舅未之知
迺今知之而遂隔幽明於乎哀哉叔舅朽質新年六十
有六不可冒寒風酌奠以別辭噫莫繼哀哉哀哉哀哉
哀哉

奠孫甥子方

舅某茲致祖奠於故孫甥子方吾甥始以夢中而覺夢
中已拱達且猶拱自是心明達於日用舅刻餘礙喜甥
之覺妻甥以冢女每每講講竊謂甥用力於仁庶幾乎
仁何壽之促雖有懷中之玉力未續續妻與子遽環而
哭舅拘官守聞訃望哭既歸哭柩日月遄速今且奠甥
老不可慟哭哀哉哀哉哀哉

奠曹叔達

哀哉痛哉叔達叔達哀哉哀哉叔達篤志於道晝忘食
夜忘寢踰浹旬而忽覺二千年來覺者甚無幾比覺者
雖滋眾而每思念吾黨之士叔達未嘗不在懷中比裕
甫遠來卽訪動靜裕甫莫之知適通史使君書崇儒重
道某備言裕甫叔達之洞達使君報緘曰叔達物故矣

哀哉痛哉哀哉痛哉老不能慟望哭敬道斯莫哀哉哀哉

楊公伯明封志

於乎道非心思言論之所及雖聖人不能強人之必明孔子大聖其所啟明惟顏子三月不違餘則日至月至當是閔子騫冉伯牛仲弓曾子諸賢餘不能強也他日子夏子張子游以有若似聖人欲以所事孔子事之曾子曰不可江漢以濯之秋陽以暴之皜皜乎不可尙已厥後孟子得不學而能之良能寥寥千載無所考見我

慈湖遺書續集

卷一

五十四明叢書

約關刊本

宋邵康節程明道至矣而偏象山陸夫子生而清明某先大夫顛沛而拱如初伯兄諱籌字伯明晚而頓覺不勉不思云爲變化易簣之言曰昔猶今今猶昔有能覺斯隨意而適於乎斯其庸眾所能知時嘉定三年二月庚申壽七十有八口月甲申葬于慈溪縣之石臺鄉甸餘村孝順里王魯先大夫墓左娶李氏葬同域子恬惟悌慥愉孟女歸顏衮仲歸舒鉞季歸李埭孫圭至學仲弟朝請郎新差權發遣溫州兼管內勸農事某興哀起敬以書

慈溪縣孫孝子墓誌銘

自古罕知孝之卽道奚止不知孝之卽道亦不知日用庸常之卽道聖人患斯道之不明曰夫孝天之經地之義可謂昭白而學者習讀天經地義之言猶罕達天經地義之旨就闕近似終非本真孩提無不知愛其親斯愛不學而能不慮而知斯愛無體貌不可推其所始又不可窮其所終百姓日用斯道而不自知不自信惜哉慈溪之金川雞鳴山孫孝子文舉名之翰少志於學孝行著於鄉母疾病且革文舉刲體取肝爲粥以進母越

夕如醉而醜麪底于寧鄰里以其實上於縣縣上於州時郡侯嗣秀王聞而異之國太夫人亦願見命縣勸駕嗣王溫顏褒稱將聞於朝文舉曰本心救母他無覲嗣王嘉其誠不奪其志致饋帖敘其事吁人情驚異爲甚難也以此爲難則夫人皆知愛其親之心爲異乎道無難易人自難易心無難易動乎意者自難易使文舉以爲難則不爲矣人心卽道故舜曰道心因物有遷生意起巽始析難易而道心始不明孝德始衰當知日奉甘旨扶持先後出告反面昏定晨省無非大道毋以爲庸

常而忽之自不知自不信文舉居親喪里人稱哀厚於
昆弟睦於親族周急矜亡先義後利嘉泰壬戌六月庚
寅以微疾終壽六十有六開禧三年三月壬寅葬于五
磊之明山銘曰

道心大同孝弟無所不通伐一木不以其時非孝戰陳
無勇非孝不難不易天經地義 朝散郎楊某誌并書

宋故孺人蔣氏墓誌銘

寶謨閣直學士朝議大夫提舉南京鴻慶宮慈谿縣開
國男食邑三百戶賜紫金魚袋楊某撰并書

先聖有訓曰吾行在孝經孝其至于天之經地之義人
之行此某所以盡心焉矧某外氏乎矧外氏而有致政
承務臧楷之妻如蔣氏之淑德者乎蔣氏名處定字常
一妣氏之姪婦也曾祖俊明贈金紫光祿大夫祖璿左
朝議大夫知江陰軍父怡迪功郎處州青田縣主簿母
陸氏封孺人某老矣思妣氏之不復見見妣氏之家賢
婦則如妣氏存焉某旣誌舅氏墓茲又誌舅氏之孫婦
墓於乎傷今思昔尙忍言之蔣氏在母家志趣高潔來
歸外氏敬事舅姑默符禮經淑質凝重悉能先見闔門

之內進退有度安心淡然不以處約爲恥子女眾多人
不堪其憂其心若固有之宗族敬之家用平和上下無
怨克相夫子義訓諸子悉有成績嘗曰心自烜冥吾何
慊乎哉疾甚命子曰吾其已乎勉其力學清明不亂如
此生於紹興丁丑卒於寶慶乙酉葬于鄞之桃源封孺
人子四曰夢祥曰元凱俱入學請舉升舍曰元哲曰元
圭登癸未科修職郎新婺州司戶參軍女三適里士魯
文郁李正君姚鑰孫震亨巽亨夢祥領諸子請銘某以
外氏之義不敢辭乃引筆而銘之銘曰

人心卽道一貫不二外氏賢婦慈湖敬誌

宋翰林醫痊臧公墓誌銘

從甥承議郎主管台州崇道觀楊某撰并書

某之外曾王父臧公諱中立本毗陵之無錫人爲儒而
通於黃帝岐伯之道樂四明山水而徙焉今六世矣娶
無錫承氏生五男子長諱師心次諱師旦次諱師顏是
爲翰林醫候累贈從義郎次諱師文是爲某之外王父
以文行升上舍貢禮部次諱師皋某自識事已不及見
外王父母矣惟省總角侍母孺人歸外氏猶及見外伯

祖母從義孺人倪氏諱真環侍朱紫滿前今妣舅俱亡而諸姪又亡傷今念昔哀動於中比會從姪孺人盧氏葬從表兄屬某誌銘從舅醫痊墓并敘二姪某屬卑德下懼莫之任表兄勉諭於再於三某不得而遜乃退攷其行實已而歎曰正道之不明於天下也蓋自周衰以迄五代周六官分職皆所以爲民極極者天下極致之道而天官之屬有醫師焉有疾醫焉蓋上士中士爲之占之爲士異乎後之爲士古之士以德行道藝後之士大抵以文辭是故品流之論興而是非之實殺亂夫天下極致之道惟其是而已矣捨天下公是公非而虛文而侈是無惑乎後世之風俗日趨於傲而不反古也皇宋舉三代之遺制建百官一道德而習俗之固猶滯於流品之論豈其人猶或未有公是之實耶若吾外氏則有公是之實矣從義之戒子曰疾者之求於我當懷惻隱毋以利爲也違吾言爲不孝醫痊諱賓卿字雲叟從義之仲子也亦急於救物不以貧富貴賤二其心醫有能而無資公推挽俾盡所長藥必已給報必彼歸其不嗇不忘如此是非公是之實耶善無大小道無精粗公

和而不同不妄言笑遇事若無所可否至大義所在則
介于石公以謹厚聞於鄉郡太守多所愛重有故舊罹
橫逆公憫其無辜思爲一言其家忽盛金帛以請公正
色卻之曰女以物參我吾不復爲言矣其妻與子羅拜
泣曰今不敢以累清德卒白其冤後踵門來謝亦不之
納斯固士君子常行而文辭之士間有不能是又非公
是之實耶公孝友儒雅闈門雍穆初以侍從參奏試翰
林院補翰林醫學累轉至醫痊賜五品服隆興元年六
月八日卒壽五十有五明年十有一月丙申葬於鄞縣

桃源鄉之西山萬密合先室盧氏之藏盧氏順事舅姑
睦於娣姊內外無間言紹興十有一年十有一月二十
有九日卒壽三十有六丙寅九月乙酉乃克葬戊寅郊
賚贈孺人醫痊再娶盧氏女弟亦封孺人後賜冠帔孝
謹之行如其女兒壯年孀居遂棄鉛華終身德性澹然
人奉之不喜忤之不怒是非榮辱不以動其心時時誦
卻除蔽惑滋成疾趣向高明又是邪之句一日夢神人
告之曰女壽五十二今以積德延七十六及屬纊之夕
安然如嫁實慶元三年十有一月二十有五曰壽七十

六符神人所告云明年十月甲申合葬於萬壘子男三
皆儒學長諱泳紹興元年四月二十有三日卒次諱濟
季諱沔淳熙十有五年七月十有二日卒女二長適承
直郎口州學教授盧子卽從姪之從姪也次適里士陸
億孫男十有三人植登紹興四年進士科迪功郎常州
晉陵縣主簿格登慶元五年進士科迪功郎新紹興府
諸暨縣尉杞楷枱松栝枸栲枋枝孫女五長適贛教
授子次適玉牒承信郎口通夫次適太學生史彌鞏次
適里士舒濤次適里士章德甫曾孫男十有七元善元
而銘曰

皇極之敷言是彝是訓道一以貫孰精而深孰膚而近
胡不聞先聖之言曰中庸之爲德其至矣乎庸常也猗
與舅始德性正順有皇極焉人毋易之自起遁離之病

陳夫人墓誌銘

夫人陳氏昌陵宗室燕懿王七世孫脩職郎慶元府鄞
縣主簿名師邾字共甫之妻也慶元二年九月乙巳夫
人以疾卒於鄞之官舍既踰月共甫含哀以告四明楊

某曰孀年十八歸於師邾執行婦道相宗事唯謹和上下巖內外敬戒無違性行靜正不媿屋漏不悅華飾夙夜服勤至死居人所不堪之貧而安之賓至質衣治具儉而敬平居樂聞善言動心忍性故氣質日變以美師邾貧而多病問歲講學武夷閩浙往來二千里或者獻疑納忠咸尼之孀獨能輔吾志去之日不爲兒女悲惟敬相勉曰願夫子德益進業益脩瓶無遺粟妾餓死不悔也嘗假館於外閉門課子讀書糞粥不給非師邾朋友之饋弗受其父母兄弟招之宴遊不往靜重有如此

是以聞風者樂道其美至引以相警戒嗚呼今亡矣年止三十六生二男曰希諶曰希韶二女曰桂曰梅今將以其柩歸十有二月壬申葬於臨海郡城之東北望海山之原師邾嘆其秉志之可嘉悼其降年之不永又愍師邾或負斯人之所期也故述其大略以道其失助之悲且屬某銘其墓某聞其言中心敬生曰有賢婦若是宜書銘曰

世觀夫人若力而爲我觀夫人其自有之惟其有之是以安之斯有斯安豈惟夫人不自知雖百世無能知

王德高墓銘

四明慈溪王德高諱鎬世爲鄞人後徙慈溪曾祖諱發
故夔州巫山縣主簿累贈朝散郎祖諱庭芳故朝奉大
夫直祕閣致仕累贈太中大夫考諱基故從政郎潭州
長沙縣丞德高忠信德行勢利紛華一不以動其心弱
冠高與鄉貢繼登太學後登進士科尉江州湖口時歲
不登郡委借德安簿視荒德高不憚履畝務寬下戶簿
趨郡上白太守怒其減及縣額之半擲於地簿遺書言
使君意巨測德高報勉其堅守且以罪自任邑民不勝

慈溪遺書集卷一

三四四明叢書

約園刊本

感德旣而韓使君入境問父老以邑官之賢否咸稱尉
賢自是邑民之訴於郡者悉以委德高德高處決一一
惟允無復異辭一日鬻卒者獲三捕卒乃徭人之隸於
池陽大軍官捕甚急懸賞至千緡是在法抵死自首則
免第賞不行爾遂以自守首聞於軍帥三卒遂免死瑞
昌宰不事事卽檄德高兩易簿并攝縣比至縣視其囹
圜充斥縲於廊廡者纍纍問之吏則曰是皆負官賦者
德高曰噫彼繫於此賦何從出悉召至庭下撫問喻曉
與期而遣之吏執謂此皆頑民一縱不可復追弗聽皆

羅拜而去遂相率如期而輸民訟之久不決者盡爲之
決遣里正之頑黠者於期會惟謹不敢違德安宰以事
被鞠德高又奉檄攝邑且俾盡有宰之月給德高密以
半遺宰之家未嘗以語人也湖口丞素相陵德高不校
暨官滿郡督過良窳爲之極力調護以薦舉陞從政郎
授建康溧陽丞以慶典循文林郎覃恩循儒林郎民之
訟之帥漕皆乞送清強官縣丞累年滋蔓曖昧之訟一
旦而平公不可槩舉至有密詣庭下以手加額再拜而
去者漕使林公枏剛方嫉惡所至竦畏始臨治所德高
逆諸境一見慰藉甚厚云得政聲於道路卽面付民訟
數十紙居亡何得替告歸時已六月漕欲少緩交割以
下半年薦剡相處對曰已交事漕悵然德高恬不以爲
意厥後司糴行都適值積弊之後商旅不通德高始至
卽率同官力請於長明示以信酬直必時無淹阻牙儉
舉力效誠亦不忍欺畝商感悅舳舻輻輳歲糴僅百萬
不勞而辦考滿以賞循承直郎後調會稽丞年踰六十
精力不衰職事益不苟終更奉祠雖貧而樂親姻交舊
宦達寢多無求無請廉不近名直不忤物無町畦無緣

節吏能精敏法令明習事長官如父兄與同僚如朋友
久敬不替御胥吏如家人視部民不啻如赤子御家詳
整有法度氣貌方嚴而卽之也溫虛心樂善好獎勉後
進於人無賢否敬愛惟均族黨姆姻舅之家或有人所
難處苟知之必忠告善道其人亦多感悟遷善仲子津
治詩魁太學一時流輩推與家世衰落咸屬意俄天折
親黨不勝痛惜德高雖哭之未嘗過爲感終日危坐凝
塵滿席嘉定六年三月丁未以疾不祿壽七十有九娶
孫氏再娶馮氏四子湜津準瀟女五皆已適人二孫杭
桷孫女二諸孤將以十有一月丙申奉柩荒葬於慈溪
縣金川鄉施畧銘曰

忠信正直寬裕明寂德高有焉莫匪爾極
某不欲從近世出名銜按溫彥博墓誌撰者亦不
出名銜孔安國作尙書序不出名里王肅作家語
序不出名里某鄉亦不出名銜今知非故改過

慈湖先生遺書續集卷之二

先生曰勿盡信非聖之書某少不明於是非爲非聖之言所誤惑不知其幾年後乃知非大聖人終未全明戒之哉

又曰學者當先讀孔子之書俟心通德純而後可以觀子史學者道心未明而讀非聖之書溺心於似是而非之言終其身汨汨良可念也孔子之言奚可不精而思之熟而復之今孔子之言出於學者之所記錄猶或失真況於非聖之書其害道者

慈湖遺書續集 卷二

二四明叢書

約圖刊本

多歎

孔子閒居解

孔子閒居子夏侍子夏曰敢問詩云凱弟君子民之父母何如斯可謂民之父母矣孔子曰夫民之父母乎必達於禮樂之原以致五至而行三無以橫於天下四方有敗必先知之此之謂民之父母矣子夏曰民之父母旣得而聞之矣敢問何謂五至孔子曰志之所至詩亦至焉詩之所至禮亦至焉禮之所至樂亦至焉樂之所至哀亦至焉哀樂相生是故正明目而視之不可得而

見也傾耳而聽之不可得而聞也志氣塞乎天地此之謂五至子夏曰五至既得而聞之矣敢問何謂三無孔子曰無聲之樂無體之禮無服之喪此之謂三無子夏曰三無既得略而聞之矣敢問何詩近之孔子曰夙夜基命宥密無聲之樂也威儀逮逮不可選也無體之禮也凡民有喪匍匐救之無服之喪也子夏曰言則大矣美矣盛矣言盡於此而已乎孔子曰何爲其然也君子之服之也猶有五起焉子夏曰何如孔子曰無聲之樂氣志不違無體之禮威儀遲遲無服之喪內恕孔悲無聲之樂氣志既得無體之禮威儀翼翼無服之喪施及四國無聲之樂氣志既從無體之禮上下和同無服之喪以畜萬邦無聲之樂日聞四方無體之禮日就月將無服之喪純德孔明無聲之樂氣志既起無體之禮施及四海無服之喪施於孫子子夏曰三王之德參於天地敢問何如斯可謂參天地矣孔子曰奉三無私以勞天下子夏曰敢問何謂三無私孔子曰天無私覆地無私載日月無私照奉斯三者以勞天下此之謂三無私其在詩曰帝命不違至于湯齊湯降不遲聖敬日齊昭

假遲遲上帝是祇帝命式于九圍是湯之德也天有四時春秋冬夏風雨霜露無非教也地載神氣神氣風霆風霆流形庶物露生無非教也清明在躬氣志如神嗜欲將至有開必先天降時雨山川出雲其在詩曰嵩高維嶽駿極于天維嶽降神生甫及申維申及甫維周之翰四國于蕃四方于宣此文武之德也三代之王也必先其令聞詩云明明天子令聞不已三代之德也弛其文德協此四國大王之德也子夏蹶然而起負牆而立曰弟子敢不承乎

禮樂之原卽五至五至卽三無三無卽五起五起卽能先知四方之敗者道不可言孔子欲無言不得已而有言曰原足矣何必言五至五至多矣又何必言三無子夏沈溺於文義之淵數斷非一語之所能曉敷而明之曲而暢之庶幾或觸其機也何謂至人皆有心志卽志卽至無所復至凡志之有所思焉有所感焉思亦何所思感亦何所感思無所思人自以爲思感無所感人自以爲感倏然而思思無所起思而又思思無所止人自以爲止所止者何所厥思亦何

物執之而無得視之而無睹莫究厥始莫窮厥終莫
執厥中是之謂大同倏然而感感無所起感而又感
感無所止人自以爲止所止者何所厥感亦何物執
之而無得視之而無睹或曰氣氣亦中無有或曰心
心亦無本體莫究厥始莫窮厥終莫執厥中是之謂
大同若然則由志而爲詩詩亦然也發於禮儀禮亦
然也於是乎樂生不知手之舞之足之蹈之則樂亦
然也人情亦豈能終月樂終年樂亦有哀焉有所惻
焉則哀有所傷焉則哀或哀焉或樂焉哀樂相生其
變萬狀於戲至哉孔子曰此雖使正明目而視之不
可得而見也傾耳而聽之不可得而聞也哀雖至於
哭顏淵慟矣而不自知樂雖至於孟子喜而不寐亦
不可見不可聞也哀樂必有物非不可見也哭笑必
有聲非不可聞也而聖人斷然曰不可見不可聞眾
人之樂皆不可見不可聞也而眾人自以爲可見可
聞也眾人之哀皆不可見不可聞也而眾人自以爲
可見可聞也哀與樂名也聞與見亦名也感其名者
失其實也是名卽實是實卽名名與實亦名也感其

名者失其實也志卽詩卽禮禮卽樂樂卽哀志氣
卽天地謂之充塞非過論也謂天地合德可也謂範
圍天地可也其曰充塞乃因人心狹固井蛙不可以
驟語海姑爲是言也聖人之言不可以一定論也或
曰禮樂之原或曰五至或曰三無或曰致或曰行縱
而言之錯而論之無不可者聖人曰五至吾曰六曰
七可也聖人曰三無吾曰四曰五可也詩與禮與樂
類也忽繼之以哀何也深明夫一體無二縱而言之
錯而論之無不可者是故無聲之樂卽無體之禮無

體之禮卽無服之喪樂未嘗無聲必曰無聲非無聲
也卽聲也禮未嘗無體必曰無體非無體也卽體也
喪未嘗無服必曰無服非無服也卽服也聲卽無聲
體卽無體服卽無服本無所異何必言同惟人徒執
其聲故曰無聲徒執其體故曰無體徒執其服故曰
無服詩曰夙夜基命宥密命何所基命何所始始無
所始無所窮際謂之極寬極宥可也不可得而見不
可得而聞不可得而思謂之至密可也曰基曰宥曰
密皆名也蓋其名者失其實也聲卽無聲天下之至

實也而徇名與聲者惑之聖人曰無聲所以破學者
牢不可破之定見也非以無聲爲定論也又慮學者
無從而求之使窮其本始得其始則得其終矣曰基
命所以原始也原聲所始始無所止莫究厥始莫窮
厥終莫執厥中無聲之樂曰聞四方果曰聞四方矣
無聲卽聲無體卽體無服卽服無本末無麤精威儀
實無體其曰不可選也是誠不可選也凡民有喪匍
匍救之是固無服之喪也卽齊斬功緦之道也於父
斬衰於母齊衰兄弟期降而功緦衰誠有等差皆一

心之爲也卽匍匍救喪之心以喪其親則爲齊斬爲
辨踊爲毀瘠一也非人之所爲也天也天卽人人卽
天地卽日月卽四時卽鬼神卽禮樂之原原無所本
亦無所末本末之名因人心而生本末之實不以人
心而異人謂之本則亦姑從而謂之本人謂之末則
亦姑從而謂之末人謂之天則亦從而謂之天人謂
之地則亦從而謂之地人曰日月吾亦何得不謂之
日月人曰四時吾亦何得不謂之四時人曰禮則曰
禮人曰樂則曰樂人曰人則曰人人曰道則曰道曰

氣則曰氣曰志則曰志曰有曰有曰無曰無號名紛
然意慮雜然而未嘗不渾然寂然也人自以爲紛然
雜然也故曰卽哀樂之相生而實不可見不可聞也
此非徇名者之所知也亦非徇實者之所知也實無
所徇實無所實棄名而求實非實也棄實而言名非
名也實非學者之所知也名亦非學者之所知也知
則不知不知則知知則亂則昏不知則清明則無所
不知孔子曰吾有知乎哉無知也文王不識不知順
帝之則子貢以爲多學而識之聖人以爲非孔子又

曰天下何思何慮學者苟有意焉夫子必曰毋有必
焉必曰毋有固焉必曰毋有我焉必曰毋微有意象
如雲氣之蔽太虛矣四方有敗安能先眾人而知之
先知四方之敗者必其不識不知者也孔子曰不逆
詐不億不信而亦自先覺何也意慮不作而本清本
明之性自無所不照故也此非口舌之所能道也此
非思爲之所能到也人心自清人心自明人心自無
思無爲人心自寂然不動思未嘗思人自以爲思爲
未嘗爲人自以爲爲清也明也無思也無爲也寂然

不動也知也不知也皆名也惑其名者失其實也子
夏聞三無之論曰言則大矣美矣盛矣言盡於此而
已乎是子夏未領吾聖人之旨也聖人之旨非美盛
所得而言也亦非言所得而盡也故孔子又啟
之曰君子之服之也又有五起焉服而念之暢而明
之五起非有五者之不同也五起猶五節加焉而六
可也損焉而四亦可也縱而言之錯而論之無不可
者無聲之樂氣志不違氣志卽樂匪異匪違無體之
禮威儀遲遲威儀遲遲不可度思無服之喪內恕孔

悲其怨其悲孰得而知無聲之樂氣志既得得匪有
得亦匪無得無體之禮威儀翼翼威儀翼翼順帝之
則無服之喪施及四國三者一旨三者一德無聲之
樂氣志既從何異何同昭明渾融無體之禮上下和
同此敬此恭何所不通無服之喪以畜萬邦有安無
危有福無殃無聲之樂日聞四方人皆聞之而曰不
知無體之禮日就月將不勉不強從容有常無服之
喪純德孔明皜皜精白禮樂同情無聲之樂氣志既
起斯起斯止變化不已無體之禮施及四海此道大

通無遠弗届無服之喪施於孫子禮亦如此樂亦如此三王之德如此天地之德如此日月之明如此天無私覆地無私載日月無私照人無私喜怒天地日月卽人人卽天地日月以爲異者耳目思慮之所及也以爲同者非耳目思慮之所及也非是有非非及不及天人無違故帝命之人而違天私意作之故天命去之得此道者謂之聖聖無不敬敬非人爲是謂曰躋爲則墮矣莫克進矣進亦匪進人言曰進姑亦曰進是進無思是進無爲自然昭明自然暇怡寂然

渾然融融遲遲所以順帝則者在斯所以作式于九圍者在斯天有四時春秋冬夏風雨霜露寂然渾然其教我也昭然自地而上莫非神氣神氣之可指者如風霆風霆作而芽甲形庶物露生寂然渾然其教我也昭然其在我也爲百骸爲九竅爲視聽言動爲氣志嗜欲寂然渾然又何其清明又何其如神也卽人卽神姑曰如神何以驗其神嗜欲將至有開必先天欲降雨山川先雲宣王未出而臨莅天下也而嶽先降神生甫及申何爲乎其神至如此道通爲一其

心甚神無方體易曰範圍天地天地在吾心量中也子思曰大哉聖人之道洋洋乎發育萬物萬物者聖人實發育之也此道非聖人獨有而眾人無也天下之所同也自此而上千萬億年皆此心也自此而下千萬億年皆此心也天者宣王之高明地者宣王之博厚山川宣王之流峙雲雷風雨宣王之震動散潤嵩嶽宣王之嵩嶽申甫宣王之申甫在古不爲先在今不爲今在後不爲後渾然寂然昭然不澄治而常清不思慮而常明何獨聖人爲然又何獨宣王爲然樂平有老士王者曩數年夢令遣胥致命俾成先聖之宮且召之食期日二十有七至是默符曩夢期日正同故王老感異捐金特盛此亦王老之有開必先也於戲人皆有是至靈至神古今一貫之心即天地之道即禮樂之原即文武之德即三代之德而不知自貴不知自愛殊可念也能自知者千無一萬無一自知誠鮮而常知常明者又鮮自知者孔子謂之知及之常知常明者孔子謂之仁能守之自知非意慮之所及亦非捨意慮之所爲意慮交作如四時之

錯行如日月之代明人皆有是明德而不能以自明能自明而又不能常明有時乎昏則不可以爲仁仁者覺之謂醫家者流謂四肢不覺爲不仁先儒嘗舉此以明仁無一物之不覺無一事之不覺無斯須之不覺如日月中天如水鑑昭明常覺常明自覺自明晝夜通貫顏子進乎此故曰其心三月不違仁其餘日月至者如仲弓之徒亦可以言仁惟日月之外亦昏亦違可以言仁不可以言盡仁顏子幾於盡仁矣孔子六十而耳順則江漢以濯之秋陽以暴之皜皜乎不可尙已

慈湖遺書續集

卷二

十二四明叢書

約園刊本

附錄

曾定遠既刊先生已易又刊所解孔子閒居閒居眞聖人之言伊洛諸賢未嘗及之道之不明也我知之矣不肖者不及賢者又過之中庸庸常也棄日用平常而起乎意說吾不知之矣嘉定元年十月六日彥械敬書

熠頃侍教於知丞趙公嘗言楊先生昔著孔子閒居解熠請之而未獲近乃寄示誠足以開悟後學因錄木以傳之夫孔子之言見於六經論孟者人所尊信惟雜出

傳記者雖戴聖所傳人猶未之盡信惟大學中庸先儒所推尊故學者講誦至若孔子閒居昔賢未嘗留意今先生首發明而晦解之得非所謂五至三無皆斯人良知良能苗裔發見於心端誠可體察而用力者歟彼坐談高遠而不隱諸內心者可以自省矣嘉定戊辰十一月甲子學生廬陵曾熠謹書

四明楊先生己易先生挈古聖所指詔學者遂成此書知有此書者眾好者鮮彥懺事先生舊矣負丞吉水邑士曾定遠篤信好學久藏此書一日攜示彥懺曰先生

推明心量之大使人讀之萬善備具思與朋友共將刊諸版俾彥懺書於後噫定遠其有得於先生之言乎彥懺起敬起恭以謂聖人之易不離先生此書不離定遠篤好欲刊之心不離刊者之手不離觀者之目不離誦者之口不離聽者之耳又不離不刊不觀不誦不聽者之耳目口手斯旨彥懺實有覺於事親從兄喜怒哀樂兢兢業業日用之間先生字敬仲嘉定元年六月六日學生承事郎知吉州吉水縣丞趙彥懺敬書

楊先生己易曩先生宰樂平時嘗加改訂熠得其本因

謁知丞趙公是正之錄木以詒同志或者猶謂先生復有所改近趙公爲轉致諸先生之前而先生不復加損則此爲定本矣夫六經論語之書言天下之義備矣迨孟氏興而復出性善養氣之說自孟氏沒更秦歷漢以至於今前聖之意隱然而未發者乃有橫渠之西銘雖然西銘之意認天地爲一家而已易一書悟天地爲一己其流行發見精蘊畢備厥功益大學者誠能沈潛而反復之於其一理渾然之中知其萬理森然莫不具在反諸吾身覺其機之動而體驗推放之雖馴造聖賢之域可也嘉定戊辰十月甲子廬陵曾熠謹書

楊先生回翰

某咨定遠契好長書細楷遠以見示備著深情跋語及大學某所未安大學非孔子之言定遠曰體察曰隱諸內心是未信此心之卽道故更體察更隱也體察與隱皆起意孔子戒學者毋意曰內曰外皆起意此與大學同病曰止曰定曰靜曰安皆意也孟子曰勿正心而大學曰正其心又曰先誠其意先致其知又曰在格物皆意也益可驗者篇端無子曰定遠更需餘言然已易闕

居解亦詳矣略復不縷縷某咨

熠再以書叩老先生其略云平常正直之心雖人所固有然汨沒斲喪所存者幾希平時憧憧往來於利慾之塗而牛羊斧斤若是其濯濯幸而聞大人先生之言是爲之涵養爲之克治待其膠擾之暫息清明之復還於是良心之苗裔善端之萌蘖時時發見焉必也體而察之隱而度之持循執守久焉而後安止精熟不失我心之本然今懼其起意也不敢體察不敢隱度坐聽是心之所發則天理與人欲並行真誠與僞念交作果何以

慈湖遺書續集

卷二

十四四明叢書

約園刊本

洞識其然否恐放其心而欲求者不可以如是竊嘗深念欲遵先生之教全其平常正直之心不體察不隱度不起意於中又不可汨然無所事若枯槁者之爲也熠輒欲於此加閑邪之功可乎使邪旣閑而平常正直之心自見如雲陰解駁而日月之體自明由是坦然由之而無疑沛然行之而莫禦下學之用力果可以如是否乎

老先生復賜書答云

某咨定遠契好茲又得手帖備見問辨不鹵莽然定遠

謂汨沒斷喪所存者幾希待其膠擾之暫息清明之復
還是定遠猶未自覺自信易曰百姓日用而不知日用
豈無膠擾易曰變化云爲膠擾乃變化卽天地之風雨
晦冥君子見善則遷有過則改孔子曰吾未見能見其
過而內自訟此皆道心之變化定遠豈自旦達暮皆爲
邪改邪足矣孔子曰改而止邪改卽止不可正其心反
成起意是謂擾苗所謂芸苗乃去惡草卽改過已易閒
居解並收已四月廿三日某啟

熠刊已易閒居解因紀歲月僭書數語於卷末嘗以書

慈湖遺書續集

卷二

十五四明叢書

約園刊本

請益老先生往復之間兩蒙報教始謂平常正直之心
卽道而體察隱度者未免起意再謂日用變化豈無膠
擾但當改過遷善而止熠反復敬誦老先生之言乃知
此心虛明萬理萬化盡在其中君子所以用力於仁學
而不厭者必有事焉初非臆度料想之謂也輒合已易
閒居解爲一帙并以二書刊其後敢不服膺以無負老
先生循循之誨嘉定己巳六月望曾熠謹書

慈湖先生遺書續集卷之二

慈湖先生遺書補編目錄

同邑後學馮可鏞輯

序

象山先生集序

記

和至齋記

主簿廳記

墓誌銘

宜州通判舒元質墓誌銘

慈湖遺書補編目錄

四明叢書
約園刊本

故龍圖閣學士袁公墓誌

孫燭武先生塋志

補

雜文

紀先訓

訓語

詩

進月堂

題默齋

淨土院

妙庭觀

孝子孫之翰

案先生詩文湮佚良多其散見於諸書而有目

無文者如張汝弼墓銘遺書張渭叔墓誌舅氏臧公墓

誌遺書故孺人蔣氏墓誌韓貫道墓碑鶴山文鈔題慈湖所書韓貫道墓碑

後陸君墓誌諸作蒙齋集跋慈湖先生陸君墓誌其文雖存

而經節錄者如陸象山先生配吳孺人墓誌象山

年譜文云孺人諱愛鄉吳公茂榮諱漸之長女

也幼有異質女工不學而能詩書過目不忘公

大奇之一見先生譚可妻歸焉先生為國子正

刪定敕局居中五年四方之賓滿門旁無虛字

併假於館中饋百需先生不一啟齒孺人調應

有方舉無缺事蓋先生奉祠歸囊橐蕭然同僚

其贖之還里之明年經豆甯海軍節推趙公彥

象山孺人捐版中物助之

肅行狀諸作宋元學案文云先生書無不習習

習宏博科業成又去習先儒講書自謂無不悉

者逮從聯巖沈先生遊因論太極不契憤悶忘

寢食遂焚平昔所業數篋動靜體察工夫無食
息閒一日舟行松江聞晨雞鳴已而犬吠通身
汗浹前日胸中窒礙一時豁去其後以語學者
且曰不知此一身汗自何而至省覺之初有詩
曰循緣多熟境溺法無要津虛心并百慮猶是
隔幾塵雲邊察飛翼水底朝躍鱗問殺魯中叟
笑倒濠上人閒居善誘學隨叩輒鳴自卦畫象
數儀象律曆封建方田儀禮司馬法及釋書道
藏下至醫卜導引之類各因所質而誨之學者
欣躍自喜則又曰如此坐賈居肆聊備雜蓄以

續遺書編目錄

一四明叢書

應人需爾非吾本務也姑遲十年吾將收繩捲索以俟能者
可鏞久事搜求而先世所遺寄月樓書悉付戎燹諸藏書家亦末由徧及補闕拾遺願俟博雅光緒戊子長至日識

附錄

陸九淵書二則

眞德秀楊慈湖手書孔壁孝經跋

王應麟困學紀聞一則

戴良題楊慈湖所書象山語

慈湖遺書補編 目錄

三四明叢書
約園刊本

葉紹翁四朝見聞錄二則

陸九淵楊承奉墓碣

潘汝楨刻慈湖遺書序

楊世思書慈湖遺書節鈔略

丁丙慈湖遺書跋

慈湖先生遺書補編

同邑後學馮可鏞輯

序

象山先生集序

有宋撫州金谿陸先生字子靜嘗居貴溪之象山四方學者畢至尊稱之曰象山先生先生家嗣持之字伯微集先生遺言爲二十八卷又外集六卷命某爲之序某自主富陽簿時已受教於先生因言忽覺澄然清明應用無方動靜一體乃知此心本靈本神本明本廣大本

慈湖遺書補編

一四明叢書

綉閣刊本

變化無方奚獨某心如此舉天下萬世人心皆如此易曰百姓日用而不知孔子曰二三子以我爲隱乎吾無隱乎爾吾無行而不與二三子者大戴記孔子之言謂忠信爲大道忠者忠實信者誠信不詐僞而先儒求之過求諸幽深故反不知道孔子又名大道曰中庸庸者常也日用平常也孟子亦謂徐行後長卽堯舜之道又謂以羊易牛之心足以王先生諄諄爲學者剖白斯旨深切著明而學子領會者寡某不自揆度敢少致輔翼之力專敘如右開禧元年夏六月乙卯門人四明楊某

記

和至齋記

率履有重屋銘曰和至履行也行乎世交際應酬相親相敬可謂和已易曰百姓日用而不知孔子語子思曰心之精神是謂聖孟子曰仁人心也和者心之精神曰用而不自知猗歟至矣精神曰用無體而不可見猗歟至矣同舍每晨鳴版會揖至矣相與笑談不勉不思至矣易曰履和而至灼然灼然必有事於芸苗毋尙疑於

慈湖遺書補編

二四明叢書

約園刊本

聖訓孔子曰改而止改過卽止無復他爲用力於仁改過而已改過曰精神之妙猗與至矣

咸淳臨安志

主簿廳記

主簿之爲職重矣凡一縣之簿皆得而領之民丁有簿保伍有簿學有簿受詞有簿三一下都一送案一退抹限有簿三十逮至有簿繳有簿準諸司及守倅判皆有簿准帖牒皆有簿受外州縣牒有簿佐官申有簿斷釋有簿凡財賦之入皆有簿自始至門皆有簿入出庫皆有簿復有給俸簿給庸簿給土兵錢糧簿籍解鈔簿自

徐令君以來又有所謂總簿蓋無所不鉤稽可以正典
常可以糾姦隱可以理財用可以安邑民近世居是官
者自二稅與夫省庫之外無與焉號曰冷局無惑乎爲
縣者之務益繁也是邑丞簿咸寓蕭寺而簿廳之廢特
甚舊有址於縣之東久爲荒墟矣簿君周正字仁甫質
直無所回畏某喜於得良友縣東堂幾二十楹請葺而
居焉蚤暮徒步可以相過屬某記廳壁且追書前官之
可考者列於左紹熙四年楊某記

樂平縣志

墓誌銘

慈湖遺書補編

三四明叢書

約園刊本

宜州通判舒元質墓誌銘

慶元五年己未九月二十九日友人宜州通判舒元質
氏卒訃聞某哭諸履門之外旣而奔奠於元質之廬又
哭盡哀而反十有二月望厥子將卜兆於嵩溪里之公
棠山使以窆期告且徵銘焉簡哭而對諸使曰某尙忍
爲元質銘也哉弱壯而爲執遊強而茅拔於春官艾而
期伸執於案服今追顯而遂永訣矣某尙忍爲元質銘
也哉使速之曰弗銘何以掩夫子於幽乃拭袂而序以
銘之元質諱璘其先舉陶庭堅之後三代時國於舒舒

亡而其裔卽以國氏世望廬江十三傳邵爲漢阜陵長
又廿三傳而元與相唐弟元褒官司封員外郎褒子守
謙以伯父甘露之變徙居於越再傳而遷四明之奉化
善積慶餘更四葉而實振元質之大父宣議郎卞文才
武略名冠一時建炎中禦金有功鵬舉岳公招而置之
幕下鄉人銘績焉父曰黻山進士歷官通直郎後以明
堂恩進秩承議元質生而敦樸得子淵之愚道心融明
所覺非思一時師同門志同業者則某與沈叔晦袁和
叔也元質於書無所不貫尤精於毛鄭詩早遊上庠爲

南軒識荆乾道壬辰中進士第擢信州教授隨丁承議
憂易喪誠信哀毀骨立孝友聲益彰服闋特差充江南
西路轉運司幹辦公事載遷教授新安愈自磨勵其於
晦翁東萊南軒及我象山之學一以貫之新安之士欲
經而問難者堂溢階充兩端不竭不怠築風雩亭以自
娛其萬物同春氣象或狂點不得爭殿最也時世故紛
糅天災沓臻國病於需民艱於食元質緯不暇恤憂常
在公於是議常平商鹽政經荒策論保長凡爲書若干
章上之刺史守尉其採而試者效輒響應當道廉而賢

之曰文學政事兩擅其優是爲天下第一教官豈宜投置閒散乃擢合平陽平陽之民沐元質之德者咸興誰嗣之歌三載考績遷宜州通判元質以仕路頗榛拜命便歸未果卽行遽夢兩楹之奠元質生於紹興丙辰九月廿八日巳時按曰古法書卒葬年月日不書生年月日南宋人或書之然未見有書時辰者是子孫所增加也至是卒享年六十有四始元質在徽賢聲籍籍自中書密府諸貴人交口薦譽咸欲出自己門而元質澹然於聲利之場惟道德性命是究其於津要無寸楮及故材不得盡其長道不得大其用而竟

慈湖遺書補編

五四明叢書

約園刊本

以別駕終昔韓退之誌子厚之文曰使子厚斥不久窮不極雖有出於人其文學辭章必不能自力以致必傳於後如今無疑也雖使子厚得所願爲將相於一時以彼易此孰得孰失必有能辨之者嗚呼退之可謂知子厚之深矣吾與元質也亦云然元質兄弟七人長曰琬進士福州簽判次曰琰次曰球進士潁州太守次曰琳次曰琥任國學次曰璘是爲元質季曰琪琪與琥俱遊象山陸君之門配童氏卽奉議郎大定持之之女早世無所出繼娶於汪迪功季顏生子五人曰鉞叔晦胥曰

鉅娶袁氏曰銑其女女焉曰錯娶趙氏曰鏐和叔之壻也孫男俱幼銘曰

猗歟元質道心懇至誘也匪牽樂恬篋瓢隙廬蕭蕭鏗然誦絃按鐸按鐸有勳其煥百里大賢維藏之石某最其迹永永萬年

衍文靖類彙附錄

故龍圖閣學士袁公墓志銘

故龍圖閣學士袁公諱燮字和叔明州鄞縣人明今爲慶元府曾祖諱灼故左朝議大夫尙書倉部郎中妣蔡人石氏祖諱珂贈朝奉郎妣安人林氏考諱文贈通議

慈湖遺書補編

六四明藏書

約圖刊本

大夫妣淑人戴氏和叔以乾道二年入太學淳熙七年中上舍選八年登進士第歷仕外則尉江陰爲浙東福建帥倉兩屬官辟權沿海制司議幕守九江攝豫章持江西庾節內除太學正去國再召爲宗正簿遷樞密院編修奉常丞俱權考功郎補外入爲都官遷司封歷學官長貳俱兼史館又兼崇政殿說書權禮部侍郎自權爲正兼侍講又兼修國史實錄院同修撰兼侍讀去國爲南京鴻慶祠官積階自迪功郎轉凡十七至通奉大夫之職自寶謨閣侍講陞至顯謨閣學士爵自鄞縣開國

男三陞至伯食邑自三百戶至九百戶嘉定十有七年八月癸巳薨於正寢享年八十有一遺表聞特贈龍圖閣學士光祿大夫官其後如格賻銀絹皆二百娶邊氏嘉泰三年卒贈淑人男四喬宣議郎新知紹興府新昌縣肅秉義郎新除太學博士甫朝奉郎權知徽州商承奉郎新監臨安府新城縣稅女四長適從事郎監鎮江寄椿庫林密次適國子進士鄭景淵次適舒鑣次適江西漕司進士邊應時孫男四衡國學進士復循微和叔生有異質凝粹端慤嚄訥不好戲弄惟喜觀水乳母置

慈湖遺書補編

七一四明叢書

續圖刊本

盆水其前則端坐熟視移時不動夜臥常醒然達旦至老猶如此篤實不欺嗜慾淡泊心無偏倚行無瑕玷久之益明親師取友急於道義志氣恢宏博覽羣書自六經諸子百家及前代治亂興亡之迹暨國朝故事靡不該貫於先聖格言大訓玩索尤精有契於心則終日諷詠師尊象山先生之學訓諸子期卓然植立諸子登科甫冠多士亦無甚喜色齊家躬率以正莅官修舉職業聞望可紀在外臺未嘗輕劾官僚曰有不善姑教之奚以按劾爲立朝大節能爲人所難初爲學官獲罪權臣

一斤十餘年操守愈礪及登班列擢侍從赤心事上始終如一其在經筵也勤啟沃謂陛下不邇聲色祇畏天戒此時之心卽諒陰三年之心先帝改容敬聽他講官或有陳奏先帝必顧曰果如是否往復問辨玉音琅琅今起居注可考其在成均節宣約束以爲常時春秋七十有三四矣師弟子更相叩擊由是學者皆知勇於遷善居論思獻納之地奏疏無虛月事關國體正色敢言略無忌諱舉朝悚然金人衰弱假息於汴來索歲幣和叔抗疏力爭謂與幣乃偷安之計適以召兵山東流民

襁負來歸邊境遇之甚嚴和叔又力爭以爲阻中原向化之心不可之大者同列議不合屢上章丐去未得請而論罷去之日大學生歌詩餞送者三百餘人和叔曰以致仕爲名以去位爲高豈余心哉乾道變化各正性命保合太和雷雨作解而百果草木皆甲坼吾道固如是吾心亦如是退居閭里可逸豫而偶得淋疾旣久起居有常度未嘗少變容貌雖瘠而神明不衰有來問者必整冠襟見之病中有朋友未報之書索紙筆悉答作府學記上虞縣橋記易贊之前三日取二稿再加審訂

一字不苟神氣益精明起居猶如常伏枕纔一日儻然而往子女在前弗顧也處存沒之變怡然不亂如此和叔以絜名齋學者稱之曰絜齋先生薨之日四方聞者悲悼太學生相率爲位而哭及他郡士友致奠者其詞甚哀生平著述多諸孤將哀次成帙其他嘉言善行見於太史氏茲不殫紀是歲十有二月丙午諸孤奉帷荒葬於鄞縣陽堂鄉穆公嶺之原合淑人墓且密邇通議公兆域諸孤泣請簡銘簡與和叔同講學和叔立朝光明臨終不亂簡不勝興敬

袁正獻從祀錄

慈湖遺書補編

九四明叢書

約園刊本

孫燭武先生曠志

孫燭武先生應時越之餘姚人也今爲紹興府會稽諱政祖諱子全父諱介累封贈承議郎某與季和承學於江西象山陸先生季和由是信此心本善方相與講切進德而開禧二年二月甲戌不祿季和早入太學淳熙乙未登進士第爲台州黃巖尉士民愛之欲其置田宅留居焉辭不受後丞泰州海陵丁承議君憂服闋爲巖州遂安令從蜀帥邱公密之辟邑人不得而留至於哭送大將有世襲朝廷患之邱公因其病使季和往視疾

以察軍情盛禮十獻辭焉復命以事告邱公遂奏易他
姓厥功茂矣改秩知平江府常熟縣垂滿太守以倉粟
累政流欠三千斛見問士民陳詞願共償不聽竟聞於
朝貶秩罷歸後授通判邵武軍將赴而已病歷官至承
議郎後以致仕轉朝奉郎壽五十有三冬十有二月庚
申葬於縣之龍泉鄉竹山娶張氏子祖開方九齡三女
長適文正范公五世孫克家次適宣義郎義烏丞胡衍
葬日薄嘉言善行不備書姑識其略於壙石朝散郎主
管建昌軍楊簡書

燭湖集附編

慈湖遺書補編

十四明發書

約園刊本

雜文

紀先訓

用心太過則事不成見利□處必有禍

賢者處世□爲貨利□□要與心論全勝高談

爲學者觀彼賢則知己之不肖彼遠大則知己之疏□

彼有勇則知己之懦弱於此有恥則所學未有不成

者也

學者或與小人較則所學已見其不遠

吾才不足雖然才不足則使人進學

邇日知學之不可緩至於寢食不安以此故得氣習日銷

處世自有理□用不必太自盡

識□則所學成就

自蔽者尋不見

爲學當與心論無以□□□□論乃爲己學也

□與味合此則性也心□□□□遂成貧

尙志□□觀□求友□□實

覺得念起便休

慈湖雜書補錄

七四湖叢書

約園刊本

可鏞案慈谿縣西南三十里車廡有老楊先生墓

墓碣之陰載手訓二十七節其十二節已見遺書

又二節則濇漫不可辨識矣餘十三節爲遺書所

未載者謹補錄之

訓語

腹不飽詩書甚於餒目不接前輩甚於瞽身不遠聲利

甚於狎骨不化俗氣甚於癩

附宗儀說郭引元仇遠
碑史作慈湖訓後學語

仕宦以孤寒爲安心讀書以飢餓爲進道居家以無事

爲平安

元仇遠碑史作骨
肉以不得信爲平安

朋友以相見疏爲久要

說郭

引宋顧元薦船窗夜話作楊敬仲先生語

詩

進月堂

我有一輪月不圓又不缺更無晝與夜光耀常洞徹縱

有葭屋遮亦莫之間絕將此以爲燭難作進退說

咸淳臨安

志

淨土院

此意分明有底深蒲團斜倚滿鋪陰豈容俗子閒擗眼
只許清風得入林我對此君無一事自言幽處直千金

慈湖遺書補編

十一四明藏書

古人今已成陳跡猶向當年擊處尋

咸淳臨安志

默齋

漸漸疎鐘動幽深一徑開炎光隔林麓清興遶崔嵬擬

作臨流賦應須倩雨催小窗宜挂起且放竹風來

宋詩紀事

妙庭觀

古人所棄今人慕不謂蘇公亦世情此話若教天上聽

定須笑倒董雙成

富陽縣志

孝子孫之翰

孫氏休聲繼董張一鄉三孝振綱常功歸世教無窮烈

風過慈湖分外香路入小橋存古屋門臨流水映垂楊
喚回多少天人性菽粟年年禮不忘

楊氏譜

附錄

陸九淵書二則

此心之良敗賊至於熟爛視聖賢幾與我異類端的自
省誰實爲之改過遷善固應無難爲人由己聖人不我
欺也直使存養至於無間亦分內事耳然懈怠縱弛人
之通患舊習乘之捷於影響慢游是好傲虐是作游逸
淫樂之戒大禹伯益猶進於舜盤孟几杖之銘成湯猶

慈湖遺書補編

十三四明叢書
約園刊本

賴之夫子七十而從心吾曹學者省察之功其可已乎
承喻未嘗用力而舊習釋然此真善用力者也舜之孳
孳文王之翼翼夫子言主忠信又言仁能守之又言用
其力於仁孟子言必有事焉又言勿忘又言存心養性
以事天豈無所用其力哉此中庸之戒謹恐懼而浴沂
之志曲肱陋巷之樂不外是矣此其用力自應不勞若
茫然無主泛然而無歸則將有顛頓狼狽之患聖賢
樂地尙安得而至乎

日新之功有可以見教者否易簡之善有親有功可久可大苟不懈怠廢放固當日新其德日遂和平之樂無復艱屯之意然怠之久爲積習所乘覺其非而求復力量未宏則未免有艱屯之意誠知求復則屯不久而解矣此理勢之常非助長者比也頻復所以雖厲而無咎仁者所以先難而後獲也若於此別生疑惑則不耘助長之患必居一於此矣當和平之時小心翼翼繼而不絕日日新又日新則艱屯之意豈復論哉顧恐力量未能至此耳

慈湖遺書補編

十四四明叢書
約園刊本

真德秀楊慈湖手書孔壁孝經跋

司馬文正公平生未嘗草書雖造次顛沛間一點一畫必如法度觀其書者卽知公之爲人慈湖先生楊公道德學問追媿前修而於翰墨尤極嚴謹嘉定初獲侍公於著庭見其酬答四方書問無一字作行押體蓋其齊莊中正表裏惟一故形於心畫亦絕類文正公而清勁過之傳君從所藏孔壁孝經又其得意書也嗚呼先生不可作矣學者卽此而觀之猶足以窺大賢氣象而知立德之本云

西山文集卷三十五

困學紀聞記慈湖語

邱宗卿謂場屋之文如校人之魚與濠上之得意異矣

慈湖揚簡號謂文士之文止可謂之巧言困學紀聞卷十

得語見場屋之文不足觀引慈湖語見凡爲詞章之學所得是兩層○元圻案書錄解題邱文定集十卷拾遺一卷樞密江陰邱密卿撰隆興癸未進士第三人其文慷慨有氣而以吏能顯故其文不彰四庫全書不著於錄蓋已佚矣

戴良題楊慈湖所書陸象山語

陸文安公之學由中庸尊德性而入故其用工不以循序爲階梯而以悟入爲究竟所謂傳心之學是已斯學

慈湖遺書補編

十五 四明叢書

約園刊本

也江右諸公多得其傳浙水之上傳之得其宗者惟楊文元公文元官富陽時獲見文安而進拜焉立談之頃卽領道要故其所就卓卓視文安有光文安此帖有家之興替在德義不在富貴之語蓋亦心學之所發耳文元書之以自厲且署門人楊某於後非自得於心學之傳者若是乎夫文安之學聖人之學也韓子謂求觀聖人者必自孟子始予亦謂求觀文安者必自文元始師程知慕二公取其言與字尊信而表章之是亦文元之徒也歟九靈山房集卷二十二 師程姓沈氏 邑之鳴鶴鄉人九靈居慈時常與往還

葉紹翁四朝見聞錄二則

考亭先生解大學誠意章曰意者心之所發也實其心之所發欲一於善而毋自欺也一有私欲實乎其中而爲善去惡或有未實則心爲所累雖欲勉強以正之亦不可得故正心者必誠其意慈湖楊氏讀論語有毋意之說以爲夫子本欲毋意而大學乃欲誠意深疑大學出於子思子之自爲非夫子之本旨此朱陸之學所以分也然夫子之傳子思之論考亭先生之解是已於意上添一誠字是正慮意之爲心累也楊氏應接門人著

撰碑誌俱欲去意其慮意之爲心累者無異於夫子子思考亭先生而欲盡去意則不可心不可無則意不容去故考亭先生謂意者心之所發實其心之所發欲一於善而已旣曰誠意矣則與論語之毋意者相爲發明又何疑於大學之書也故考亭先生以陸學都是禪頭領俱差而陸氏則謂考亭先生失之支離鵝湖之會考亭有詩其略云舊學商量加邃密新知培養轉深沈陸復齋云留情傳註翻荆棘著意精微轉陸沈象山云易簡工夫終久大支離事業轉浮沈蓋二氏之學可見矣

慈湖第進士主富陽簿象山陸氏猶以舉子上南宮舟泊富陽楊宿聞其名至舟次迎之留廳舍晨起揖象山而出攝治邑事象山於□□有自信處不脫落似不止按文義此處

字學者只是信幾箇子曰象山徐語之曰漢儒幾箇杜撰子曰足下信得過否學者不能對卻問象山曰先生所信者信箇什麼象山曰九淵只是信此心驪塘謂子曰那學子應得也自好只是象山又高一著此老極是機辨然亦禪也慈湖又改周子太極圖爲 ∞ 以爲周子之說詳簡之說易其意蓋不取無極之說以爲道始於

慈湖遺書補編

十七四明叢書
約圖用本

太極而已亦源流於象山云

葉紹翁四朝見聞錄甲集
案題爲慈湖疑大學下

則則題爲心之
精神是謂聖

慈湖楊公簡參象山學猶未大悟忽讀孔叢子至心之精神是謂聖一句豁然頓解自此酬酢門人敘述碑記講說經義未嘗舍心以立說慈湖嘗爲館職同列率多譏玩之亦有見其誠實而不忍欺之者葉紹翁四朝見聞錄甲集

楊承奉墓碣

案此文馮氏所輯而未編入目以陸象山始見慈湖言之甚詳因補之

年在臺臺而其學日進者當今所識四明楊公一人而已公長不滿五尺茶然臞儒而徇道之勇不可回奪血

氣益衰而此志益厲賁育不足言也余獲遊甚晚而知公特深平生爲學本末無不爲余言者四方士友辱交於余惟四明爲多自余未識公時聞公行事言論詳矣公爲人恭謹精悍不屑碌碌視天下事無不可爲者其言有曰畏夷狄憂用財此宰相非才之明驗少時蓋常自視無過視人則有過一日自念曰豈其人則有過旋又得二三已而紛然乃大恐懼痛懲力改刻意爲學讀書聽言必以自省每見其過內訟不置程督精嚴及於夢寐怨艾深切或至感泣積時既久其功益密念慮之

失智識之差毫釐之間無苟自恕嘉言善行不曠耳目書之盈室著之累帙嘗曰如有樵童牧子謂余曰吾誨汝我亦當敬聽之檢身嚴而安其止取善博而知所擇舊習日遠新功日著自其子識事未嘗見公有過所自責者類非形見公每發明以示監戒人患忿懣公容物若虛人患吝嗇公捐財若無或歎其不可及公曰昔甚不然吾改之耳一夕被盜翌日諭子孫曰婢初告有盜吾心止如此張燈視笥告所亡甚多吾心止如此今吾心亦止如此四明士族多躬行有聞公家尤盛闔門雍

雍相養以道義仲子簡尤克肖入太學治易冠諸生既
第主富陽簿訪余於行都余敬誦所聞反復甚力余既
自竭卒不能當其意謂皆其兒時所曉殆庸儒無足采
者此其腹心初不以語人後乃爲余言如此又一再見
始自失久乃自知就實據正無復它適自謂不逮迺翁
遠甚恨其未聞余言後簡自以告公公果大然之於是
盡焚所藏異教之書每日曰人心至靈迷者繆用又曰動
靜語默皆天性也又曰顏回屢空夫子所賞必以所得
填塞胸中抑自苦耳又曰今吾之樂何可量也余爲國
子正公攜二孫訪余留月餘而去後其子爲浙西帥屬
迎公以來余更卜廨爲鄰每待函文屬厭誨言晚學庸
虛無能啟助負公所期斯爲愧耳公嘗行步小跌拱手
自若徐起儻然殊不少害從行異之公曰蹉跌未必遽
傷此心不存或自驚擾則致傷耳余聞之曰所謂顛沛
必於是江浙相望千里而遙公旣還第余亦屏處時想
風采如鞭其後公之云亡子簡遣訃余適西遊僕及余
館余不知其爲訃也方喜見之首問公安否僕答曰已
下世余驚嗟再三哭之爲慟簡又以墓碣屬余於是次

而銘之公諱庭顯字時發其先居台之寧海黃壇九世
祖徙明之奉化其子又徙鄞紹興末北虜犯淮又徙慈
溪曾祖倫祖宗輔父演皆隱德不仕淳熙十一年壽聖
慶需公以子官封承務郎十三年光堯慶需封承奉郎
十五年秋八月戊寅以疾卒享年八十有二卜以十一
月庚申葬於縣之石壇鄉甸餘村孝順里娶莊氏先公
十四年卒公蓋合葬子男六籌篆簡權卿篋籍篆嘗與
舉送簡宣教郎新知紹興府嵒縣權卿夭女三長適孫
楷次適馮象先次適王洽孫男十二恬恢惟悔懌恪
滅契姪臨川陸某撰并書

涇汝楨刻慈湖先生遺書序

予嘗謂學問無歧途而有邊見故朱陸儒宗始猶營攻
擊之壘卒之釋筌玄筏印證入微德性問學融會爲一
陸之不墮禪解猶朱之能釋理縛也其後諸儒得陸學
最深者無如慈湖楊先生先生之學超然自悟本心乃
易簡直截根源以毋起意爲宗旨而所遺諸書大都闡

悉自心靈明變化之妙以我爲書非支離附會成書滯
漆園之雄而析理最眇離曹溪之幻而譚性極玄惜其
一段精光不可磨滅者未見全編大行於世以予合茲
土得近故址俎豆先生入其堂承奉遺像儼然生氣詢
之祀裔僅得大聖訓已拾蠹魚之緒卽作必有述譚何
容易惟文獻散佚湮滅無傳詎解守土之嘲會見洲楊
君究心理學自燕臺持繕本歸屬予相與卒業幸其校
讎旣覈當年精神可託茲不朽而日暮之遇予梓之以
俟其人儼鬼神呵護此編常新將先生五經之旨其慈

湖並承雖言不盡意而意豈外言哉吾明王文成公良
知一脈固毋起意鼓吹也稱慈湖見解已晤無聲無臭
之妙嗟嗟讀是書者能潛撤邊見默默證心其禪耶非
禪耶亦當有會於聲臭外如先生與象山雙明閣問答
始謂大悟始能思議雙遺耳古桐國潘汝楨題

楊世思書慈湖遺書節鈔略

慈湖先生之學以忠信爲本以不起意爲宗忠信實心
也實心之謂誠主忠信所以立誠也意者心之所發意
從心發意乃心之用離心起意意乃心之賊故意不可

起起則爲妄子絕四首言毋意毋意則念念皆天不言誠意而意無不誠矣故曰毋意之意乃爲誠意先生之學誠意之學也意誠而心正身修家國天下一以貫之先生之學一貫之學也而或者有未之信其亦未之思耳孟子曰今人乍見孺子將入於井皆有怵惕惻隱之心此豈有意而爲之哉納交要譽之念微動焉則爲起意納交之意非惡意也然視諸乍見之初心則眞僞判矣不起意是一任其乍見之眞而未嘗有所動也好好色惡臭與此豈有意而爲之哉微有意焉則爲作好好

惡不起意是所好所惡一如好好色惡臭之眞而未嘗有所作也起意則爲人心不起意是動以天不參以人動以天謂之率性先生之學率性之學也或者謂其立說太高非下學所可及然先生心地本來如此故卽以此立教又安得以常人之見而議之予不肖手鈔先生之書窺先生之似深信先生之學爲虞延之正脈洙泗之眞詮故略舉其似如此後學楊世思識跋

丁丙慈湖遺書跋

案此爲孫玉仙師跋馮氏輯之未編入目者仍補之張壽鏞識

慈湖遺書有鈔刻二本均十八卷鈔本多文數十篇其

目次亦不同今摘刻本中所無者附鈔於後案文淵閣
著錄慈湖遺書十八卷續集二卷提要云十七爲記先
訓十八爲行狀則著錄者乃刻本也又云雜編文一卷
孔子閒居解一卷於後爲續集今檢鈔本雜文不知其
目孔子閒居解在十一卷則閣本所云續集者似已舛
其中茲雖補錄惜未得閣本一校不能知續集原定次
第耳光緒己卯夏五八千卷樓主人記

識

慈湖遺書存者寥寥吾宗醉經閣藏有明嘉靖間槧本
庚辰春可鏞與修邑志獲觀是書寫錄副本惜其紙墨
霉腐不可更校辛亥亥豕錯譌相仍思更覓一善本不
復可得後讀歸安陸氏詒宋樓書目知有其書而未由
假得了亥春瞿子玖學使來案試吾郡學使爲楊理菴
太史典湘試時所取士太史素留心桑梓文獻且嘗求
慈湖之書而不得者學使將謁太史可鏞與太史言請
其檄借陸書夏六月自湖州郵寄至因邀魏薺塘明經

慈湖遺書

一四明叢書

約園刊本

啟萬其相校售閱十日竣事陸書爲翻刻本槧既不精
闕頁尤多卷首亦無序目不及醉經閣本遠甚嗣聞鶴
皋葉氏藏有舊本因乞陳韻僊廣文錦榮假讀之而卒
不可得明年戊子秋太史哲嗣繩孫孝廉家駮自杭州
歸復假得了松生明經丙藏本太史屬爲覆校讀之亦
嘉靖間本其書較醉經閣本雖爲完好而闕續集二卷
卽舛訛亦所不免校旣竣謀重梓之而誌其緣起如此
光緒戊子秋九月馮可鏞謹識

慈湖遺書新增附錄

後學鄧 張壽鏞編

壽鏞謹案慈湖遺書附錄三則續集附錄四則補編附錄九則年譜更詳載慈湖遺聞軼事王履軒

著宋元學案補遺又著附錄三十六則

前十一則多取錢融

堂行李穆堂著陸子學譜弟子一楊文元公行狀

之後綴以書問雜記慈谿縣志書院門又載慈湖

書院記自宋洎清名作薈萃皆足翼贊心學湛甘

泉著楊子折衷一書名曰折衷而多偏見豈舒廣

慈湖遺書新增附錄

一 四明叢書
約園刊本

平所謂不知者徒生矛盾者耶清修四庫意在尊

朱凡講陸學者皆辭而闕之更不足責矣至慈湖

弟子散在四方見淺見深雖各不同然慈湖之學

之傳若袁際和桂夢童杜李希劉子求之吾鄉

不尤賴是數子乎因刪其重複者而編新增附錄

如左

袁潔齋書贈傅正夫曰自象山既歿之後而自得之學

始大興於慈湖其初雖有得於象山而日用其力超然

獨見開明人心大有功於後學可不謂自得乎

袁蒙齋書慈湖遺稿曰先生居處無一惰容接人無一長語作字無一草筆立朝大節正直光明臨政子民真如父母

去溫州葉侍郎適書別先生曰執事二年勤治公私交慶惠利所及戴白老人以爲前此未有載於竹帛形於圖繪雲聚山積懽沸井里

樓攻媿答敬仲論詩解曰發明無邪之思一貫之志天人同心大道至平古說難盡信雖載之左傳者亦不可據爾雅亦多誤大學所引亦有牽合詩序多失經意釋

慈湖遺書新增附錄

二四明叢書
約園刊本

文多好異音詩人諷詠或有包於事實制度名數不盡合於禮典先王皆在商世難拘以周禮文王以服事商不應作禮樂如此類未易概舉皆前輩之所未發者尤用服膺然惟尊意每不自以爲足而欲人之言鑰亦不能自己欲效所見試陳其甚明者正欲反覆論辨以歸至當非特相與之厚非愛此書之深不及此

王深寧困學紀聞曰大戴禮記誥志篇孔子曰古之治天下者必聖人聖人有國則日月不食星辰不孛慈湖謂堯舜禹之時歷年多無日食至太康失邦始日食曆

家謂日月薄食可以術推者衰世之術也而亦不能一
一皆中欲歸之君德頗與孔子之言合口之術精矣而
有此論則誠不可委數

黃東發題石門李縣尉一可所作曰余雖生慈湖先生
之里而慈湖以覺爲起悟與孟子言先覺覺後覺主於
開曉後進之覺不同以道心爲道卽在心與帝典人心
惟危道心惟微理欲言之道心不同故惟敬其人而未
嘗究其學

方桐江送家自昭晉孫自菴慈湖山長序曰四明志謂

慈湖遺書新增附錄

二

四明叢書

約圖刊本

慈湖師象山自爲一家之學施之政事人笑其迂而自
信益篤此兩自字乃慈湖以自爲是以自爲高不顧訕
笑云者王尙書應麟伯厚嘗語予曰朱文公之學行於
天下而不行於四明陸象山之學行於四明而不行於
天下此言亦復有味

仇遠稗史曰楊敬仲先生曰仕宦以孤寒爲安身讀書
以飢餓爲進道骨肉以不得信爲平安朋友以相見疏
爲久要理到之言也

柳道傳跋先生與劉子固書曰子固其里中子初筮爲

尉致書通問於公而公小楷細書以答之無一筆稍縱
且以皋陶之兢業曾子之戰兢者深寓期勉之意則知
公心學之正造次之間純明儼恪如臨君師雖尋常小
夫竿櫓必致其敬謹又以見平居接引後進一是中和
之所著見者如此

黃南山先賢慈湖楊先生贊曰慈湖啓教象山是宗一
誠貫徹萬象昭融臨民若神處己卽易巍然祠宮四方
是式

謝山句餘土音楊文元公舊里詩淳熙正學推四公慈

慈湖遺書新增附錄

四四明叢書

約園刊本

湖先生爲最雄降生實在三江東是夜祥光貫白虹運
理之揚連理筍弟兄和篤與天通先生踐履真溫恭一
念不忘歸沖融澗水橫渠將無同頗疑言覺言悟近禪
宗殆爲中人以下資發蒙先生講堂在碧沚西湖花鳥
歸春風絳紗不以身後冷鄉校肄業猶雍雍陋儒門戶
妄相攻言朱言陸總朦朧試問生平踐履果何似尙其
泥首三江東

又鮎埼亭詩集返棹慈湖先生墓下守湖詩晨起望早
潮茫茫霧如海黑雲徧蘆中朝爽失真宰四明北諸峯

翠碣擅晴靄胡忽眩我睛三歎生感慨誰謂平旦氣定
足見精采長夜亦枯亡疇爲洗荒穢竚需旭日光祛茲

周遭累靈臺頓矍然石窗其瀟灑

右十二則見宋元學案補遺

鄭霖慈湖書院記閣學文元楊公家於四明慈水之德
潤超然口耳之學蚤從象山文安陸公游以心之精神
是謂聖由覺入道推誠體物研幾察至尤深於易見諸
用立朝大節浩浩乎不可奪分牧於民古良吏不能先
天下士宗先生之學不以爵稱而以慈湖沒於寶慶二
年至今誦其書籍先生之門爲重歌曰慈水之東注兮

慈湖遺書增附錄

五

四明叢書
鈞閣刊本

泱泱夫子之櫟夢兮堂堂其書存兮人未亡歧望不可
及兮心皇皇自古有德兮侑於庠闕里俎豆兮胡爲未
遑鳳鳥不至兮孔傷蘭佩其高潔兮遭芳九原不可作
兮墜緒茫茫大音之寥寥兮瓦缶宮商尙雲車兮相羊
想容止兮洋洋興起人之良善兮是爲慈溪之鄉千秋
萬歲兮疇能忘

壽鏞案寶慶間慈湖書院在縣東一里慈湖之濱

以祀鄉先生楊文元公嘉熙間制置使趙與憲遷

於湖中之泚

延祐志

延祐二年郡守祕撰陳公塏發

錢米下縣委令曹邵爲創祠堂於成德堂之右祠
成令以告於郡於是朝奉郎主管建康府崇熙觀
天台鄭霖作記先生之姪愉書丹邑人桂萬榮書
蓋

文及翁慈湖書院記慈湖先生昔在太學肄業循理齋
足不踰閭者累年一日冠帶揖同舍郎曰某悟道晏坐
反觀忽然見天地萬物萬事萬理澄然一片向者所見
萬象森羅謂是一理貫通疑象與理未融一澄然一片
更無象於理之分不必言象不必言理亦不必言萬不

慈湖書院新增附錄

六十四明叢書
約圃刊本

必言一自是一片此先生知至至之始事也及見象山
陸文安公發本心之問舉扇訟是非以對忽省此心之
清明忽省此心之無始末忽省此心之無所不通守丞
嘉日謁先聖又謂自幼而學長而始覺覺此心澄然虛
明無體廣大無際日用云爲無非變化此先生知終終
之終事也先生忠信篤敬發言必由衷信而有證其註
孝經述己易解春秋彙先聖大訓條治務最急者五次
急者八遺文訓語皆先生精神流動嘗肅觀先生手筆
齋莊中正本古篆猶心字必象心學字教字皆從孝義

心學之發輝先生家於四明之慈湖詠春諸詩有浴沂
詠歸灑然出塵意花香竹影山色水光鶯吟鶴舞皆道
妙之形著

壽鏞案咸淳辛未郡守劉徽於晉濟寺東易地重

建壬申撥餘姚定海沒入官田以爲奠饗之需延祐

志於是文及翁更爲之記陳宜中書陳存題蓋

王應麟慈湖書院記慈湖先生立心以誠明篤敬爲主
立言以孝弟忠信爲本躬行實踐仁熟道凝盛德清風
聞者興起可謂百世之師矣遺老見而知之後學聞而

慈湖遺書新附錄
七一四明叢書
約園刊本

知之春木之苞兮其人若存兮此書院之所爲作也先
生之學文安先生之學也文安講論語於白鹿先辨其
志聽者竦然動心收其放而存其良者在此朱文公亦
云陸子所言專於尊德性學者多持守可觀又謂先生
之學有爲己之功台而觀之知入德之門矣覺有先後
道無古今問津於辨志尋源於尊德性必將有人矣
黃翔龍慈湖書院記宋乾淳閒鴻儒輩出吾明有正獻
袁公端憲沈公文靖舒公慈邑則有慈湖先生文元楊
公邑故有湖先生居焉因以自號故邑之名昉於漢董

孝君而湖之名昉於先生

壽鏞案至元乙酉普濟寺僧恃楊總統權勢侵奪其地毀祠像諸生訴於官至元丁亥按察副使侍其君佐巡按至縣乃占先生舊宅遺址復建禮殿祠宇越五年甫落成王應麟黃翔龍爲之記

陳敬宗慈湖書院記文元公稟剛誠明正之性附注六經貫通百氏不幸丁宋祚之末運小人在朝君子在野四經陛對光宗說之而不釋寧宗從之而不改措之於無用之地何望其能克復中原也

壽鏞案洪武元年改天下山長爲訓導田皆令入

八四明藏書
約園刊本

官五年革罷訓導弟子員歸於邑學書院因以不治而祀亦廢正統四年

案雍正府縣二志俱作正統七年今據陳敬宗碑記

正書院又燬景泰天順閒巡按李玘李曰良重建

錢德洪慈湖書院記德洪嘗伏讀先生遺書乃竊歎先生之學直超上悟者乎其始未悟也求心之體不得聞象山舉扇訟豁然有覺曰此心之體至止靜而至變化至明達而至自然改循其自然視自能明聽自能聰言自能又動自能和事親自能孝事君自能忠不識不知

而帝則自順者心之體也惟起乎意便涉安排故視橫意則昏聽橫意則塞言橫意則跲動橫意則乖將迎固必私智紛錯而帝則日漓者失其體也故先生教人嘗曰不起意又曰心之精神是謂聖謂心之精神凝聚則明而分散則昏病起意也

壽鏞案嘉靖乙巳知縣劉逢愷修祠請復春秋二祀載在祀典以至於今錢德洪爲之記

顏鯨慈湖書院記昔宋儒慈湖先生與象山夜集雙明閣下因剖扇訟揭示本心恍然有悟精詣力造渾化忘

慈湖遺書新增附錄

九四明叢書

約園刊本

言其學以天地萬物與吾身澄然一片而直指至靈至神古今一貫之心萬善具足平等聖凡考其入門路徑則改過檢身至忘寢食而無我立誠隱顯一致蓋孳孳終身焉樂平之政庶幾三代立朝諸淵源王道視之夢寐白晝屋漏康衢豈惟獨得象山法門而太宇絕塵表襄洞徹凝神專一空視千古

壽鏞案萬曆二年提學滕伯輪發官帑增學田寧

波府推官周廣鎬復推廣之顏鯨爲之記知縣戴

洪恩立石

黃錫祚慈湖書院記邑治北故有湖楊文元先生居焉因以慈湖自號先生闡明心學爲象山高第先生沒邑士大夫構祠於湖之濱奉祀慈湖先生之學卽文安之學也而論者以其專明心學稍近於禪宗而疑朱陸有異同聖賢之道殊塗同歸何必妄生異同之議

壽鏞案乾嘉閒知縣歲延掌教就永明寺設講席道光六年知縣黃錫祚以書院久廢創議建復邑人馮雲濠雲祥捐資一萬五千兩馮汝霖汝震捐資一萬五千兩於普濟寺前面湖建屋三層奉文

蘇滄遺書新增附錄

十四明叢書
約園刊本

元公祀以弟子從祀

王梓材慈湖弟子從祀記昔在甲午之東梓材初至慈湖盡歷新舊書院而展謁焉其舊書院中奉慈湖先生兩旁附主不下數十以爲皆慈湖弟子也細視之則非弟子而錯列其閒者不勝數心竊訝之其新書院惟奉慈湖之主而弟子蔑如則又歎爲闕典今則甚幸其未奉弟子也迺得備考而從祀焉比歲丁酉慈邑同年馮君雲濠校刻黃梨洲氏全謝山氏二家纂修宋元學案俾梓材同任參校之役己亥庚子又同輯學案補遺書

各百卷卷第七十四爲慈湖學案蓋慈湖弟子之見於
黎洲原本者二十二人爲錢融堂時趙元道彥械袁蒙
齋甫陳習庵墳趙習齋與憲曾定遠燭鄒歸軒近仁及
其從孫良齋夢遇曹叔達夙葉同庵祐之張渭叔渭及
其弟清叔汾馬季文樸及其子敬叔變從子定翁應之
王表文琦余永之元發鍾了齋次王子康晉老洪錦溪
揚祖孫明仲王子庸孫王佚其名而蒙齋爲絜齋先生
之子受學慈湖錦溪則卒業於融堂者也其見於謝山
修補原藁與別學案之藁者二十人爲洪默齋夢炎舒

裕父益洪子斐簡曹性之正方成大溥吳仲和墳及其
弟仲郊垗沈元吉鞏李希大元白史碧沚守之張荃翁
端義夏自然希賢劉寶山厚南沈民獻邵甲王震傳大
原沈銑顧平甫鄭節夫顧鄭佚其名舒銑以廣平先生
之子爲慈湖墳李元白本受學於廣平自然嘗及融堂
之門荃翁最服膺中表葉同庵而又及習庵之門者也
其見於謝山鮒埼亭文集內外編而宜參補者十一人
爲桂石坡萬榮童杜洲居易史自齋彌忠及其從弟滄
洲彌堅獨善彌鞏和旨彌林從子定之許止齋孚朱介

魏渠何元壽而定之卽碧沚之從弟也其未爲謝山所補而見於慈湖遺書與各家文集及地志者二十四人如曾子潛汲古孫子方誼錢誠甫樞張元度竝見慈湖遺書元度佚其名本在象山陸先生之門子方慈湖之甥且以爲婿而誠甫則融堂之子也又如舒仲與衍汪及甫仍李雄飛鷄胡從之革陳從見袁絜齋集馮振甫興宗及其從弟國壽袁晉齋肅陳端甫瑋周之德吳某見袁蒙齋集徐子儀鳳傳正夫見眞西山集趙行之與皆見趙彝齋文編薛季常疑之見林霽山集陳師稷見戴剡源集傳正夫馮國壽佚其名吳并佚其名字而晉齋亦絜齋之子蒙齋之兄也又如吳定夫見辟疆園米文選劉諶甫伯諶見徽州志項耕樂復見處州志孫南叟伯溫見南昌志皆其弟子之宜補錄者也又史同叔彌遠滄洲之兄其爲慈湖弟子見諸史志者信而有徵黃全兩家皆未列之學案而慈湖固未嘗麾之門牆之外猶之聖門公伯寮尙在兩廡閒也故亦附錄於補遺以上七十八人或從遊於富春或受業於樂平或當在朝而聞道或因家居而傳心蓋於庚子之春慈湖生日

告之新書院監事者秦都講玉等爲之設主而從祀則見濟濟一堂不啻涿洳之有七十子矣至若慈湖之子磬齋恪見遺書從子叔中舒廣平稱之叔正袁蒙齋稱之而皆疑其名是當以家學從弟子之列者遺書又載翁埏請書汪文子求書而皆有以勉之亦何嘗不在答問之列哉而或者又以真西山德秀嘗見策勵於慈湖而甚爲心折者其跋慈湖訓語題慈湖行述備載於邑志不可以不從祀梓材以爲西山朱學之大宗也其於慈湖蓋在私淑之列揆孔庭左邱明林放之例而進之列於諸弟子前可乎僉曰唯唯則亦從而祀之并其家學答問共八十四人獨是從祀之舉雖已設主而不爲記之以刻於石猶恐世遠年湮或有缺蝕脫遺之患用敢不厭煩瑣備書名號爵里於後而爲之記如此

從祀弟子八十四人

真德秀

字希元一字西山浦城人進士參知政事諡文忠

錢時

字子是一字融堂淳安人史館

校閱江東帥屬

袁甫 字廣微一字蒙齋鄞縣人狀元權兵部尚書諡正肅

陳垣

字和仲一字習庵鄞

縣人進士國子司業知溫州

袁肅

字晉齋甫兄少卿知江州

洪夢炎

字季思一字歎齋淳安人

進士太學錄

馮興宗

字振甫慈谿人象山書院山長

趙彥械

字元道餘姚人吏部尚書直華

支 史彌忠 字良叔 一字自齋 鄞縣人 曾熠 字定遠 應陵人 史彌

遠 字同叔 彌忠從弟 進士 資政學士 諡文靖 趙與憲 字德淵 一字節齋 湖州人 進士 觀文學士 徐

鳳 字子儀 浦城人 張元度 字其臨 鄉貢 史彌堅 字開叔 一

遠弟 資政學士 諡忠宣 桂萬榮 字夢協 一字石坡 慈谿人 進士 觀文學士 徐

字獨善 彌忠從弟 童居易 字行簡 一字杜洲 慈谿人 進士 觀文學士 徐

字希大 進士 國子博士 案 劉厚南 字子固 一字寶山 慈谿人 進士 朝請

大 鄒近仁 字魯卿 一字歸軒 葉祐之 字元吉 一字同 庵吳縣人 鄉貢 史

彌林 字和旨 彌 鄒夢遇 字元祥 一字良齋 樂平人 鄉 貢 案樂平縣志 作字子祥 馮

國壽 扶其名 與 史守之 字子仁 一字碧 曹夙 字叔達 史

蔡淵遺書增附錄

十四 圓明館書

定之 字子應 守之 馬樸 字季文 沈民獻 鄞縣人 孫明仲 扶

名富 許孚 字止齋 昌 王子庸 扶其名 錢塘人 余元發 字永之 樂

張澗 字渭叔 國 人 布衣 鍾宏 字子虛 一字了齋 樂 張汾 字清叔 曾

汲古 字子濟 趙與肯 字行之 臨江 舒益 字裕文 劉伯諶

字諶甫 洪簡 字子斐 樂平人 曹正 字性之 樂平 方溥 字

大樂 王琦 字表文 樂 馬變 字敬叔 吳埴 字仲和 馬應之

字定翁 吳垓 字仲郊 沈鞏 字元吉 何元壽 知光州 朱介

昌國人 孫伯溫 字南叟 豐城人 魏粲 昌國人 項復 字吉

字耕樂 松陽 張端義 字正夫 一字荃翁 汪伋 字及甫 奉

約圖刊本

鄧李鶚字雄飛奉化人舒行原名沂字仲陳從鄧縣人進

軍參邵甲壽昌人陳師稷奉化人王震嚴陵人洪揚祖字

揚一字錦溪嚴州人正字傅大原義烏人夏希賢字自然顧平甫字

錢樵字誠甫鄭節夫字孫誼字子方胡甥進士知德

清縣周之德字薛疑之字季常王成平陽人陳瑤

字瑞甫字吳定夫字吳字傅正夫字

昌人案陸子學譜傅字王晉老字子康樂字舒銑字

字正夫南城人學於慈湖汪文子字翁瑛字楊恪

胡革字從之始名謙慈湖汪文子字翁瑛字楊恪

字叔謹一字楊叔中疑名慈湖楊叔正疑名惟慈

慈湖遺書新增附錄

十五四明叢書

原案曰王氏梓材所定八十四人外如周坦字

陽縣人少穎悟從塾師一覽成誦及長執業楊慈

湖之門辭歸楊送之曰吾道南矣嘉熙戊戌及第

除鎮東簽判遷工部郎出知吉州有惠政召為祕

書百姓乞留歷除殿中侍御史劾董宋臣奉祠去

起為寶章閣待制移知徽州召拜刑部尚書景定

四年卒諡文獻應節嚴誌其墓見東昆仰止錄

劉九思字得之樂平人潛心易學從沙隨程迥受

屠法不用而用四家禮範二人塙為慈湖弟子竝

君子多之見樂平縣志二人塙為慈湖弟子竝

宜增祀至程濂字廷本樂平人以經學彭椿字

平人以賦薦於鄉慈湖稱二人未明言其受業於

其樸茂竝見樂平縣志慈湖則固不在其列云右九則見慈谿縣志

徐時榕慈湖弟子考宋乾道間吾鄉楊袁舒沈四君子
昌明陸學從游者聞風興起而文元楊公門下尤盛築
室德潤湖上更名慈湖故學者稱慈湖先生慈湖之學
以誠明孝弟忠信爲主而尤善提醒人之本心謂道心
大同聖賢非有餘愚鄙非不足學者翕然宗之其弟子
之在四明者慈谿則有若桂石坡童杜洲劉厚南馮興
宗馮國壽鄞則有若袁正肅陳和仲沈民獻舒衍史文
靖史忠宣史獨善史和旨史子仁史定之奉化則有若
舒銑昌國則有若許孚朱介魏渠慈之桂童鄞之袁陳
升堂入室尤爲一時之選淮之全浙淳安則有若錢融
堂洪默齋錢塘則有若王子庸餘姚則有若趙彥械新
昌則有若張渭張汾永嘉則有若辭疑之壽昌則有若
邵甲嘉禾則有若沈鞏嚴陵則有若王震富陽則有若
孫明仲宋史舉慈湖弟子以融堂爲都講蓋以其著述
之富授受之廣有非他人所可比者至其宰樂平時有
若鄒良齋王晉老余元發鍾宏曹正王琦舒孟洪簡吳
塤吳炯馬樸馬應之馬燮方溥蓋慈湖以所學陶淑邑
中多士絃歌之化何以過之其遊跡所至與家居而遠

方來學者有若廬陵曾定遠建昌傅正夫傅大原浦城
徐子儀鄭州張端義餘干曹夙德興鄒歸軒吳縣葉同
庵雖所得有淺深要皆克衍傳心之學者也他若鄭氏
則有節夫顧氏則有平甫何氏則有元壽其里居無可
考此慈湖弟子之大略也至私淑若眞文忠劉文清全
眞志全本心諸子外及再傳三傳而後指不勝屈約舉
其要有特樹一幟者元代若趙寶峯讀慈湖遺書忝歎
省悟從而和之有時子中王子復其徒不下百餘人陳
文昭羅彥威方景淵王學士李元善烏春風昆季向樂

慈湖遺書新增附錄

七 四明叢書
約園刊本

齋父子其最著也其弟子之後人世守遺訓者杜洲童
氏民獻沈氏眞志全氏而外明初有若桂氏容齋之敦
樸長史之純粹古香之精博文修之伉直皆能不失石
坡家法其同時稱爲大儒者卓卓若黃南山淵源由全
氏本心之子遜翁而得嗚呼慈湖之流澤長矣後世乃
謂慈湖宗陸學多流弊夫陸學流弊則是傅子淵包顯
道之徒有以致之而楊袁諸公不爾也慈湖生平齋明
嚴恪好讀書靜坐其踐履與朱子無異故一時高弟信
從者眾而學派又若此其久遠也若以史彌遠之有玷

師門爲慈湖病則程門有邢恕朱門有傅伯壽不必諱也世儒好存門戶之見而妄議先哲豈尙有公道在其心哉嗟嗟慈湖既歿更誰卽其本心而一提醒之也右則見季仙遺稿○案徐時榕字石門又號季仙爲柳泉氏之弟其孫士遠藏有遺稿尙待整理未刊也

全祖望淳熙四先生祠堂碑慈湖齋明嚴格非禮不動生平未嘗作一草字固非其扇訟一悟以爲究竟也

全祖望日慈湖嘗改定太極圖以爲周子之說詳簡之說易蓋亦不取無極之說以爲道始於太極而已右二則見

鮪琦亭集

慈湖遺書新增附錄

十八 四明叢書

約圖刊本

湛若水著楊子折衷曰或曰象山禪也辭而擴之宜也甘泉子曰象山非禪也然而高矣西樵公曰如是如是甘泉子曰象山非禪也然而高矣其流必至於禪矣或曰楊慈湖象山弟子也而高過於象山甘泉子曰象山高矣然而未禪今日慈湖高過象山是何言歟

崔銑序楊子折衷曰整菴公闢陸楊之謬涓厓之於陸

甘泉之於楊則篇摘而縷數之右二則見湛甘泉集

壽鏞案湛甘泉楊子折衷一書錄在文集卷二十

三直斥慈湖爲非聖之言而誤後學何不知慈湖

之甚也試取錢緒山所論折之當恍然矣象山初

見慈湖有習氣未盡之說

陸子學譜載書問難記先生嘗言楊敬仲不可

說他有禪只是習氣未盡

又兩次致書一以茫然而無主泛然

而無歸爲言一以力量未能至此爲慮朱子答潘

子善書旣言其人誠慤又言自信已篤不可復爲

辨論蓋確乎不可拔者其志也篤實光輝者其學

也朱子又謂其不肯讀書則取慈湖諸著述如詩

傳二十卷一名一物一字一句必斟酌去取五話

解駁正舊文兼綜羣言不肯讀書者能如是乎若

慈湖遺書新增附錄

十九四明叢書

約園刊本

云禪學則佛老之言其精者悉本乎大道道固無

私彼得其精而我亦得其精豈能因彼之所得者

併大道而外之也耶論語之堯曰章所以著道統

之傳堯舜禹湯文武施諸政事者曰簡在帝心曰

天下之民歸心焉此二心字如何重視將謂孔子

亦蔽於心學乎慈湖嘗言學問之道雖曰求放心

不在於外貌然外貌斯須不莊不敬則失其所謂

帝則王伯厚知慈湖最深故曰於己易見先生潔

靜精微焉於廣居賦見先生廣大高明焉於過庭

訓之言見先生自強不息焉於講堂訓之言孝見先生一貫之道焉嗚呼盡之矣雖然朱子謂先生不肯讀書然持庾節薦先生曰學能治己材可及人豈有不讀書而能治己及人者乎然則朱子之言或如象山初見之時視爲有習氣者然而非所論於晚年敦篤之會也壽鏞禱昧輒就所得妄綴於末至甘泉云云者甘泉自伸其學說而慈湖疑大學正心誠意之非甘泉以爲心意人人所不能無也又疑恐懼好樂憂患忿懣之語甘泉以爲心不可以有所也甘泉明之儒者陸學是守雖謂其不知慈湖而其說亦未可非僿所謂無害其異者耶因竝論之黃東發曰義理之公不得以鄉曲而私願後之人毋以壽鏞有私於鄉先生也

慈湖先生年譜卷一

後學同邑

馮可鏞
葉意深輯

宋高宗紹興十一年辛酉正月二日先生生

采史本傳楊簡字敬仲慈溪人

錢時撰行狀先生家世天台十世祖自寧海徙明之
奉化後又徙鄞曾大父宗輔大父演考庭顯故任承
奉郎累贈通奉大夫妣臧氏碩人先生生有異稟清
夷古澹淵乎受道之器誕降之夕猶居鄞祥光外燭
亘天而上四廂望之以爲火也輒集眾環向

慈湖先生年譜

卷一

一

四明叢書
約園刊本

慈湖遺書廣居賦四明楊子家本三江之口

全祖望甬上族望表三江口楊氏慈湖先生生於此
嘉靖奉化縣志縣東一百里爲瑞雲山楊文元公生
於此始生時有五色雲起山上鄉人異之因名瑞雲
山

林頤山曰依今時憲術以雍正元年癸卯上推宋高

宗紹興十一年辛酉相距五百八十三年減一年得
積年五百八十二與歲周三百六十五日二四二三

三四四二相乘得中積分二十一萬二千五百七十
一日〇三八六三二四四減氣應三十二日一二二

五四得通積分二十一萬二千五百三十八日九一
六〇九二四四滿紀法六十去之餘一十八日九一

六〇九二四四轉減紀法六十餘四十一日〇八三
九〇七五六爲天正冬至日分加一日得紀日四十

二又置中積分二十一萬二千五百七十一日〇三
八六三二四四減氣應分一二二五四加本年冬至

日分〇八三九〇七五六得積日二十一萬二千五
百七十一日加朔應一十五日一二六三三得通朔

二十一萬二千五百八十六日一二六三三以朔策
二十九日五三〇五九〇五三除之得積朔七千
百九十八餘數二十四日九三五六九五〇六爲首
朔加朔策二十九日五三〇五九〇五三得五十四
日四六六二八五五九爲正月朔距冬至日數加紀
日四十二日滿紀法六十去之餘三十六日四六六
二八五九自初日起甲子得紹興十一年辛酉正
月己亥朔宋史高宗本紀紹興十一年正月不紀朔
三月庚子朔十月丙寅朔又置餘數三十六日四六
六二八五九遞加朔策兩次滿紀法去之餘三十
五日五二七四六六六五自初日起甲子得三月戊
戌朔較本紀庚子朔後天二日又置餘數二十五日
五二七四六六六五遞加朔策七次滿紀法去之餘
二日二四一六〇〇三六自初日起甲子得十月乙
丑朔較本紀丙寅朔後天一日其故由於當時立朔
有訛遂至後天一日或二日也宋史律曆志東都紀
元曆亡紹興二年高宗重購得之五年日官言今太
史立朔有訛凡定朔小餘七千五百以上者進一日

蔡潮先生年譜 卷一

二 四明叢書 約園刊本

紹興四年十二月小餘七千六百八十八太史不進故
十一月小盡今年五月小餘七千一百八十三百
二十乃爲進朔四月大盡願詔改造新曆賜名統元
以六年頒行乾道二年日官以紀元曆推三年丁亥
歲十一月甲子朔統元曆法當進作乙丑朔然則高
宗南渡曆學散失至紹興六年始改用統元新曆較
東都紀元舊曆立朔卒後天一日而日官不自知其
訛其甚者較今時憲術或後天二日尤非日官所及
知也本紀紹興十一年三月庚子朔後天多至二日
知是年正月二月必類大所以三月立朔差數如此
之多二月大爲庚午朔正月大爲庚子朔越二日辛丑矣
降之辰當在統元曆正月庚子朔越二日辛丑矣

十二年壬戌二歲

十三年癸亥三歲

十四年甲子四歲

十五年乙丑五歲

十六年丙寅六歲

十七年丁卯七歲

十八年戊辰八歲

行狀入小學便儼立若成人書堂去巷陌隔牖一紙凡遨遊事呼譟過門聽若無有朔望例得假羣兒數日以俟走散相徵逐先生凝靜如常日課未嘗投足

戶外

遺書家記三簡自總角承先大夫訓迪已知天下無他事惟有道而已

慈湖先生年譜 卷一

三四明叢書 約園刊本

案遺書續集祖奠馮氏姊辭云憶昔世父合居武康諸姊俱長簡輩幼行據此先生幼時曾居武康其年月與世父名氏俱無攷

十九年己巳九歲

二十年庚午十歲

二十一年辛未十一歲

二十二年壬申十二歲

二十三年癸酉十三歲

二十四年甲戌十四歲

二十五年乙亥十五歲

二十六年丙子十六歲

二十七年丁丑十七歲

二十八年戊寅十八歲

二十九年己卯十九歲

三十年庚辰二十歲

行狀既長任幹蠱主出入家用外終日侍通奉公旁
二親寢已身鐙默坐候熟寐始揭身佔畢或漏盡五
鼓爲文清潤峻整務明聖經不肯規時好作俗下語

三十一年辛巳二十一歲

慈湖先生年譜卷一

四四明叢書
約刊本

行狀踰弱冠入上庠每試輒魁聞耆舊言先生入院
時但面壁坐日將西眾闕競寸晷乃方舒徐展卷
寫筆若波注無一字誤寫竟復袖卷舒徐俟眾出不
以己長先人

陸九淵象山集楊承奉墓碣仲子簡尤克肖入太學

治易冠詣生
龜書家記十簡初入太學聞太常古樂莊敬中正之

心油然而生
又祭沈叔晦文簡未離膝下知有先訓而已及入太

學首見吾叔晦始聞正論且辱告曰此天子學校四
方英俊所萃正當擇賢而親不可固閉簡遂從求其

人遂得從其賢遊相與切磋講肄相教以言相觀而
善皆吾叔晦之賜

宋史沈煥傳字叔晦定海人試入太學與陸九齡爲

友乾道五年進士通判宜州諡端憲

三十二年壬午二十二歲

行狀紹興末虜突進右考庭顯避地慈溪因占籍焉

宋史高宗紀紹興三十一年命兩浙江東浙海諸州豫備敵兵九月金主亮造浮橋於淮水之上自將來攻兵號百萬遠近大震三十二年金人犯壽春蔡州汝州順昌府陝州魏州河州海州惟寧府命張浚專一措置兩淮事務
象山集揚承奉墓碣紹興末北虜犯淮又徙慈溪
禮書廣居賦徙居西嶼之麓

孝宗隆興元年癸未二十三歲

二年甲申二十四歲

慈湖先生年譜卷一

五

四明叢書
約園刊本

乾道元年乙酉二十五歲

二年丙戌二十六歲

真德秀西山集袁燮行狀乾道初燮入太學陸九齡為學錄同里沈煥楊簡舒璘亦皆聚於學以道義相

切磨

宋史袁燮傳字和叔慶元府鄞縣人初入太學同里沈煥楊簡舒璘亦皆在學燮累官寶文閣直學士學者稱絜齋先生諡正獻

袁燮撰燮壙誌乾道二年入太學

宋史陸九齡傳字子壽居撫州之全谿乾道五年進士官全州教授學者稱復齋先生

又舒璘傳字元質一字元賓奉化人朱熹呂祖謙講學於婺璘往謁之乾道八年進士為徽州教授遷知

平陽縣秩滿通判宜州淳祐中特謚文靖

三年丁亥二十七歲

四年戊子二十八歲

遺書續集僧炳求訓簡行年二十有八居太學之循
理齋時首秋入夜齋僕以鐙至簡坐於牀思先大夫
嘗有訓曰時復反觀忽覺空洞無內外無際畔三才
萬物萬化萬事幽明有無通爲一體略無縫罅

行狀先生在循理齋嘗入夜鐙未上憶通奉公訓默
自反觀已覺天地萬物通爲一體非吾心外事

遺書家記九先生曰少年聞先大夫之誨宜時復反
觀後於循理齋燕坐反觀忽覺我與天地澄然一片

慈湖先生年譜 卷一

六 四明叢書

約園刊本

又永嘉郡治更亭名記簡年二十八而覺

五年己丑二十九歲

本傳舉進士

行狀以一經冠南宮選登乙榜
張津乾道圖經乾道五年登鄭僑榜進士

薛季宣浪語集季宣抵楊敬仲書

書云季宣景嚮有年矣姪子每自庠序歸省輒能具
道問學之妙行誼之美及所以提誨之甚寵賴以未
嘗識面爲恨鄉來幸會獲合并於武林雖承教恩密
弗及詳款養養之至然一面而梅杏釋接奉而羣疑
亡所得固已多矣幸甚幸甚分決之後竊審擢榮上
第雖爲宏材本分內事然而蘊蓄之富可以次第見
諸施爲未能絲意於時尤爲善類喜也占賀方阻乃
蒙尺書下問情親意厚愧荷兼之寵論不可曉知之

言足驗天有顯道義命之重非仁賢惡所望之兩晦
雞鳴乃今見其人矣僞居荒僻新除尙未知何地何
日之官有家庭便可寄聲時蒙發葉是幸

采史薛季宣傳字士龍永嘉人樞密使王炎薦於朝

除大理正出知湖州改常州

案浪語集附載季宣姪洛寄季宣文洛少不天早失

所怙義方之訓賴有叔父又季宣撰父微言行狀子

二人長季隨次季宣洛當是季隨之子呂祖謙撰薛

季宣墓誌子法補太學生據季宣書云姪子每自庶

序歸省又云及所以提誨之甚寵當是先生在太學

時洛法從之問學也

本傳授富陽主簿富陽民多服賈而不知學簡興學

養士文風益振

行狀授進功郎主富陽簿湖於邑號閑冷先生誠以
接物眾畏信之相戒奉約束惟謹走吏持片紙入市

慈湖先生年譜 卷一

七 四明叢書

可質數千日諷詠魯論孝經堂上不動聲色民自化

又先生之至富陽也閱兩月無一士來見怪問之左
右曰是邑多商人肥家不利爲士故相觀望莫之習
也先生惻然即日詣白宰謂茲壯邑於今爲赤縣而
士俗蕭條學道愛人宰其職矣且僚佐繫銜例主學
事無以風動教化之絃歌吾邑子坐糜廩稍效尤俗
吏束淫淫賦役事吾捶吾食且不得下咽奈何宰唯
唯遂破食補生徒文理稍優卽收之先生日詣學相
講習又約宰凡稱進士優以示勸秀民由是欣奮根
讀書晚

六年庚寅三十歲

七年辛卯三十一歲

遺書永嘉郡治更堂亭名記簡年三十一而又覺

八年壬辰三十二歲

象山集楊承奉墓碣象山云簡主富陽簿訪余於行都余敬誦所聞反覆甚力余既自竭卒不能當其意謂皆其兒時所曉殆庸儒無足采者此其腹心初不以語人後乃爲余言如此又一再見始自失久乃自知就實據正無復他適

季子愿象山年譜乾道壬辰春試南宮夏廷對賜同進士出身

又象山在行都與諸賢從游朝夕酬應問答學者至不得寢者踰四十日四明楊敬仲主富陽簿始承教焉

宋史陸九淵傳字子靜乾道八年進士自號象山翁

慈湖先生年譜卷一

入四明叢書

約園刊本

學者稱象山先生諡文安

本傳陸九淵道過富陽問答有所契遂定師弟子之

禮

遺書象山行狀簡時攝事臨安府中始承教於象山及反富陽又獲從容侍詩簡一夕發本心之問先生舉是日屬訟是非以答簡忽省此心之清明忽省此心之無始末忽省此心之無所不通

行狀陸文安公新第歸來富陽長先生二歲素相呼以字爲交友留半月將別去則念天地間無礙者平時願一見莫可得遂語誰乎復留之夜集雙明閣上數提本心二字因從容問曰何爲本心適平且嘗聽扇訟象山揚聲答曰且彼訟扇者必有一是一非若見得孰是孰非卽決定爲某甲是某乙非矣非本心而何先生聞之忽覺此心澄然清明亟問曰止如斯耶公竦然端厲復揚聲曰更何有也先生不暇他

語卽揖而歸拱達且質明正北面而拜終身師事焉
每謂簡威陸先生由是再答一語更云云便文離去
八年秋七月也已而沿檄宿山谷閒觀故書猶疑終
夜坐不能寐天曠曠欲曉忽覺灑然如物脫去乃益

明遺書祖象山先生辭壬辰之歲富春之簿靡雙明閣
之下簡問本心先生舉凌辰之扇訟是非之答實屬
簡機此四方之所知至於卽扇訟之是非乃有澄然
之清瑩然之明匪思匪爲簡實有之此豈惟簡獨有
之舉天下之人皆有之

象山年譜敬仲反富陽三月二十一日象山過之問
如何是本心象山曰惻隱仁之端也羞惡義之端也
辭讓禮之端也是非智之端也卽此是心對曰簡
兒時已曉得華意如何是本心曰第問象山終不易
其說敬仲亦未悟偶有鸞扇訟至於庭敬仲斷其曲
直說又問如初象山曰聞適來斷扇訟是者知其爲
是非者知其爲非此卽敬仲本心敬仲忽大覺始北
面納弟子燦象山答語人曰敬仲可謂一日千里

慈湖先生年譜 卷一

九 四明叢書

約園刊本

陸九齡與學者書書子靜入浙則有楊簡敬仲石崇昭
應之語葛誠之胡昜達材高宗商應朝孫應時季和
從之游皆疊疊篤學尊信吾道甚可喜也象山六月
二十九日復如富陽七月初九日舟離富陽以十六

日至家

黃紹聞四朝聞見錄慈湖主富陽簿象山猶以舉子
上南宮舟泊富陽慈湖宿聞其名至舟次迎之留憲
舍晨起揖象山而出歸治邑事

案行狀言象山新第歸來富陽與先生問答在六七
月間事象山年譜則以象山由行都過富陽在三月
間聞見錄則以象山至富陽在未第以前三說不符

當由傳聞異辭也
羅濟復慶四明志楊簡師事陸九淵自爲一家之學
施之政事人笑其迂而自信益篤

簡善家記三先生曰簡年三十有二於富陽簿舍雙
明閣上侍象山先生坐問答之間忽覺簡此心清明
澄然無滓又有不疾而速不行而至之神用此心乃
我所自有未始有閒斷

黃氏曰鈔象山門人傅琴山之外學象山而名世者

是為慈湖琴山名子雲字季魯金谿人

遺書家記九先生曰學者初覺縱心所之無不玄妙

往往遂足不知進學而舊習難遽消未能念念不動

但謂此道無所復用其思為雖自覺有過而不用其

虛度歲月終未造精一之地日用云為自謂變化

雖動而非動正猶流水日夜不息不值石險流形不

露如澄止不動而實流行子自三十有二微覺已後

正質斯病

四朝聞見錄慈湖參象山學猶未大悟忽讀孔叢子

至心之精神是謂聖一句豁然頓解自此酬酢門人

敘述碑記講說經義未嘗舍心以立說

杭州府志富陽觀山上有傳心堂亦名傳心亭卽雙

明閣址後人改建祠象山慈湖兩先生

石魚偶記嘗官富陽始至錢塘潮惟至崩山而止他

日與同官俱出西郊至看潮村皆訝村何以得此名
越二年潮忽過邑而西噴浪如岸雪聲如震雷宛然
與錢塘相似於是悟看潮村得名之由古亦以此記

異

紫湖先生年譜 卷一

十四

明叢書 約圖刊本

九年癸巳三十三歲

淳熙元年甲午三十四歲

行狀先生在富陽有自山出者尤朴茂來問學先生

日子姑學拱既數月曰可矣與之語孜孜窮日夜不

厭先生憂去輒提篋以隨願卒學後擢第為名儒邑

人爭相慕效文風益振

遺書祭孫元禮尊人文孫明仲生長富春山谷間曰

龍門富春人上絕少國家三歲舉士能秉筆具文者
不踰五十其能務實不務文求諸內不求諸外有志
於道者吾於龍門見二人曰明仲又明仲之尊行曰

字器其子弟從其教蒸蒸於善

案又富春龍門詩云竹與漸近鐘鳴處詩句來從鳥語邊先生當亦時至孫氏居也

潘說友咸淳臨安志楊慈湖在富陽有題淨土院詩和者甚眾又有題華蓋仙山院默齋詩洪氏浴室院進月堂詩

春喪妣氏去官居望室哀毀盡禮後營壙車廄更覺日用酬應未能無礙沈思屢日偶一事相提觸亟起旋草廬中始大悟變化云爲之旨縱橫交錯萬變虛明不動如鑑中象矣學不疑不進旣屢空屢疑於是乎大進

賜承奉墓碣殘石題顯妻臧氏先公十四年卒

案墓碣承奉卒於淳熙十五年據此是臧氏當卒於

慈湖先生年譜 卷一

十一 四明叢書

約園刊本

是年

又案象山集承奉墓碣作莊氏與殘石及遺書行狀異遺書續集有臧蔣氏墓志醫痊臧公墓志先生皆稱爲外家則當以石本爲可據象山集誤也

慈湖易傳二十居妣氏喪哀慟切痛不可云喻旣久略察曩正哀慟時乃亦寂然不動自然不自知方悟孔子哭顏淵而不自知正合無思無爲之妙

二年乙未三十五歲

三年丙申三十六歲

本傳爲紹興府司理狂獄必親臨端默以聽使自吐露越陪都臺府鼎立簡中立無頗惟理之從一府史觸怒帥令鞫之簡白無辜命鞫平日簡曰吏過詎能

免今日實無辜必撻往事置之法簡不敢奉命帥大
怒簡取告身納之爭愈力

行狀服除以通奉公畏浙江濤受紹興府理掾便就
養狂狴必躬臨之囚情燭燭罔失豪末猾吏僅行文
案手膠拳莫敢繩越陪都臺府鼎立大抵承媚風旨
不暇問可否先生公平無頗一府史觸怒帥送獄勒
之先生曰無罪可勒命勒平日先生曰吏過詎能免
若今日則實無罪也帥大怒先生歎曰是尙可爲乎
歸取告身納之帥知不可屈遂已一憲使嘗舉職官
一日緣兩造是非歷先生就已意先生趨庭抗辯捧
還削憲莫能奪改容謝之每謂白事上官必從容陳
述有不合卽退思思之而審堅守無所撓或大礙不
見聽則決去而已

四年丁酉三十七歲

慈湖先生年譜 卷一

十二 四明叢書

約園刊本

遺書 紹興府元日譔釋菜祭文

案先生爲紹興司理凡七載此文未定作於何年姑
錄於此

又案遺書續集秋祀禹廟文晉王右軍祠祝文當均
作於官紹興司理時

五年戊戌三十八歲

六年己亥三十九歲

七年庚子四十歲

八年辛丑四十一歲

本傳 丞相史浩以簡薦

行狀太師史越王薦引諸賢而先生居第二謂性學
通明辭華條達孝友之行閩內化之施於有政其民

心敬而愛之得旨任滿都堂審察僅一考卽移注先生不欲文安公書來勉之不可親庭有命乃不敢違

差浙西撫幹

宋史孝宗紀六月戊辰史浩薦薛叔似楊簡陸九淵

陳謙葉適袁燮趙善譽等十五人詔都堂審察

寶慶四明志史浩淳熙八年八月罷侍讀歸露章薦

鄞縣主簿薛叔似等十五人

宋史紀作六月羅志作八月象山年譜云史浩薦象

山六月二十三日得旨都堂審察羅志誤也

宋史史浩傳字直翁明州鄞縣人紹興十四年登進

士第拜尚書右僕射除少保觀文殿大學士醴泉觀

使請老除太保封魏國公夢封越王謚忠定

又薛叔似傳字象先其先河東人後徙永嘉累官端

明殿學士謚恭翼

九年壬寅四十二歲

本傳常平使者朱熹薦之

慈湖先生年譜 卷一

十三 四明叢書

約園刊本

行狀朱文公持庾節薦先生學能治己材可及人居無何闕嗟

宋子文集答劉晦伯書浙東倉有繼母接脚夫破蕩其家仲孫季和皆已薦之

黃氏日鈔朱子爲浙東倉有繼母接脚夫破蕩其家

業子來訴其請朱子遂委揚敬仲敬仲以子告母不

便朱子告之曰父死妻輒棄背與人私通而敗其家

不與根治其父得不銜冤乎

行狀先生自入仕固未嘗祈人舉亦不效尤稱門生

求鄞色狀例遞謝不敢答而諸公爭推擁若恐後輒

從部中得去刺章輻集溢數削返之

宋史朱熹傳字元晦徽州婺源人紹興十八年進士

官煥章開待制謚曰文公

案王楙並朱子年譜淳熙八年八月除提舉兩浙東

路常平茶鹽公事十二月六日視事於西興九年正

月巡歷紹興屬縣婺州衢州二月回紹興六月早七

月蝗巡歷紹興府縣八月留台州乞賜罷黜改除江

南西路提刑點獄九月十二日去任歸據此薦先生

當在是年九月前

朱子文集答滕德粹書大抵守官一以廉勤愛民爲先幸四明多賢可以從游不惟可以咨決所疑至於爲學終身亦皆可以取益熹所識者楊敬仲呂子約所聞者沈國正袁和叔到彼皆可從游也

西山葉勝齋墓誌字德粹世家徽之婺源淳熙八年中之科以恩陞首甲調鄞縣尉子朱子自寓里來歸教之以親仁擇善爲講學修身之助且曰楊敬仲呂子約沈叔晦袁利叔此四人者皆子所宜從游者也
案朱子年譜是年九月十二日歸里此書當在九月後

宋史呂祖儉傳字子約祖謙之弟監明州倉寧宗卽位除太府丞

慈湖先生年譜

卷一

十四

四明叢書

約園刊本

十年癸卯四十三歲

承奉墓碣殘石象山爲國子正承奉攜二孫至臨安來訪留月餘而去

象山年譜淳熙九年象山除國子正秋初赴國學十年冬遷敕令所刪定官

案據此承奉至臨安當在九年七月後十年十月前

遺書 遺奠舒元英

奠辭從政郎浙西安撫司幹辦公事楊簡致奠於元英舒兄昨晨家僕以書來轉得之陳氏姑謂元英往矣和仲兄謂得聞多失實尚須審問既而應朝相訪道子約之語亦然嗚呼元英果往矣元英居明之奉化簡官浙西應朝又自越來同哭於此
黃宗羲宋元學案廣平案舒琪字元英文靖弟共學

於陸子家居教授慈湖雅重之

衛麟文靖類彙承議公壙誌先君徽字德濟世居明之齊化子七日琬曰琬曰球曰琳曰琥曰璣曰琪

宋元學案槐堂案高宗商字應朝浙江人乾道八年待學尤與楊敬仲舒元質相契任邑川教授

呂祖儉游侯濤山記王寅之冬遂祿而東言候壽之勝欲往未果今年夏四月至定海舒元英亦自大賊來卽登侯濤山

遂是年四月開元英尙在學案言宗商之官昌川楊敬仲方在浙西蓋淳熙十年以前而先生以十一年

春初轉承務郎文稱從政郎則元英之歿祭文之作當在十年四月後又云簡官浙西據遺書先生以十

一年八月始領浙西撫屬事疑當都堂善察後卽有撫幹之命但未及任事也

十一年甲辰四十四歲

象山集承奉墓碣壽聖慶霈以子簡官封庭顯承務

蔡湖先生年譜 卷一

十五

四明叢書

約圖刊本

郎

宋史后妃傳壽聖太上皇后淳熙十年年七十親屬推恩有差

畢沅續資治通鑑宋孝宗紀淳熙十年十二月丙子車駕詣德壽宮行慶壽禮大赦

案據此是壽慶在十年十二月而墓碣以慶霈封承務郎錄之十一年蓋於次年始行恩霈也

本傳差浙西撫幹白尹張杓宜因凶歲戒不虞乃令

簡督三將兵接以恩信出諸葛亮正兵法肄習之軍

政大修眾太和悅

續書莫能名齋記爲浙西撫屬淳熙十一年旣領事行狀大尹張杓雅敬先生先生亦渠渠與之盡壽中本無事及是多所委賴吏曠日相銜在庭天府懣庶類多戾契聲牙不易可辨先生雍容立決的中廢會

莫不服爲神明繼甸災意惻惻巨測白尹宜戒不虞
遂委督三將兵接以恩信得其心腹出諸葛武侯正
兵法調肄習之版大和悅先生於是益信人心至靈
至易感動億萬眾之心一人之心也徒恃詐力相籠
絡若虎豹然日憂其將噬大不可故每論元帥當以
四海爲一家撫士卒如室中人習正兵不可敗先生
之規模也

宋史張浚傳浚之子杓字完叟孝宗朝知臨安府

袁甫蒙齋集慈湖先生陸君墓志跋慈湖論兵主於
不殺講求諸葛武侯李衛公陳法甚詳謂古者正兵
不可敗於孟子不嗜殺人訓若合符節

承奉墓碣殘石先生爲浙西帥屬迎承奉以來與象

山下廨爲鄰

象山年譜象山於淳熙十年冬赴救局至十二年
冬奉祠歸其與通奉共居臨安者此三年中事以未

慈湖先生年譜卷一

十六

四明叢書
約園刊本

確知其月日姑隸於此

又案先生與象山同在臨安者前則乾道八年後則
象山爲國子正遠救局居中近五年先生亦官浙西
遺書有侍象山遊西湖舟中觀胥必先周元忠弈詩
疑作於其時

象山集胥訓字必先臨川人象山連襟周良字元忠
建昌南城人象山門人

十二年乙巳四十五歲

咸淳臨安志 郝莫能名齋於寶蓮山二月爲之記

遺書記云簡爲浙西撫屬院宅隘陋外高中卑無宴
息之所客至不可留不可以奉親渴得在官僧屋於
寶蓮山之巔創書室於高爽之地東江西湖雲山千
里名之曰莫能名齋淳熙乙巳仲春記
遺書有寶蓮官舍偶作詩

十三年丙午四十六歲

象山承奉墓碣光堯慶帝封庭顯承奉郎

續資治通鑑宋孝宗純淳熙十三年春正月庚辰朔帝詣德壽宮行慶壽禮大赦推恩

遺書紀先訓淳熙十三年通奉家書云汝勉吾爲西湖之遊今日無處不西湖無時不西湖人朝夕區區皆由有己及問其所以爲己卻又不識人好思量於此思量

十四年丁亥四十七歲

遺書正月二十二日書與張元度

慈湖先生年譜卷一

十七四明叢書約園刊本

書云臨川張元度以鄉舉至禮部持陸先生書踵門就見接其詞氣如其誠恪可敬告別復求數語以歸簡乃敘其略而告之曰元度好賢樂善孜孜如不及簡堅問元度自賢自善何所更疑而猶待他人爲書於寶通山官舍

象山年譜淳熙十四年象山登貴溪應天山講學建精舍居焉與楊敬仲書云精舍二字出後漢包咸傳事在建武前儒者講習之地用此名甚無歉也

象山年譜十五年易應天山名爲象山

宋史葉適傳適除太常博士薦陳傅良等三十四人於丞相後皆召用

莫適水心集上執政薦士書近歲海內方聞之士可
當國家之用者不少而其間雖有已經選用不究才
能者頂薦聞未蒙旌擢亦有已羅憂患恐致沈淪既
得外遷因不復入況其自安常分無所攀援復貽頽
年永絕樂進者乎適濫膺朝列聽聞短狹知賢不多
無裨萬一謹自陳傳良以下三十四人冒昧以聞陳
傳良劉清之句昌泰祝環石斗文陸九淵沈煥王謙
豐誼章穎陳損之鄭伯英黃艾王叔翁馬大同呂祖
儉石宗昭范仲輔徐誼揚簡潘黼憲徐元德戴溪蔡
戡岳甫王栴游九言吳益頃安世劉燾舒琳林薰袁

德明

適之薦書年月莫詳適傳云遷太學博士因輪對
除太常博士薦陳傳良等致適上孝宗劄子云陛下
即位二十六年於此孝宗以紹興二十六年六月即
位越二十六年為淳熙十四年輪對實在是時故以
適之薦士隸於是年
宋史葉適傳字正則永嘉人淳熙五年進士官至寶
文閣學士謚忠定

慈湖先生年譜 卷一

十六

四明叢書

約園刊本

又陳傳良傳字君舉瑞安人官至寶謨閣待制謚文節

十五年戊申四十八歲

本傳改知嵯縣丁外艱

行狀改宣毅郎知紹興嵯縣以外艱不往

縣志改知嵯縣未蒞任而嵯人重其名祀名宦焉
縣西北一里有楊公橋以饒得名北門內桃源坊有
慈湖書院明嘉靖三十三年提學副使阮為檄知縣

吳三畏為簡立
案陳縣志官師表作乾道間任誤也

承奉墓碣殘石秋八月戊寅承奉以疾卒享年八十

有二卜以十一月庚申葬於縣之石臺鄉句餘村孝

順里

象山集承奉墓碣公諱庭顯字時發長不滿五尺茶然體儒而御道之勇不可奪血氣益衰而此志益厲貴育不足言也余獲遊其晚而知公特深平生爲學本末無不爲余言者四方士友辱交於余惟四明爲多自余未識公時聞公行事言論詳矣公爲人恭謹精悍不屑碌碌視天下事無不可爲者其言有曰畏夷狄憂用財此宰相非才之明驗少時蓋常自視無過視人則有過一日自念曰豈其人則有過旋又得二三日而紛然乃大恐懼痛懲力改刻意爲學讀書聽言必以自省每見其過內訟不置程督精嚴及於夢寐怨艾深切或至感泣積時既久其功益密念慮之失智識之差毫釐之間無苟自恕嘉言善行不曠耳目書之盈室著之累帙嘗曰如有樵童牧子謂余曰吾海汝我亦當敬聽之檢身嚴而安其止取善博而知所擇舊習日遠新功日著自其子識事未嘗見公有過所自責者類非形見公每發明以示監戒人患忿懣公容物若虛人患吝嗇公捐財若無或歎其不可及公曰昔甚不然吾改之耳一夕被盜翌日

慈湖先生年譜 卷一

十九 四明叢書 約園刊本

象山年譜 淳熙十五年象山作承奉墓碣每謂志墓非古而銘多溢辭故不苟作余銘南豐慈谿二君子

之墓海內名識謂無愧辭

行狀陸文安公誌承奉墓謂年在毫臺而學日進當今所識四明楊公一人而已
象山集黃世成墓銘南豐黃世成卒於淳熙丁未

十六年己酉四十九歲

全祖望結琦亭集外編楊文元書院記文元之講學於碧泚以史氏也先是史忠定王館沈端憲於竹洲又延文元於碧泚袁正獻時亦來預湖上四橋遊人如雲木鐸之聲相聞竹洲在南碧泚在北

鄞縣志碧泚書院在西湖文元講學處

宋史史浩傳淳熙十年致仕晚治第鄞之西湖上

結琦亭集外編竹洲書院記史忠定歸老御賜竹洲

一曲忠定最與端憲厚制宅以居之

宋元學案東萊案呂祖儉監明州倉以淳熙王寅至

官去以丁未凡六年時明州諸先生多里居慈湖開

講於碧泚沈端憲講於竹洲聚齋則講於城南之樓

氏精舍惟舒文靖以宦遊出祖儉於諸講院無日不

會甬士學者遂以祖儉代文靖亦稱四先生

系先生於王寅癸卯官紹興司理甲辰差浙西撫幹

慈湖先生年譜 卷一

二十四明叢書

建戊申八月始丁父癯歸而呂子約已先一年去官

西山集袁正獻行狀亦以紹熙初連遭內外艱未及

用則先是亦去歸甬上先生於紹熙二年服闋去宰

樂平則其講學於碧泚而得與聚齋往還者當在己

酉庚戌二年間學案誤也

案史氏從學於先生者凡七人一浩從弟漸之子彌

忠袁梅廷祐四明志以子嵩之爲丞相累除資政殿

大學士遂文靖詳見下嘉定二年注一浩之子彌遠

宋史本傳字同叔拜太師左丞相封衛王謚忠獻一

浩幼子彌堅延祐志字固叔與諸兄並學於慈湖以

彌遠久在相位勸歸不聽遂食祠祿於家以資政殿

學上卒謚忠宣一漸之子彌登宋史本傳字南叔嘉

定十年進士官至直文華閣知婺州學案從慈湖遊

好學彊記一浩弟涓之子彌林史氏家傳字振叔戴

表元剡源集題跋字和旨結琦亭集外編甬東靜清

書院記和旨與饒州君定之皆楊袁門人之傑然者

一浩孫彌大子守之詳見下嘉定十七年注一浩孫

彌正子定之四明文獻字子應少時扶祖浩造朝孝

約圃刊本

宗奇之且勉以學嘉定間知饒州學案定之亦楊門高弟

光宗紹熙元年庚戌五十歲

本傳服除

案先生以淳熙十五年八月丁艷則除服當在是年冬

二年辛亥五十一歲

遺書遺奠沈叔晦

奠辭直致郎新差知饒州樂平縣主管勸農公事楊簡我奠於叔晦通判國錄叔晦善言善行奚可悉數遵制之官不得敬紳而從樞一奠哭別嗚呼哀哉袁變緊齋集沈煥行狀叔晦年五十三紹熙二年四月戊寅終於寓舍十二月丁酉葬鄞縣翔鳳鄉

慈湖先生年譜卷一

三十四明叢書

約園刊本

案先生是時當已膺新差樂平之命至明年春始赴任也

三年壬子五十二歲

本傳知樂平縣

遺書樂平縣學記紹熙三年二月閏朔始領邑事樂平縣志以奉議郎任

案二年祭沈叔晦文稱宣教郎是年始轉奉議郎四年祭沈元禮尊人文故亦稱奉議郎

興學訓士諸生聞其言有泣下者

行狀字饒之樂平故學宮逼陋甚危朽相支柱苟且暮先生曰教化之原可一日緩乎撤新之首登講席邑之大夫士咸會誨之曰國家設科目欲求真賢實能其理天下設學校亦欲教養真賢實能使進於科目非具文而已然士之應科目處學校往往講取經義詩賦論策耳善爲是雖士行掃盡無害於高科他

何以爲持此心讀聖人書不惟大失聖人開明學者之意亦大失國家教養之意人性至善人性至惡人性至廣至大至高至明人所自有不待外求不待外學孩提之童無不知愛其親及其長也無不知敬其兄見牛鰲誰無不忍之心見孺子匍匐將入井誰無往救之心是謂仁義之心是謂良心卽堯舜禹湯文武周公孔子之心卽天地鬼神之心人人皆有此心而願爲庸庸逐逐貪利祿思得失者所薰灼簡竊惜之敢先以告每謂教養茲邑猶欲使舉吾邑人皆爲君子况學者乎誨之諄諄不倦剷除氣習脫落意蔽本心本自無恙其言坦易明白聽之者人人可曉異時相於凡陋視道爲高深幽遠一旦得聞聖賢與我同心日用平常無非大道而我自暴自棄自顛真而不知有拉下者入齋舍晝夜忘寢食遠近爲之風動

蔡湖先生年譜 卷一

王四明叢書 一約園刊本

王應麟撫餘編蔡湖先生傳字樂平爲講堂訓曰學者孝而已矣時有古今學無古今時有古今性無古今聞者興起

宋元學案蔡湖案曹夙字叔達餘干人見蔡湖於縣庠聞其提唱旬有四五日而忽覺

案餘干樂平俱屬饒州其云見於縣庠者當卽樂平之講堂

遺書與曹叔達辭思念吾黨之士叔達未嘗不在懷中比裕甫遠來卽訪動靜裕甫莫之知適通史使君書牘言裕甫叔達之病達使君報緘曰叔達物故矣

家史使君指定之時知饒州

江西通志舒益字裕甫樂平人楊簡門人

楊石二少年爲民害簡置獄中諭以禍福咸感悟願

自贖由是邑人以訟爲恥夜無盜警路不拾遺

行狀初入境訪求民瘼則聞楊石二惡少以賭健恫

喝官府姦人無賴淵藪歸之起事端賊我良善或不

才長吏反利之爲鷹犬挾借聲骸生其爪角莫可誰何交事未久果狃狃然來搖牙庭下先生灼見姦狀

趣提園中加責罰諭以禍福利害咸感悟願終自贖由是足不及公門邑人化之以訟爲恥夜無盜警路不拾遺

遺書 撰樂平縣重修社壇記

記云春二月間朔飭既領事命新縣社之門與其庭而修築其牆仲秋訖功乃秉筆而書

四年癸丑五十三歲

遺書 二月戊朔遺奠孫明仲

漢魏經熙癸丑二月戊朔奉議郎知饒州樂平縣楊簡謹遺奠一奠之禮於明仲至契明仲純恪進德有證聞執事敬之一言日夜從事至右手運用其左猶其其專如此聞兩旬忽大喜自是發言頓異曩昔及爲正丞移方急奔走應辦而實未嘗微動

樂湖先生年譜 卷一

三十四明叢書

紹熙三年卒

約園刊本

遺書 新樂平縣學成記之

記云三年簡領縣事敬瞻聖人之宮隘陋甚無以起人崇敬之心思撤而新之縣計大置不可同官協謀邑人不應越明年中殿崇成戟門前峙修廊翼之因廊爲齋學者有安居之所

六月九日撰二陸先生祠堂記

象山年譜象山弟復齋先生淳熙七年卒象山以紹熙三年十二月卒於荆門第四年正月樞歸於家金谿宰王大有建象山復齋二先生祠六月癸丑楊簡爲記

樂平縣志自夏徂秋不雨年穀大損台楊簡憂盜起誨聚民之政以闕郊內自任稍采鄉譽分鄉職曰糶

日貸日濟次第具舉邑無可糶賁之民虞邑無可貸請之倉臺邑無可濟移之上供歲雖饑不害

遂遺書祈雨文東作方輿民田盡槁簡爲此邑之父毋不勝痛切又有諸廟祈雨文謝雨文黃潤古今救荒活民書紹熙四年樂平饑村民攜錢市米山路遇亡命縛而取之邑宰楊簡曰此曹斷刑則復爲盜配去則逃歸一足筋傳部示眾一境肅然此雖苛切之政然深合周公荒政除盜賊之意趙汝思忠定集與楊奉議書汝愚悚息上啓奉別累年惟有惰企遠示書辭懇懇然以境內早歉爲憂良深欽歎與時州縣舉行荒政率不滿人意願以實惠不及民耳有如誠心軫惻先事而圖募饑民以與陂澤一二條日極爲切當足見學力深到爲政有方萬家之邑雖饑不害矣來諭卽與丞相言之聞閭郡除截撥上供三萬石外更賜僧牒六十道伏幸照悉應祖此占報惟爲民社加意以需異用不宣

蔡澗先生年譜 卷一

三四 四明叢書

初園刊本

遺書鄒德顯墓銘金山之桐林有鄒生夢遇者初聽予言未以發紹熙四年秋予視旱過其鄉接遇稍異於變矣

曾襄粹疆圖宋文選楊簡鄒魯卿墓誌簡爲樂平首得鄒夢遇簡字之曰元祥元祥自有覺簡從而滌其滓

樂平縣志夢遇字子祥以辭賦薦於鄉爲人孝弟喜怒不形處事一於義不可奪從邑宰楊簡遊

宋元學家慈湖案慈湖爲樂平以訂頑二字用諸文告王琦謂良知良能人皆可爲堯舜無以頑斥慈湖

亟改自謝不敏王琦字表文樂平人慈湖稱爲直友其門人鍾季正有慈湖謝過遺墨跋云今之令有慈湖否今之友有先生否

又馬樸字季文樂平人主廣昌簿猶子應之字定叟子變字敬叔俱受業於慈湖許以有得且曰武城宰

得人矣

江西通志鍾宏字子虛樂平人從邑宰楊簡遊嘉定進士官貴溪丞袁甫表諸朝稱其學有淵源實得故簡學楊簡之傳同邑又有洪簡字子斐以蔭補官知茶陵縣甫正字性之官永明尉學有自得方溥字成大余元發字永之以辭賦薦王晉老字子康以蔭入仕篤志於學皆簡門人

樂平縣志鄒近仁字魯卿叩道於楊簡程廉字廷本以經學薦於鄉簡嘗器重之彭椿字春卿以賦薦於鄉簡稱其樸茂劉九思字得之以易數明於簡吳埴字仲和與弟珣俱學於簡埴字仲郊慈湖嘗曰埴敏不踰月而至珣踰年亦當知德

樂平縣志甫脫凶荒復大疫簡求疵癘所從起為禱

誅數百言大旨使民自求多福因郡官督征乃援孟

子受牛羊牧芻之說以告守不敢罪又行周官禁飲

蔡湖先生年譜 卷一

三五 四明叢書

約園刊本

法斥佞飲官婢配之官民無敢犯禮

遷書誅黷禍災之來惟人自取於大道太和之中起乖戾悖亂之氣薰蒸流注疫癘斯起今茲禱祈思心一誠可以變禍災為吉祥

葺樂平主簿廳為之記

記云是邑丞簿成萬蕭寺而簿廳之廢特甚舊有址於縣之東久為荒墟簿君周正字仁甫質直無所回節喜於得良友縣東堂幾二十楹請葺而居焉早暮徒步可以相遇屬簡記廳雖且追書前官之可考者

十月裴萬頃任主簿初見長官楊簡拜為道德師

簡全書提要裴萬頃竹齋詩集三卷附錄一卷楊簡誌其墓以狀識稱之

裴迪知此譜裴萬頃字元量新建人登淳熙進士為樂平簿情聲播聞遷大理司直

遺書奉檄往哭象山復會葬及歸自金溪留宿本縣仙樂觀

象山年譜冬十一月九日葬於貴溪延福鄉朱陵門人奔哭會葬者以千人

遺書誤祖象山辭代李伯誠誤祭象山文

案遺書留宿仙樂觀詩云道上清晨告余昨宵膏露降滿濡夜來輿從留山觀此瑞端呈邑大夫我聞此言半疑信踏破曉光上孤峻巍然古殿漢天師水繞丹爐葉明湧旁觀復折取以前連日祥應詎偶然我之審嘗甘如飴是誰教此變化權據此先生官樂平時有甘露降之瑞

五年甲寅五十四歲

遺書二月誤王珪節庵記

蕪湖先生年譜 卷一

三六四明叢書

約園刊本

記云王珪字玉甫樂平懷義鄉人

象山年譜二月十六日誤象山行狀

文靖類集答敬仲書象山行狀洞見表裏其間載子伊川事甚當然鄙意謂此等事未易輕以告人人情欺蔽道心不著不知者徒生矛盾既知之彼自能辨敬仲以爲何如

繫齋集樓鑰行狀鑰薦士於朝必以公議所與楊簡

劉仲光之流世皆賢之

宋史寧宗紀五年八月丁巳詔侍從兩省臺諫各舉通亮公清不植黨與曾任知縣者二人

樓鑰攻媿集舉楊簡劉仲光狀準尚書省劄子奏望旨令侍從兩省臺諫各舉通亮公清不植黨與曾任知縣人二名者右臣伏覩奉議郎知饒州樂平縣事楊簡學問深淳操行介潔議論堅正皆有本原愛民

之政著於劇邑是臣鄉人素爲畏友非敢私薦公論所推朝請郎監登聞鼓院劉仲光純粹而能剛疏通而有立曾知隆興府奉新縣甚有政聲又有關決之譽此二人者實可應通亮公請不植黨與之選

宋史樓鑰

傳字大防慶元府鄞縣人累官吏部尙書

遺書新饒娥廟碣而記

記云饒氏孝女邑人祠而祝之歷年數百旱禱而雨疾禱而安事禱而應簡脫遷別祠而新之又聞於帥請奏於朝求錫命焉簡忽叨胄學之除將去邑邑人請碣而記之

樂平縣志簡教民以孝弟爲首新饒娥祠朔望拜之曰吾以教孝

遺書續集祀饒娥僊聖文簡長斯邑首訪而知雖無舊文當啓新儀一獻爲禮神豈需此昭明孝道庸示百里

明一統志饒娥廟在樂平縣東三十里柳宗元饒娥

蔡湖先生年譜卷一

三七

四明叢書

約園刊本

碑饒娥饒人父醉漁溺死娥走哭水上三日不食死

讓孚惠王廟記

記云樂平之所崇敬旱能致雨禱焉而應靈威著聞遐邇畢趨者曰鳴山之神神之號曰威惠善濟廣祐忠烈王宜刻石昭紀事節

案記不詳年月姑附於饒娥廟後

曾燿已易序刪訂已易

案序云先生宰樂平時嘗刪訂已易以年月未詳姑錄於此

樂平縣志題小甘巖詩

案遺書作題樂平明巖又有賀王使君南風詩四章有云幸吾樂平之民芳上耿泉使生朝雲臺時十章有云泊陽爲邑實惟所臨上鄧憲生辰岷源詩十二章有云泊陽爲邑罹旱則甚故維私邑蒙澤亦甚詩

序六樂平令楊簡獻據此知皆卒樂平時作

本傳詔爲國子博士二少年大帥縣民隨出境外呼

曰楊父

行狀楊石二人者大率眾相隨出境外呼楊先生楊

父泣拜戀戀不忍離

洪邁野處類纂送楊簡選國子博士詩楊君解墨綬

去作國子師邑人千萬戶遮道嬰兒啼曩歲天苦旱

赤地無餘遺餓殍千百輩上山爭採薇採薇有時盡

詎能救長饑慨然願自任舍我將告誰味爽出廳事

日暮忘遊歸大家儲陳粟出糶不敢遲偷兒紛狗鼠

鋤治如平時一意手摩撫如子得母慈明年楚麥登

比屋無流移史牒載循吏於今親見之我亦受一廛

借哉輕語離橋山未訖役酌餞疏酒后聊述路人頌

持作送君詩

還書舒德彰墓銘簡爲樂平舒同年之弟揚字德彰

所居伊邇節朝相過暨拜博士之命延簡於其別圃

而餞焉

明一統志遺書閣在樂平縣儒學講堂後宋楊簡嘗

爲邑令旣去門人袁公輔提刑江東肖像藏其遺書

於此

慈湖先生年譜卷一

三六四明叢書

約園刊本

蒙齊集樂平慈湖書閣記書閣之建邑之令佐謝君

溥許君應龍與夫有職於學者舒君益而下凡十有

四人營萃先生所著羣書於閣而率學子日觀習焉

蓋先生嘗宰斯邑矣邑人沐先生遺化歌思至今勿

忘故捲捲於其遺書如此閣旣成而甫爲之記

樂平縣志慈湖書院在長樂坊危素記曰昔楊文元

公之宰樂平日首倡士民興修學舍闡明心學以崇

教化未幾民翕然應之區訟馴服至今號爲詩書之

邦向之蒙公惠澤者由今觀之皆其高曾祖父矣餘

澤在人尙感念之不泯孔子曰君子學道則愛人有

以哉袁正肅提點江東刑獄乃制書僕於學廡之後

入本朝至元十九年縣尹翟衡得魏氏之隙地於縣

治之東爰築宮其上率諸生舍奠焉事聞賜額曰慈

湖書院設官如今式至正辛巳公之五世從曾孫同翁來爲山長素使過是州旣拜謁祠下同翁求爲之記予惟楊氏學出於陸文安公其爲樂平也實朱文公爲浙東常平使者之所薦也不知者以爲朱陸異學可勝歎哉今學院有田以養學者於其中他日出而仕於時當以是爲師範矣

案趙偁寶峯集有送楊大章往江西因尋訪先世文元公遺書詩當指往樂平遺書閣言也楊實成化四明志丙字大章文元五世孫趙偁字子永慈谿人嘗讀文元書恭歎自省悉棄舊業尊崇之學者稱寶峯先生烏斯道春草齋集芮號小隱

行狀未三考以國子博士召紹熙五年寧宗卽位之初年也旣赴監講乾絲反復數千百言發人心固有之妙欣欣然人自慶幸謂先聖贊易後未之聞也御

蘇湖先生年譜

卷一

五

四明叢書
綉圖刊本

筆遵孝宗成規復三年之制先生奏陛下此舉堯舜三代之舉此心堯舜三代之心順此心以往則堯舜三代之盛復見於今日但臣深恨上行而下未效羣臣衰服之餘常服則紫緋綠大非禮虜人曩日嘗歎孝宗復古且謂金主亦欲依仿而行今陛下順聖心行之破羣臣非禮久例亦當溥及四夷心悅誠服豈不亦光明偉特爲萬世法歟

案宋史寧宗紀八月丁巳詔舉通亮公清樓宣獻蔣之十一月詔行孝宗三年喪制命禮官條具典禮先生始上奏據此則博士之召當在八月後十一月前也

周密齊東野語趙汝愚拜右相以朱子有重名遂自長沙召入爲待制侍經筵及收召李祥楊簡呂祖儉等道學諸君子
宋史趙汝愚傳字子直居饒之餘干縣擢進士第一召試館職寧宗立命爲光祿大夫右丞相

文靖類彙璘答國博敬仲書

書云壽皇崩棄憂戚之懷正如來諭公庭不能盡哀退與諸生坐哭明倫堂下當是時事方岌岌後雖少定然傳聞猶伴奠吾友入中朝與諸公數入否集賢果相敬信得展盡底蘊否璘學中諸生自得羅子有瑯夢真狂行簡戴深皆有啓發可敬但頽風未易返敬仲爲國子師如何端居靜念有治己之道無治人之法我若無虧隨處皆應一或自蔽萬語悉空璘日來灼見此弊不敢不勉更望見教
案壽皇孝宗崩於六月戊辰先生任博士後當有書致文靖文靖答之如此

蘇湖先生年譜 卷一

三十四明叢書 約風刊本

遺書續集冬抵臨安禋享

祭文云簡進德未純未能寡過叨蒙新命備數學官茲其簡之所自致實惟上世之遺訓未泯敢不敬之承之禮曰大夫士有省於其君則於禘及其高祖支子不祭祭必告於宗子簡旣告於小宗謹以斟酌庶羞用薦禋

慶元元年乙卯五十五歲

遺書正月記內訟

記云孔子曰吾未見能見其過而內自訟者今見其人矣先公有焉仲兄有焉簡親見先公自悔自怨至於位下至於自拳仲兄嘗告簡曰吾今而後知古訓所謂內自訟者予有過實自訟是以內訟名齋亦如今國學有齋曰自訟有大過則居焉士恥之而仲兄樂之簡起敬起恭謹發其義書於行所在仙林寺之

北官舍

承奉墓碣殘石庭顯次子篆
案遺書張秉信墓銘有云簡得之先兄和仲和仲當
是篆之字雍正燕谿縣志篆字醇仲號訟齋呂祖儉
游侯嶠山記史丞相館賓楊希度名篆家於燕谿則
篆又字希度也

本傳會斥丞相趙汝愚祭酒李祥抗章辨之簡上書
言昨者危急軍民將潰亂社稷將傾危陛下所親見
汝愚冒萬死易危爲安人情安定汝愚之忠陛下所
心知不必深辨臣爲祭酒屬日以義訓諸生若見利

忘義畏害忘義臣恥之未幾亦遭斥主營崇道宮

采史學宗紀二月戊寅以右正言李休言罷趙汝愚
爲觀文殿大學士知福州三月甲寅國子監祭酒李

蔡明先生年譜 卷一

三四明叢書

約園刊本

祥博士楊簡以黨趙汝愚罷
又趙汝愚傳贊侂胥欲逐汝愚擢其黨將作監李休
爲正言奏汝愚以同姓居相位將不利於社稷乞罷
其政汝愚出浙江亭待罪遂罷右相除觀文殿大學
士知福州臺臣合辭乞寢出守之命遂以大學士提
舉洞霄宮國子監祭酒李祥言去歲國遭大戚中外
洵洞留正棄相而去官僚幾欲渙散軍民將爲亂
兩宮隔絕國喪無主汝愚以樞臣獨不避隕身滅族
之概奉太皇太后命陛下以登九五勳勞著於社
稷精忠貫於天地乃卒受黜而去天下後世其謂
之何楊簡亦以爲言李休抗章辨之先生案學館舊事請
行狀趙汝愚斥李祥抗章辨之先生案學館舊事請
列劄不許告同列人相顧語難先生曰拚一死耳
遂上書言臣與汝愚義合者也汝愚豈每事盡善至
被不違以出則舉天下皆能亮其忠也汝愚往矣不
當復來今日之言不爲汝愚發爲義而發未幾亦遭
斥諸生復激於義爲先生辨又斥之一時端士正人
伺誣以僞痛黜逐掃地不留根株而其齟齬滔滔矣

宋無名氏慶元黨禁二月二十八日甲申楊簡上疏
留汝愚李沐又劾之

竊資治通鑑宋寧宗紀四月庚申太學生楊宏中周

端朝張道林仲麟蔣傅徐範六人上書言李沐論罷

趙汝愚中外吝憤章穎李祥楊簡發於中激力辯其

非即遭斥逐六館之士拂膺憤怨李沐自知邪正不

兩立思欲盡覆正人以便其私於是託朋黨以罔階

下之聽臣恐君子小人消長之機於此一判疏上詔

宏中等悉送五百里外編管時驛為六君子

余文豹吹劍錄外集侍郎劉珪請置偽學立黨籍宰

執四人待制以上十三人餘官則楊簡等三十一人

宋史李祥傳字元德常州無錫人遷國子司業趙汝

愚以言去國祥上疏爭之除直龍圖閣謚肅簡

父章穎傳字茂獻臨江軍人官禮部尚書升侍讀謚

文肅

通鑑輯覽楊宏中字充甫福州人周端朝字子靜溫

州人張道字用叟福州人林仲麟字景冲福州人蔣

傅字象夫信州人徐範字彝父福州侯官人

蘇湖先生年譜 卷一

三四明叢書

約園刊本

二年丙辰五十六歲

遺書王子庸請書

書云錢塘王子庸子為浙西撫屬時已識其人予得
罪去國將行子庸請益慶元二年三月朔書於江皋
旅次

行狀先生歸自胄監家食者十四載

遺書張渭叔墓銘越之新昌張渭字渭叔簡之為國
子博士以言事罷歸韓侂胄方用事時論誣善類曰
偽學舉子文字由是大變不敢為禮義之言如簡見
為偽學之尤者而渭叔不遠數百里與其兄弟皆至
願樞衣焉從容累月未嘗及舉子事業簡於是信其
人與之語無他說大旨惟本孔子之言曰心之精神
是謂聖渭叔領會無疑

宋元學案蘇湖案渭弟份字情叔

案宋史寧宗紀禁用偽學之黨在是年八月

遺書記馨齋

記云恪請以馨名齋又請書其說立秋日書於西嶼

竹房行狀恪承務郎沿海制置司准備差遣
策元學案慈湖案恪字叔謀號馨齋

八月誤東山賦

案遺書又有廣居賦南園賦蛙樂賦月賦心畫賦賦
中多自稱西嶼揚子當皆里居時作要莫定其年月

也
案齋集賦慈湖先生廣居賦慈湖先生既作廣居賦
廣居之室後轉而之他先生之猶子叔正能復其故
物端平三年夏屏處山樊叔正過余求紀其事且曰
更爲我敷暢廣居之旨余不得辭設客問以見意
王梓材慈湖從祀錄叔正疑名惟

慈湖先生年譜 卷一

三五 四明叢書 約園刊本

十一月十三日過庭書訓付恪

記連理瑞

記云慶元二年仲冬之月伯兄命主持蔬莖連理以
示節曰後畦所產亦異哉節受而諦視駭而曰未之
見也果異矣作詩以呈曰弟兄和氣與天通連理蔬
莖瑞鬱蔥造化神機非遠近不當言異又言同伯兄
喜持詩以示仲兒俄而又曰弟亦知復有蔬楊連理
之異乎殊本而同枝於是恪曰竊亦連理悔曰嘗見
之誠異乎常果駢蒂比實者未之見連實混然者節
又省伯兄嘗攜簡手徐行東園視橋實其狀與梅之
所見同簡退而念吾家一年而有連理之瑞四雖儒
者罕言祥瑞嘉禾作書古聖不廢追惟先公實德義
訓所以啓佑後人深入潛化往歲鄉里以潛莖蒙賚
舉子蠶登詭冒所至而是而吾家寂然二弟羣姪勢
便力可顧視之若無不惟不作於其事而亦不動於
其心此雖常德細行不足爲言而俗衰風靡吾家遂

爲砥柱簡竊自喜先公流化之效至是而益著又念伯兄忠信天成進德於內而世莫知簡每自言曰兄真三代人物也仲兄文雅灑然而探得復卦之旨於方寸之中作圖記過人皆恥於聞過兄顧自白其過孔子曰吾未見能見其過而內自訟者也而兄安而行之猗與盛矣叔弟機仲用改過之力於內而人未之知又其間鐘發省自此吐論超越季弟行仲孝友篤志訥於外而敏於中內心發光不可致詰諸子雍雍羣孫濟濟雖入德先後之序不齊不可枚數而其大較質而不浮從容乎先公道化之中則同茲嘉祥來集不可外索祥不可恃所恃惟德德不可怠惟勤惟精此簡所以不敢荒而亦先訓之本旨也厥明書於竹

遺書續集誌趙師邾妻陳夫人墓

蘇湖先生年譜 卷一

孟四明叢書

約園刊本

誌云其甫夫人陳氏以慶元二年九月乙丑卒於鄞之官舍既踰月其甫以告四明楊簡將以其柩歸十月二月壬申葬於臨海屬銘其墓

文魏集趙明道墓誌師邾字共甫台州人起家科目以修職郎主鄞簿

遺書遺奠呂子約

奠醴承議耶楊簡謹遺致一奠之禮於呂兄子約寺丞哀哀子約我心則同學問雖略異我心則同所同者何其好善同見義忘利同學不以口而以心同子約誠意篤志深知乎簡之心簡敬子約敬子約不以利奪其義之胸中夫是以承訃望哭如對清明之神雅正之容病質莫奔緘辭寫衷中聞離合如風轉蓬不復多述惟哭簡同

宋史呂祖儉傳寧宗卽位韓侂胄用事李沐論趙汝愚罷之祖儉奏汝愚未至如言者所云貶韶州遇赦量移高安二年卒詔合歸葬

續賁治通鑑宋寧宗紀慶元二年七月戊子量徙流入呂祖儉等於內地祖儉流高安尋卒案莫辭當作於是年

三年丁巳五十七歲

遺書取曾子之書參古本而釐正之釋其疑義四月

序

遺書續集邑人求譔春秋祀董孝君辭

董華鈞純德編慶元二年邑令朱堂重新祠宇楊慈湖先生代撰祭文云維慶元二年三月三日慈谿縣

令朱堂率僚屬致祭漢董孝子云

案先生於慶元二年三月朔日有江阜旅次書而純

德編謂是文即作於是月三日誤也寶慶四明志慶

元二年令朱堂增修孝子祠堂與邑之士夫上已重

慈湖先生年譜 卷一

三五 四明叢書

約園刊本

陽行三獻禮文或作於是年九月今慈谿縣徐家巷張孝子祠有漢董孝子碣銘殘石其碑陰云本祠士夫舉行春秋祀典再自朱令君始慶元丁巳重九縣令朱堂主祀丁巳實為三年文當作於其時而寶慶志云朱堂慶元元年十一月任三年二月丁母憂是三年九月已去任矣今據石刻始列於此寶慶四明志唐崔殷撰董孝子廟記云黔後漢人孝行著於鄉邑桓帝召拜郎中不赴又董孝子純德君廟縣東北一里建炎間縣令林叔豹建

四年戊午五十八歲

遺書續集二月甲申會從姪翰林醫痊臧賓卿墓

桃源鄉西山萬隩誌從舅翰林醫痊臧賓卿墓

誌云隩外王父臧師文以文行升上舍貢禮部其兄師顏翰林醫候累贈從義郎從義仲子賓卿字雲叟

補醫學累轉至醫痊賜五品服隆興五年卒娶盧氏
紹興十一年卒再娶盧氏女弟慶元三年十一月卒
明年二月甲申合葬焉從表兄某屬銘其墓

五年己未五十九歲

遺書奠舒元質

質辭承議郎楊簡謹奠致於故友人元質舒兄通判
嗚呼已矣簡獨念不獲與元質俱終其學俱進其發
憤忘食之篤念嗚呼已矣元質享簡之奠元質之心
惟簡知之

文靖類彙誌舒元質墓

誌云九月二十九日舒元質卒訃聞奔奠於其廬哭
盡哀而返十二月望厥子卜兆於嵩溪里公棠山使
以窆期告乃序而銘之

又璘遷宜州通判拜命便歸未果行卒璘子五人三
慈湖先生年譜 卷一 三六 四明叢書

日統簡女女焉

續圖刊本

六年庚申六十歲

本傳主管崇道觀再任朝奉郎

案行狀轉朝奉郎無年月據遺書四年謨翰林臧公
墓銘結銜稱承議郎五年奠舒元質辭署銜亦稱承
議郎宋史職官志祠祿之官以三十月為任再任則
六十月先生以慶元元年奉祠歸至是年則再任滿
矣其轉朝奉郎當在是年

嘉泰元年辛酉六十一歲

石魚偶記十一月九日清晨忽覺子貢曰學不厭知

也教不倦仁也孟子曰惻隱之心仁也羞惡之心義

也恭敬之心禮也是非之心知也二子之言仁異乎
孔子之言仁矣十一日未昧爽又忽醒孔子之言知
者不惑仁者不憂必繼之以勇者不懼何也知及之
仁能守之知知道仁者常覺常清明之謂然而亦有
常清明日用變化不動忽臨白刃鼎鑊猶未能寂然
不動者此猶未可言得道之全故必終繼之以勇者
不懼

二年壬戌六十二歲

遺書續集祖莫馮氏姊

慈湖先生年譜

卷一

三七

四明叢書

續圖刊本

莫離從父弟簡謹致奠於亡姊百十九安人憶昔世
父合居武康諸姊俱長簡輩幼行男女則別同堂對
房旦旦肅揖歲時奉觴姊雖有行歸寧則常常獲依
居眷深愛長日月如車轂俱焉鬢霜三千數里家道
溘建昨問姊疾姊猶爲興夫何遽然棄諸孤以行姊
七十簡亦六十二一哭遂疾作踰月未平邊告啓期
力扶而來哀不勝矣擗哭忍痛執奠涕滂

三年癸亥六十三歲

遺書嘉泰昭陽大淵獻築室董孝君祠之西下有湖
焉簡曰溪以董君慈孝而得名縣又以是名則是湖
宜亦以慈名

行狀築室德潤湖上更名慈湖館四方學者於熙光
詠春之閒而啓迪之

春草齋集周侔齋墓銘楊夫子舊業面湖際山東西
有熙光詠春之門其流風餘韻可想見
雍正慈谿縣志慈北有談妙澗南流入湖野航橋跨
其上楊文元公有澗水簷旁談妙理之句因以爲名
徐北昂阿明談助慈湖宅旁有談妙澗連理園
紫蒙齋集題慈雲閣詩不見慈湖二十年憂心如醉
復如顛我來忽見慈雲閣恍若慈湖現我前今不知
處鄭辰句章撫逸云在鶴皋定水寺中

遺書譯先聖大訓

四庫全書提要錢時譚簡行狀築室德潤湖上始取
先聖大訓閱見諸雜說中者刊僞別誣萃成六卷而
爲解卽此書也

四年甲子六十四歲

遺書續集 譚安康太夫人奠辭

慈湖先生年譜 卷一

三四 明叢書 約園刊本

奠辭 具位楊簡謹奉奠於故安康郡太夫人祖筵曰
夫人淑德懿行某夙昔而不得備知而辱在州里又
辱知於尚書因尚書而獲修登堂再拜之敬望見揄
翟之光退而得諸親知又尚書當道其燕待之言確
乎不動於勢利今又獲尚書所狀行實啓讀益視其
所未知
政媿集安康郡汪太夫人行狀汪氏諱慧字正柔鄞
人嘉泰四年正月癸酉以疾薨於畫錦坊
案安康爲尚書樓宣獻母

遺書春記昌國州申義堂

天德昌國州志嘉泰三年東陽葛容夫洪爲昌國令
建縣率之講堂名曰申義越明年春容夫訪慈湖先
生於慈溪石魚語及邑學曰名學之堂以申義願申
之先生爲記其後

戴良鄞遊集沈明大墓誌沈文彪以奧學峻行與楊

文元爲忘年交嘗別築亭館招文元講道其中命子民獻堦劉厚南執經座下

何章撫逖沈文彪其先吳興人遠祖陵吳越王時官四明遂家焉自號清退居士嘗築亭館石魚之麓名曰樂隱招文元講道其中

案列於此
案雍正慈谿縣志石魚山在縣西三里有石如魚形今山麓有靈巖庵相傳爲石魚樓舊址石魚偶記一書當著於此遺書登石魚樓詩三首當亦是時作成化四明志劉厚南字子回慈谿人嘉定五年進士官至知台州朝請大夫

本傳賜緋衣銀魚朝散郎權發遣全州以言罷主管

仙都觀

慈湖先生年譜 卷一

三五

四明叢書 約園刊本

行狀權發遣全州以言罷主管
此道而已天以此羣居於天地之間而日月以此明四時以
此治失此道則亂得此道則安失此道則危得此道則
則利失此道則亂得此道則安失此道則危得此道則
下雜之此道則亂得此道則安失此道則危得此道則
失之孔子曰毋意不亂日多此心卽道惟起意則
則差起私心焉則差起權術心焉卽此虛明不
焉凡有不安於心焉皆自然無所卽此虛明不
意之心理以行勿損益自然無所卽此虛明不
政自願民自安化四夷自服此卽三王之國道即堯
舜之道當天心地上帝德曰生上帝視南北之民一
則勿戰易曰天之大德曰生上帝視南北之民一
也惟無甚罪則未至於心猶未盡苟亟
戰使南北無罪則未至於心猶未盡苟亟
民心盡離如獨夫一帝乃震怒前帝之心也爲湯
武之師故志曰行一不義殺一不辜而得天下有所

不爲公羊九世復讎之論非春秋本旨臣願陛下成
湯武事業又軍帥刺諸軍怨讎溢於聽聞陛下
罷刺之帥澤用不以官職爲意不受私謁之人則
三軍之鼓舞士氣百倍更得元帥大賢大智習知將
略者訓治諸軍數年後庶其可用廷議方易茶搖邊
瑣口語籍籍莫敢遏其端萌故先生懇懇之刀筆
小吏狐鼠弄威福冒節鉞張甚先生趨倚門恩德
修尺牘答曰我無是也未及對論罷自後兵連禍結
肝腦塗地語若合符識者恨先生言扼不上聞爲之
痛惜主管建昌軍仙都觀

遺書續集焚黃祝文考贈朝散郎妣贈安人告廟更

題神主

奠馮氏妹

奠辭元朝散郎主管建昌軍仙都觀簡祇奉祖奠於
亡妹百念八娘子爵自總角以至於六十不知吾妹

慈湖先生年譜卷一

四十四明叢書

約園刊本

性質靈明比借甥輩暫寓於吾室之西偏閒得款話
話次始知靈覺天然萬古鮮麗方謂媳婦輩朝夕伊
運德意德言具有薰漬天胡奪吾妹之遠慟哭不勝
再慟莫繼疾作累日中既復常僅能朔哭今復甚病
食損十九菑爾瘠甚祝告以翼日帷荒就道不可遠
送忍哀寫此殘石庭顯三女次適馮象先當卽其妹
案承奉墓馮記馮甥茶叔作小樓臨水請因水爲銘
遺書知樂亭記馮甥請書屏茶叔未知卽象先子
銘之曰知樂又馮甥請書屏茶叔未知卽象先子

家記四子曰人之過也各於其黨說者曰黨偏也簡

年六十四始省偏與黨相近而微不同

開禧元年乙丑六十五歲

象山集六月乙卯序象山集

象山年譜開禧元年象山長子持之伯微編遺文爲二十八卷外集六卷楊簡序

邱遊集題楊慈湖所書陸象山語陸文安公之學由中庸尊德性而入故其用功不以循序爲階梯而以悟入爲究竟所謂傳心之學是已斯學也江右諸公多得其傳浙江之士傳之得其宗者爲楊文元公文就卓富陽時獲見文安立談之頃卽領道要故其所不在富貴之語蓋亦心學之所發耳文元書之以自屬且署門人楊簡於後非有得於心學之傳者若是乎夫文安之學聖人之學也韓子謂求觀聖人者必自孟子始予亦謂求觀文安者必自文元始

二年丙寅六十六歲

遺書續集祖奠姪婦舒氏

奠姪叔舅簡致祭於亡姪婦舒氏婦西美之子來相姪憚近擇有覺轉以告婦適克領會且曰特以分版

蔡湖先生年譜 卷一

四十一

四明叢書 約園刊本

有願陳於叔舅之前當亦有啓明之意疾革又覺采元學案廣平定川案舒琬字西美鄉貢進士學於象山案舒璘之弟

孫應時燭湖集附編撰孫季和壙志

誌云孫燭湖先生應時字季和越之餘姚人簡與季和承學於象山陸先生季和由是信此心本善方相與講切進德而開禧二年二月甲戌卒壽五十三冬十二月庚申葬於龍泉鄉
浙水舊聞孫燭湖讀書處日時齋慈湖嘗爲之記

遺書家記二簡自以爲能稽眾舍己從人矣每見他

人多自用簡不敢自用一日偶觀大禹謨知舜以克艱稽眾舍己從人不虐無告不廢困窮惟帝堯能是

是謂己不能也三復斯言不勝歎息時簡年六十有六平時讀大禹謨未省及此

遺書代馮似宗譏壽樓文昌詩

序云壽宮使閣學樓公表弟馮某作是詩以獻

雲絮齋集樓翰行狀翰官吏部尚書嘉定六年卒年七十七據此逆推則開禧二年年七十時翰奉祠家居詩當作於是年

宋元學案慈湖案馮與宗字振甫慈谿人慈湖高弟從弟國壽亦師事慈湖時號二馮王梓材曰馮似宗未知卽國壽

竊攻媿集有馮仁叟表兄請婚任氏書則似宗仁叟皆與宣獻爲表兄弟當是一家人

三年丁卯六十七歲

蘇湖先生年譜 卷一

四明叢書 約圖刊本

遺書續編誌孫孝子之翰墓

誌云慈溪之金川雞鳴山孫孝子文舉名之翰母疾病且革文舉割體取肝爲粥以進越夕迺底於寧文舉以嘉泰二年壬戌六月庚寅卒年六十大開禧三年三月壬寅葬於五磊山

攻媿集林碩墓誌銘四明善士林碩卒楊敬仲識其

壙

誌云碩字與祖開禧二年十一月七日卒年七十有四力學而不見於用言議亦無以表暴於外躬行於家里閭敬之其亡也弔者盡哀明年三月丙申葬於鄞縣通遠鄉金谷里
宋濂文憲集葉秀發傳字茂叔金華人慶元丙辰進士初授福州長溪簿丁父憂服除轉慶元府教授時鉅儒樓翰史彌鞏樓昉鄭性之楊簡袁變皆器重秀發與之交而於簡問難尤切簡自謂有所啓發得邊

詹顯業爲喜葉蓋指秀發也異官知高郵軍學者稱
南坡先生案南坡官致授與先生交年月無攷當在嘉泰開禧
間姑附於此
又案邊名貫不詳詹當指阜民象山集阜民字子南
遂安人學於文安槐堂學案子南所言漸近頓悟絕
類慈湖語顧當指平甫陳淳北溪集與黃寅仲書平
甫資質莊靜叩其所學乃詹揚所傳授欲囚其偏而
爲之救絕口不出一言累

慈湖先生年譜卷二

後學同邑 馮可鏞 葉意深 輯

嘉定元年戊辰六十八歲

遺書久旱得雨詩呈張令君

遺書 濡水巖禱雨詩序 戊辰之夏天久不雨農嗟失時孰不徬徨邑人余崇因幹到縣石臺鄉遇一老人曰此地龍潭靈甚名濡水巖居士胡不祈於此崇回視問老人已不復見其神矣繼到濡巖果是聖迹禱而歸告於邑之士庶邑令張君聞之齋宿同詣潭所化龍隨見甘雨沛然吾邑無不種之歎崇號濡巖居士一力經營刻立碑記裝飾神像龍天感應歲斯上熟不可不記寶慶四明志慈溪令張義和開禧二年十二月任嘉定二年十二月滿替

慈湖年譜

四明叢書

約鳳刊本

遺書續集附錄門人曾熠刊已易孔子閒居解六月

六日趙彥械書後十月六日又書十一月曾熠書後

錄云曾熠得已易思錄諸版吉水縣丞趙彥械轉致於先生四月二十三日先生復熠書云已易閒居解並收

已

徐象梅兩浙名賢錄趙彥械字元道餘姚人宗室受蔭官復登進士第吉水丞累官吏部尚書壯歲從楊

簡游重修象山精舍刻慈湖遺書

遺書遺奠徐子宜

奠 鮑別去辭色惟十五年謂當合并繼以計傳道阻且長而遠永寂哭以遺奠匪邇匪遠

宋史徐誼傳誼字子宜一字宏父温州人乾道八年進士知隆興府謚忠文

永心集徐誼墓誌嘉定元
年七月朔卒年六十六

誌舒德彰墓碣

父云德彰子瑜以訃告卒之日嘉定元年季春己
丑葬之日是年十一月甲辰墓在饒娥廟冢右

本傳嘉定元年寧宗更化授祕書郎轉朝請郎遷祕

書省著作佐郎兼權兵部郎官轉對極言經國之要

弭災厲消禍變之道北境傳誦爲之涕泣

行狀上厲精更化首訪耆德除祕書郎遷著作佐郎
先生平時日夜長慮無路以告於上輪當面對遂極
言時弊陳經國之要首奏陛下亦知都城之內外有
餓奪市食者乎有勢不能俱生沈子若女於江者乎
都城之東有婦閔舅姑之窘請鬻身助給姑聞之自
經死舅知姑死又自經死子歸知父母死又自死婦

蘇湖年譜卷二

一四明叢書
約圖刊本

以舅姑及夫俱死又經死又有取小兒烹食者嗚呼
痛哉近在輦轂之下而致此極又况淮民相食妻食
夫屍弟食兄屍以至父子相食其屍陛下爲民父母
而有此羣臣之罪也望陛下急詔大臣集羣臣詳議
內外多少財賦陷沒於賊吏之手多少財賦徒費於
送迎而不思擇賢久任多少財賦費壞於科舉取浮
薄昏妄背理傷道之時文諸軍虛籍不知其後以虛
籍之費濟饑民何爲不可聞淮民之饑者欲渡江郡
守遏之結怨饑民是激之使爲亂又聞賑濟官以嘯
聚申上司累累查不報昏繆若此而朝廷未聞黜陟
臣大懼養寇危社稷也又奏今之守令多昏而聽吏
多懷私而徇利詞訟反是爲非反非爲是飲恨含怨
無所告訴二稅已納者復追伏則囚則辨訊或舉債
或鬻產甚者鬻妻賣子陛下試思民情至是其怨當
何如重以今歲旱蝗郡守不肯蠲稅害民弊政不可
勝紀此不擇賢之故也在外官司以汗爲常公取竊
取對送互送一會全送干縉彼此本庫自支生辰有
送子生若孫有送子弟又有送今國家患無財束手

無策得賢則官庫無公取竊取之盜財不可勝用矣此又不擇賢之故也元凶妄肆小人道長風俗大壞今雖誅殛而餘風未殄陛下宜汲汲爲計勿從士大夫庸庸苟且之論臣自知學以來熟思治務惟有一策每路擇一賢監司使監司各辟本路郡守守辟縣令守令各辟其屬先於本貫人本貫無人乃及外邑旣得賢必久任擇賢久任則百事成不擇賢久任則百事廢擇賢久任則社稷安不擇賢久任則社稷危宰執臺諫知社稷安危在此其堅守此不以親故私情敗國家公義辟非其人并罪舉主此令一下人知仕進之路悉本實行不用虛文則舍惡從善舍偽從實吏姦頓掃民悅財豐矣自此因保甲漸修比閭族黨之制書其孝友睦婣書其敬敏任恤書其德行道藝與其賢者能者肆成人有德小子有造舉明主三代之隆矣又奏古者六軍軍將皆命卿今諸將率從事武勇未熟復乎古先聖王之訓典未踐修乎詩書禮樂之實德則整齊諸軍不過射刺擊戰耳今陛下宜精擇文武俱通之儒法古司馬以尹正之訓導之

慈湖年譜卷二

三四明叢書

約園刊本

賞諸卒之孝者忠者善者則惡者潛化祈天永命鞏國祚於泰山在此而已殿司十三軍大盛宜析小半益以司馬餘卒以備三司則其勢均可以防後患三劄惻切上數俯首諦視至讀饑民相食處蹙額久之人爭傳誦流入北境見者輒雪涕舉兩手曰此江南楊夫子也

案行狀二年旱蝗先生上封事云臣臘月三劄所陳皆弭災厲消禍變之道又二年九月明堂禮成詩云去臘陳三劄據此則三劄皆屬是年十二月上

西山集慈湖行狀跋嘉定初元先生以祕書郎召德

秀備數館職始獲從之遊

西山集楊慈湖手書孔壁孝

經跋嘉定初獲侍公於著庭

係對越申稟注西山戊辰爲太學博士己巳爲校書郎庚午爲祕書郎此三年間先生與西山蓋同在著

也

采史真德秀傳字景元後更字希元浦城人登慶元進士第嘉定初遷博士累官起居舍人端平二年拜參知政事

去乃復以為制置使兼知成都府再被召踰年財抵

建康復引咎不前上召輔益堅乃之鎮江俟命著作

郎楊簡言輔嘗棄成都不當召

采史寧宗紀開禧三年三月庚子詔以楊輔為

四川宣撫使安丙為副四月丁卯召輔詣行在

續資治通鑑宋寧宗紀開禧三年四月召楊輔還以

吳玠為四川制置使時朝廷察安丙與輔異召輔還

慈湖年譜卷二

四四明叢書

約園刊本

闕輔抵建康引咎不進著作佐郎楊簡

言輔棄成都不當召遂命輔知建康

案先生為著作佐郎在嘉定元年召楊輔在開禧三

年畢氏併事書之據輔傳則召輔在開禧三年至嘉

定元年輔始抵建康時

先生已起為著作佐郎

遺書銘宋母墓

父云宋母者嚴陵王氏歸金華柳守宋子華之子沈

三十而寡長子姓纒十有二次林字修叔生五歲開

禧三年十二月己巳卒壽七十有四嘉定改元十二

遺書續集受誥告廟

文云介曾孫朝請郎行祕書郎簡昨准上旨除前

職今茲拜誥命又考功增秩皆前世積善流光

遺書日本國僧俊菴求書

書云日本俊茂律師請言於宋朝著庭揚子揚子舉聖人之言而告之

家文稱著庭揚子故隸於是年

奠高處約

奠辭同舍弟朝請郎祕書省著作佐郎兼兵部郎官楊簡奉奠於故同舍兄處約高公運幹哀處約盛廡近在關外而自坤徂艮亦既數里不知處約有疾作近暮俄承訃於邑子念卽奔訃而輜卒已散去度再集不可往返哀處約簡與處約同齋舍又同州里簡被命此來甚久不知處約官於此納謁既晚嗣勤報訪自是一獲再奉周旋而處約遽至於此哀哀處約幽明判矣德性虛靈曩豈生今豈死一奠告哀斯哀至矣

案奠辭不著年月據先生署銜定爲是時作

慈湖年譜卷二

五四明鏡書

約圖刊本

二年己巳六十九歲

遺書三月撰著庭記

咸淳臨安志善作之庭在道山堂後胡詮書扁有著佐楊簡贊孔子語

本傳詔以旱蝗求直言簡上封事言旱蝗根本近在

人心兼考功郎官兼禮部郎官授著作郎將作少監

宋史寧宗紀五月己未以旱詔羣臣上封事

行狀二年旱蝗詔求直言先生復上封事臣聞旱者災厲之氣三才一氣如人一身腹臟作楚則四體頭目亦爲之不安人事乖厲則天地之氣亦感應而爲乖厲孔子曰聖人有國日月不食星辰不孝海不運河不滿溢川澤不竭連年旱蝗雖或由軍興殺人及流移死者多而其餘人事亦大有乖厲郡縣官所至

賊汗怨滿充塞豈不感動天地而為旱蝗近者凶人謀為大逆天佑宗社幸即敗獲乃官司多非其人而無德致時文取士不考實行故放僻姦邪之風盛豈不感動天地而為乖厲為旱蝗旱蝗根本近在人心陛下雖請禱於宮中又分命備於臺神略降雨澤未至宏憐者旱蝗之根本未除也臣臘月三劄所陳皆弭災厲消禍變之道願陛下與二三大臣熟計之天官汪公達小宗伯章公頴咸相敬禮願親接聞誨言汪牒兼考功郎官江西隱士吳姓者漕司申請謚先生案吳有云安社稷而以庭幃在念不知為臣之道也孔子曰以孝事君則忠既違先聖訓且啓誘人使不念其親又其子觀先儒語亂臣十人問太姒為誰吳曰武王母曰何故母亦為臣答曰牽土之濱莫非王臣其子曰是尊無二上之意乎吳以是奇之竊惟有婦人焉當是武王后使臣母之說行是騙天下人子不母其母不孝則不忠不忠不孝天下大亂胥而為夷狄為禽獸難議謚章亦牒兼本部郎官先生舉賢不可梯級取實知其人即自舉之劄章既上然後

慈湖年譜卷二

六四明義書

約園刊本

取部示牒照所舉者嘗曰為國薦賢吾其職也而先私照牒於人且又刻章付之使自上此何理乎西府為親故問京狀先生難之至再三終不許後欲舉某氏某未審囑當路原善先生者問果否當路笑曰此老欲舉宜自舉吾有言即敗乃事矣除著作郎遷將作少監並兼職如舊

宋史汪應辰傳應辰信州玉山人子達繼日愿謀為變伏誅先生奏中近者凶人謀為大逆云云當指此事

宋史汪應辰傳應辰信州玉山人子達繼登進士第仕至吏部尚書端明殿學士

延祐四明志史彌忠監文思院門楊文元公署薦劄

曰質直而才遜德無競宰廬陵

宋元學案慈湖案彌忠號自齋鄞人第進士以慈湖薦宰廬陵成化四明志史彌忠字良叔官鄂州咸寧

尉歷宰廬

陵有能名

案先生署薦剡當在

是年官考功郎時

遺書八月書參前二字又記

記云子張問行孔子告以言忠信行篤敬立則見其
 參於前在輿則見其倚於衡夫所見者何也言而忠
 信直實無他無意也無說也行而篤敬無或敢慢敬
 而已矣無意也無說也此無意無說之妙虛明純白
 曾子曰皜皜即文王不識不知即孔子曰吾有知乎
 哉無知也即孔子曰純德孔明詩曰學有緝熙于光
 明易曰光大曰輝光曰光明書亦曰光皆謂如日月
 之光無思無為而無不照知所謂見者見此也此見
 非思非為動意焉則支則離則放逸則怠荒則僞則
 欺不動乎意則日用平庸以此事親事親純白以此
 事君事君純白利害愈明是非愈白大哉聖言簡深
 感聖人所以指誨學者如此切的著明故奉同舍之

慈湖年譜卷二

七四明叢書

約圖刊本

命而書

九月明堂禮成獻詩未上

序云嘉定二年秋九月辛丑皇帝祀上帝於明堂禮

成館職祇承舊比作詩以奏忠朝請郎祕書省著作

郎兼權兵部郎官臣

楊簡上進後不上

宋史寧宗紀九月辛丑

合祭天地於明堂大赦

案遺書和陳大著道九日之集詩七八句云憑欄相

與謀荒政第一言無罪歲饑陳大著名無考意同官

著作郎者詩當作於其時又有送章大著出守衡陽

詩云濟濟眾賢俱徐徐五馬驅中司親雁序南嶽佩

魚符玩詩意亦當

時送同官而作

十月謨昭融記

記云循理鄭同舍命簡銘其所居之室併屬記其說簡銘之曰昭融取諸既醉之詩昭明有融陽月書

十二月記達庵

記云慈湖楊簡一日訪達庵趙仲禮從容語及進德之序自謂幼侍嚴君朝夕翼翼惟謹不知歲月之流久而有樂融融怡怡則於今不知始終也簡曰名庵曰達斯其所以爲達也仲禮言庵依祖塋羣峯拱翠壽親大觀又時節展墓策杖周旋足倦則憩於亭侍先後善哉變化之妙至於此仲禮屢屬爲記簡於除夜之前一日謹記

銘鄒魯卿墓

父云簡爲樂平魯卿來訪道與語良久忽覺厥後數款語益信其果覺嘉定二年春至行都又從容累日歸未幾而疾作仲夏癸卯召子曾與語言訖而瞑

慈湖年譜卷二

八四明叢書

約園刊本

三年庚午七十歲

遺書正月銘張渭叔墓

父云渭叔年僅三十七而不祿實嘉定元年二月望日以庚午正月戊戌葬於其鄉之董隩渭叔父汝弼簡嘗銘其墓今又銘渭叔

遺書續集二月伯兄籌卒謨封志

志云籌字伯明晚而頓覺嘉定三年二月庚申卒壽七十有八日月甲申葬於慈溪縣石臺鄉之王隩

本傳入對答問往復漏過八刻上目送久之兼國史

院編修官兼實錄院檢討官

行狀三年面對有左曹郎官者爲前班上眷記先生特格下左曹先生首奏陛下已自信有大道乎舜曰

道心明心卽道孔子曰心之精是謂聖孟子曰仁
人心也此心虛明無體廣大無際日用云爲無非
化故易曰變化云爲虛明汎應如日月之光無思
爲而萬物畢照陛下已自信有此大道又聖性澹
無所好嗜宜清明舉無失策而猶有禍變云云者
恐意或微動如雲氣之興故日月之光有不照之
舜禹相告猶以精一爲難願陛下兢兢業業無起
不起意則自然知柔知剛知賢知不肖洞見治亂
機常清常明可以消天災弭禍亂次言今江淮湖
之寇並作由賢不肖濶濶監司守令而下多非其
是非顛倒尅虐不恤故下民怨咨衆爲羣盜陛下
精擇眾所推服正直不撓之人巡行天下黜陟監
守令昔先臣范仲淹富弼亦言委路自擇知州委
自擇知縣仍久其官守異政者就與陞擢臣深念
務莫先於擇賢久任所任旣賢則餘不肖乃害民
國之人不足深恤又次言改過聖賢之大德近世
大夫多以改過爲恥故人亦不敢忠告王安石本
非常之譽諸賢競議新法決於去位安石豈不動

慈湖年譜卷二

九四明叢書

約園刊本

致疑而決策不同者重於改過也故其末流小人類
進禍及國家陛下取羣臣之改過服義者表章陞擢
使凡建議不遂非飾辭則集眾智歸於一是國家何
事不辨而堯舜禹湯之大道復大明於今日矣先生
屢日嘗口奏陛下自信此心卽大道乎上曰心卽是
道略無疑貳之色問曰用如何上曰止學定耳先生
謂定無用學但不起意自然靜定澄明上曰日用但
勿起意而已先生贊至善至善不起意則是非賢否
自明此日復奏陛下意念不起已覺如太虛乎上曰
是如此問賢否是非已歷歷明照否上言朕已照破
先生曰如此則天下幸甚問答往復漏過八刻先生
出上目送久之兼國史院編修官兼實錄院檢討官
請改史法從編年之舊謂孔子作春秋書某年某月
某日某事人讀之以爲是者道也以爲非者非道也
如此而書大道自明司馬遷改編年爲紀爲世家列
傳使後世見事見人而不見道遷不知道故敢頓廢
先聖法度後人又靡然從之故道不明於天
下簡不敢苟從以懷聖朝大典後不果上

四朝聞見錄慈湖爲館職同列率多譏
玩之亦有見其誠實而不忍欺之者

以面對所陳未行求外補知溫州

行狀先生凡兩章引年一丐祠者不允已
而面對所陳久未施行遂力求去得溫州

遺書七月記詠春堂

記云格請書詠春以銘堂又請數明其旨他日格又
請銘其堂之東房曰時齋請銘其西房曰勿齋又請
銘其東院曰熙光其左曰昭融其右曰修永又其
別室曰喜哉曰止所三年敦胖相月書於慈湖

案尾云書於慈湖蓋當
得溫州後暫假歸時也

案遺書送子之官文汝旣於道有覺又嗜欲淡游不
以生死爲畏甚不易得皋陶猶曰兢兢業業汝切宜
克艱以守中庸敬之敬之云云此文當是之官
沿海置制司差遣時作不詳年月姑附於此

慈湖年譜卷二

十四明叢書

約同刊本

遺書半亭高祖墓記奠拜半亭高祖考墓

記云簡高祖考九府君諱倫居於明州今爲慶元府
奉化縣之忠義鄉半亭歿而葬焉四子伯與季及其
子孫多環而居之叔子無嗣仲子諱宗輔卽簡之曾
祖考獨徙而居鄞故曾伯祖考及曾叔祖考之子孫
從而徙者亦間有暨先大夫始又自鄞而徙慈溪先
大夫乾道中嘗命仲兄發九府君墓刻石爲望屋其
門今門圯北赴東嘉翼拜墓下
思復修興新俸無幾方坎坎

本傳移文首罷妓籍尊敬賢士

行狀先生每歎風俗之壞自上啓周禁羣飲至執至
殺後世雖甚不善尙賜酬有時不縱爲羣飲事倡優
下賤人道所不齒願貨視之以媒飲者治容列肆導
淫釣利傷風敗俗莫此爲甚到郡之明日妓羣賀卽
戒之具狀來眾亦未諭也至則皆判從良去矣異時
督賦之吏星馳火駕上下相束皇皇不能以朝暮至

是寂無一迹歷縣庭獨首移文罷妓籍首訪賢者禮
致之示表率首崇孝養明宗族相恤之令首行鄉記
效周官書敬敏任恤之類書善不書惡願與士夫軍
民共由斯道上呼舞載路如脫湯鼎濯清波如從
寒谷中生春矣詞訴類局於日分難遽達先生架大
羅戟門外令訴者自鳴鳴卽引問立剖決無待每受
詞探訪縣官賢否以至不一問之言人人同乃行黜
陟文移僚屬例書名不押字據案方書判有賂於庭
者無問誰何卽釋筆拱答揖入言苟是雖
賤隸必敬聽於理未安雖至親不爲撓

遺書冬十二月撰鄉記序

序云簡深信人心皆善皆可以爲堯舜特動乎意則
惡日用平常實直之心無非大道此固不可得而書
今姑倣周官書其敬敏任恤書其孝友睦婣有學邑
官之賢者與主記之賢士又能書其德行道藝則尤
其善者書善不書惡其敬其審簡
願與四邑之士夫軍民共由斯道

慈湖年譜卷二

十二 四明叢書

約園刊本

溫州府志楊簡知溫州善政畢舉採士
民善行集曰鄉記鏤版於學以勸民

銘蔣秉信墓

文云秉信名存誠世居四明郡城中嘉定三年三月
寢疾故舊訪問必謝曰萃聚許久今告違矣毋笑毋
訝七日而歿實壬寅十有
一月丙申葬於韓溪青嶂

鮑琦亭集內編蔣金紫園廟碑存誠
爲楊簡講學友聞歌有省德性清明

四年辛未七十一歲

水心集社稷記溫州之社稷壇陞頽缺嘉定四年守

楊簡始加甃土上於是灌莽尤盛刺壯城卒專修平
之楊公謂守莫先於社稷

案遺書續集有知溫州到任謁社稷文又有謁宣聖文到任謁諸廟文又有諸廟祈雨文祭社稷文奉安聖水文祭海神祠山文永嘉季春祈雨碧玉醮青詞後雨作改用文禳火青詞上元設醮青詞諸作俱守溫州時事自到任謁社稷謁先聖謁廟文外皆不能定其年

本傳私燧五百爲羣過境內分司幹官檄永嘉尉及水砦兵捕之巡尉不白郡簡驚曰是可輕動乎萬一召亂貽朝廷憂兵之節制在郡將違節制是不嚴天子命違節制應斬建旗立巡尉庭下召劊手兩行夾立郡官盛服立西序命斬之郡官交進爲致悔辜意良久得釋奏罷分司其紀律如此

慈湖年譜

卷一

十三四明叢書

約園列本

行狀有私燧五百過境內分司幹官檄永嘉尉及水寨兵捕之巡尉儂桃易事先生驚曰賊徒五百合家族何翅二千口拒捕相殺傷變在頃刻耳萬一召亂百爾其死奚贖也且違節制命斬之郡官爲惡致悔罪意乃得釋

案先生任溫州月日無可攷惟行狀云到任首行鄉記其鄉記序自署則三年冬十二月也故以巡燧與儂負諸事隸之四年

寓官置民田負其直簡追其隸責之而償所負勢家

第宅障官河卽日徹之城中謹誦名楊公河

行狀或訟舊產寓公負其直若干先生曰是固名流有文且長上位尊顯何得爾對曰今所訴行也文何以爲語對曰益苦受其狀旣而麤至者十八人同所訴卽命吏籌計官帑人給之袖眾詞卽其家語曰簡

知公必無是也是在幹者精誠所感寓公爲動則不
得已吐實先生曰簡知公必無是也幸出幹者屬吏
寓公靳之竟追斷償所負類海膠禁甚嚴商人庾稅
闌出海時副端方以威福奴視官府二子新喪母歸
輒衰衣造庭挺身自冒先生從容書狀尾曰楊簡老
繆不堪爲郡預乞一章放歸田里竟坐犯者如法府
第障官河立甃屋掘舟人喉衿巷居者苦澆濯而官
失虞火之備累致氣咽咽不得吐有言者先生命廂
官立殿之廂官懾怯莫敢前曰汝不食天子粟不爲
吾用耶科首械之往遂即日徹去滿城謹誦勒石名
河楊公

遺書續集 譔祭伯兄文

文云惟兄易贊今已周星禮雖有
制而中心愛敬日日新又日新
案此爲除服而祭
當在是年二月

慈湖年譜 卷二

十三 四明叢書
約圖刊本

遺書 譔半亭高祖墓記

記云半亭高祖墓曾伯祖下族兄百六府君之子子
才子富子祥合計協力作新門牆邑里改觀又族兄
名居立石使億以書來欲簡識其事
簡不勝興敬與慕以書於永嘉郡齋

譔勸農文

文云舜大聖人也而耕伊尹聖人也而耕耕者常情
之所踐君子之所敬尤爲本朝列聖之所敬故守令
皆以勸農繫銜今爭田之訟累累豈有田而不肯耕
然大忠有二其一風俗好奢故雖耕而終貧其二風
俗好爭以好爭故雖耕而終於貧願父老從容暇日
審思詳慮切勿以奢爲榮切勿以好爭爲榮勿以老
太守諄諄爲虛文非真情此實
老太守愛汝輩切至之實情

更永嘉郡治堂亭名

記云郡宇之東有堂焉名清心簡心不安焉孔子曰
心之精神是謂聖既聖矣何俟乎復清之矧古者堂
室名不三字今更曰燕堂燕居之堂也又郡圃有堂
名夢草夢草蓮社之所不納也今更曰詠春詠春孔
子之所與也更企賢堂曰良光良彖曰時止則止時行則
者樂水更燕衍堂曰良光良彖曰時止則止時行則
行動靜不失其時其道光明是堂憇止之所也灑水
小亭曰澄光卽水之澄光明此心之澄然而光照

更永嘉郡學養源堂曰永堂

記云采陶曰謹厥身修思永所以事親者此也所以
事君者此也所以從兄者此也所以友弟親夫婦與
朋友交者此也人謂之心孔子曰心之精神是謂聖
人皆有是心皆具此聖百姓日用而不知郡學有堂
曰養源有源有流分本與末裂大道而二

之非聖人之言也簡懼誤學者更名永堂

嘉靖浙江通志溫州永嘉縣慈湖橋
宋郡守慈湖先生立鄉校於此故名

慈湖年譜卷二

十四四明叢書

約園刊本

誤平陽陰均隄記

記云天府府庠林子君雅合平陽東西金丹親仁四
鄉父老而下銜哀興敬以請於州守楊簡曰四鄉農
田北距大海西枕長江凡四十萬餘畝被鹹潮巨害
自有江以來至於今由水利不治歲告饑嘉定元年
汪令君惠撫吾邑建埭八十丈於陰均又造石門於
山之麓以防漲溢又經理其旁之塗地以爲社倉奏
請賑貸平陽十鄉細民君雅暨父老而下受汪令君
無窮大恩今承計巷哭路弔念無以仰酬汪令君不
報之德今將立石陰均刻曰令君汪公遺愛恩波使
十鄉之民世世子孫無忘君雅等深知使君好善樂
義敢求親墨大書八字併紀其事簡於是乎惻然爲之書且記
林景熙白石稟陰均斗門記平陽灑海而州水利多
斗門爲大斗門入陰均爲大斗門者嘉泰汪令君季
良所創也今故碣猶在

家姓譜汪季良廣信人以開禧二年知平陽縣又平陽縣志亦作開禧二年任林記作嘉泰未知孰是
撰陳規守城錄序

序云竊有志於武備踰四十年前數年始得陳規守城錄其言條理至詳待制陳公初鎮版於九江士大夫罕見此書待制知簡愛此書取諸九江以納東嘉郡應劭命多爲軼分遺士夫以廣國家武備宋史陳規傳規字元則密州安邱人建炎元年知德安府李孝義張世以步騎數萬薄城規亟爲備遂大敗之升徽閣待制有攻守方略傳於世乾道八年詔刻陳規守城錄頒天下

誌鄒元祥墓碣

父云饒之樂平鄒夢遇字元祥揚簡之宰樂平元祥與鄉貢自是相與從容後簡以職事至簡若元祥見次近覺簡隨通之自是益澄明元祥事親至孝篤愛諸弟其舅請元祥色溫言約神定氣和喜慍不形動容周旋莊肅開泰其處事一於義理不可奪別後進德厥效迺爾嘉定四年春赴禮闈罷而疾作歸而略平孟夏三日扶坐良齋還中堂與家人茗飲罷而歿訃至永嘉哭於燕堂遣奠臘月其子自得使弟自厚來請誌其墓

慈湖年譜卷二

十五四明叢書

約園刊本

五年壬申七十二歲

本傳帝遣使至郡譏察使於簡爲先世契出郊迎不敢當從閒道走州入客位簡聞之不敢入往來傳送數四乃驅車反將降車使者趨出立戟門外簡亦趨出立使者外頓首言曰天使也某不敢不肅使者曰契家子禮有常尊簡曰某守臣使者銜天子命辱臨

敝邑天使也某不敢不肅遂從西翼偕進禮北面東
上簡行則常西步則後及階莫敢升已乃同升自西
階足跖莫敢就主席使者曰邦君之庭也禮有常
尊簡曰春秋王人雖微例書大國之上尊天子也況
今天使乎持之益堅使者辭益力如是數刻使者知
不可變乃曰某不敏敢不敬承執事尊天子之義卽
揖而出旣就館簡乃以賓禮見儀典曠絕邦人創見
之莫不矍然竦觀屏息立

行狀楮券之科提也所至嚴酷以柱後惠文從事告
許成風破家者相踵先生寬平不迫市價自登天子

慈湖年譜卷一

十六四明叢書

約園刊本

下使者郡譏察使於先生爲先世契儀典曠絕邦人
創見之使者反告於朝曰秤提若永嘉可爲法矣後
臺憲亦以譏察奉朝旨行郡先生禮遜之如

初然事體異天使升階西向坐不終辭
案宋史寧宗紀嘉定四年十二月癸未以會子折閱
不行遣宮體訪江浙諸州攷是年十二月乙卯朔癸

未則二十九日也故以
使至郡事隸之五年

簡在郡廉儉自將奉養菲薄常曰吾敢以赤子膏血
自肥乎聞巷雍睦無忿爭聲民愛之如父母咸畫像

祀之

行狀故事歲擷朱欒蒸馨木而化之曰柑香分遍朝
路號土物名品又獨楮眞柑介饋費大苛擾悉削去
食用甚菲設廚生埃語家人曰吾儒素爲天子任撫
字敢以郡爲樂羞赤子膏血自肥乎雖不督賦而財

未嘗置不設法不立額而課未嘗動蓋由廉儉自
不費於無藝中孚感物而人自化服不忍欺也士
向方知務己學有冒同姓登科者既數年矣忽大
悟詣先生繳納出身聞貴游狂聾樂事放放踏然
畏相戒曰老子無乃聞乎悉皮置之一名鄉治館甚
華中有堂尤偉麗固常日交賓之所先生往謁特委
蛇延之別館猶愧發顏間豪侈頓消兼并衰止閭巷
雍睦無忿爭聲諸已訟者雖連涉甘心到郡庭受杖
杖之終無怨軍民懷戀有父母

慈家冢肖像祀之願阿翁壽
天啟慈谿縣志劉厚南謝瑞安尉楊文元守溫
州以其勤於奉職奏之累階祿秋皆有能登
永嘉縣志戴蒙字伯養其先由閩徙永嘉居柘溪紹
熙庚戌用閩門舍人戴勳黥改名瑩中第調吉水尉
棄官從朱晦慮於武夷因念假途易名之非改舊名
應鄉舉再試不第曰可以止矣郡守楊簡薦於朝後
用御史王穎叔請
詔以原名復官

燕湖年譜卷一

七四明叢書

約園刊本

溫州府志吳濼字子量永嘉人淹貫經子講學於郡
南吹臺塾從游甚盛揚南州州事禮之因易名慈湖

塾地有湖亦
名之曰慈湖

浙江通志吳濼永嘉人淳祐元
年進士則相後近三十年疑誤

東崑仰止錄周坦字平甫

平陽人執經慈湖之門

白石稟二薛先生文序永嘉自許少伊周恭叔劉元
承受業於程門爲最先薛氏至成學於慈湖楊敬仲

刑華據實猶

侯制錄外集薛疑之字季常號

玉成永嘉人作伊洛源流譜

卒慈湖誌其墓

朱彝尊經義考明一桂曰湯建字達可號燕

堂溫州樂清人交於楊慈湖有周易箴傳

遺書贈陳伯量書

書云都昌陳伯量主平陽簿同寅兩

周星從容話別次復求數語以行

西山集徐鳳墓誌字子儀浦城人年十九舉於鄉明

年中進士授溫州年甫三十餘善開迪不嚴而威

更三太守皆敬之慈湖楊公謂可與語道嘉定十二

年給筆札於玉堂之廬以十七年卒年四十有八

案溫州府志徐詒為教授無年月以墓誌推之嘉定

元平于儀年三十二先生知溫州在嘉定三年當亦

其時同官也故附於此

本傳遷駕部員外郎老穉扶攜緣道傾城哭送

行狀五年除駕部員外郎去之日老穉累翼爭扶擁

緣道曰我阿翁去矣將奈何傾城出盡哭有機戶嘗

遺徒亦手織錦字為大帷頌德政葉侍郎適書別先

生云執事二年勤治公私交慶惠利所及戴白老人

以為前此未有載於竹帛形於圖繪雲聚山積權沸

井里此實錄也後十餘歲上庠知名士猶極談邦人

去思未艾且謂當

時真有三代之風

入對言盡掃喜順惡逆之私情善政盡舉敝政盡除

民怨自消禍亂不作改工部員外郎

行狀改除工部上殿言臣有當今第一急務告於陛

下世俗常情喜順惡逆故其相與率多奉承雖於同

官明知其過而不敢言恐拂其意終將害己習以成

俗牢不可破故雖明知吏部注授不問賢不肖而不

敢革恐拂不肖者之情也雖明知擇賢久任為上策

而不敢行以員多闕少恐不賢者不任而拂其情也

以至中外獄吏彘楚取賂以直為曲免苦無告當職

揮煩受成吏手同官拱默不復審聽囚辭州縣承帖

吏卒困苦小民萬狀同官雖知不敢告長官亦視為

常恐拂其屬姑容之上官剛德始或案奏其漏網者

慈湖年譜卷一

十四明箴書

續編別本

多矣民怨吏卒怨官遂怨及朝廷臣大懼中外積怨
之久一夫吠呼從之者如歸市今聖朝雖有善政猶
以一盃水救一車薪之火節節盜起皆乘民怨願陛
下明諭大臣有長官能受逆耳之言小官喜於聞過
或知過能改特表章之布告天下切勿以爲小善而
忽之也堯舜舍己從人成湯改過不吝改過之善惟
孔子知之後世罕知非表章布告使天下改觀則眾
以改過爲恥此誠治亂安危所繫人性本善朝廷重
賞導之於前御史監司繩之於後庶幾願聞過求忠
告者多盡掃喜順惡逆之私情善政盡舉弊政盡除
民怨自消禍亂
不作上嘉納之

六年癸酉七十三歲

本傳輪對以擇賢久任爲言遷軍器監兼工部郎官
轉朝奉大夫

慈湖年譜卷二

十九四明叢書

約園刊本

行狀六年輪對先生謂五十年深思熟慮無出擇
賢久任之上策既累告於上矣他何言卽此說行天
下事自無不治此而未竟又將旁舉親務姑嘗試具
奏隨簡不能是也君子於其言無所苟而已況告君
乎復詳劄
申斯旨

又遷將作監兼國史院編修官兼實錄院檢討官

行狀先生不樂用磨勘初員郎時運數歲不轉一故
舊自爾相料理此日亦部長貳白堂轉之先生猶申
省乞寢免除將作監兼國史

院編修官實錄院檢討官

案遺書題將作軍器
二監詩當作於是時

遺書夏六月冢婦馮氏卒

墓銘馮氏名媛安字婉正恪之妻孝友爲至靜專無
故不出戶病久語其子埜曰我雖病實未嘗病生如

死死如生以嘉定六年六月十七日卒

遺書續集銘王德高墓

墓銘王鎬字德高世爲鄞人後徙慈溪弱冠與鄉貢繼登太學登進士科射江州湖口調會稽丞嘉定六年三月丁未卒年七十九十一月丙申葬於金川鄉施嶼

七年甲戌七十四歲

本傳轉朝散大夫

行狀七年以兩院進御集賢錄轉朝散大夫

遺書二月葬冢婦馮氏於象山縣之崇仁里

墓銘卒於嘉定六年六月越明年祖奠遺而歸里至二月丙申葬

慈湖年譜卷二

二十四明叢書
約圖刊本

本傳金人大饑來歸者日以數千萬計邊吏臨淮水

射之簡戚然曰得土地易得人心難薄海內外皆吾

赤子中土故民出塗炭投慈父母顧斲升斗粟而迎

殺之斬脫死乃速得死豈相上帝綏四方之道哉卽

日上奏哀痛言之不報會有疾請去益力乃以直寶

謨閣主管玉局觀

行狀虜大饑北民強屬歸我蜂聚蟻壅日數千萬計邊吏聞不知大體列弓弩臨淮水射之退先生戚然卽日上奏不報後十日當面對復謂方今上策無過擇賢久任累白廟堂亦已浸知擇賢久任之味云且有驗矣但朝廷承襲久例科舉取士專尙虛文大壞士子心術吏部注授專以資格不考才德郡守例二

年爲任知縣三年餘京官選人各有定例不肖者前
後踵接故妄作害民致怨招禍大盜累起朝廷又憚
改作甚非祖宗所望聖子神孫之意今兵帥多非其
人軍人懷怨有語謂用命者無恩澤不戰而走者擯
用將帥全才固難得其有智勇不刻剝得士卒心者
不可謂無樵勞大失信民對泣痛怨後雖稍寬而有
秤提州郡過嚴民甚冤苦又鹽法累改失信舊以年
月日次第支鹽今定舊鈔二分新鈔八分故舊鈔幾
於無用客子怨深至骨軍器物料尙欠客子若干萬
緡不知已未支還又放散軍人失所深怨不知已未
根刷收拾最有一大利害習俗常談以大公至正之
論爲迂闊以趨時苟且權竊之術爲通才權術苟且
暫造目前而人心不服上帝不與禍在其後此國家
治亂安危所繫孔子曰一物失理亂亡之端苟遠此
道民畔如歸惟陛下明察靜思大臣亦虛已求言聞
過願改君臣同心則天下被如天莫大之恩已乃歎
曰吾益老當去矣猶未已耶會有疾遂連乞假先生
自永嘉後告老丐祠之章又十餘上每切切乎道義

慈湖年譜卷二

三四明錄書

約圖刊本

謂有國者由乎道義則上當天心下合人心有家者
由乎道義則上可事君下可臨民簡踰七十又幾年
三入修門四經陛對言無可採澤不被於天下徒綴
班列不去義乎不義乎至此又極言當去之義愈明
愈確而請愈力遂除直寶
謨閣主管成都府玉局觀

八年乙亥七十五歲

行狀其領玉局而歸門人益親遐方僻嶠婦人孺子
亦知有所謂慈湖先生歸然天地閒爲斯文宗主泰
山喬嶽秋月獨明始傳古文孝經傳魯論而釐正其

篇次

九年丙子七十六歲

遺書夏偶書詩二首

其二云行年七十有六隨世名言則然應酬衮衮萬狀變化離坎坤乾人情曲折參錯靜多欲後先孰有孰虛孰實無高無下無邊清明靡所不照一語不可措焉先聖爲是發憤忘食簡也何敢空度歲年

十年丁丑七十七歲

遺書偶書詩二首詠春偶作詩二首

偶書詩一云新年七十七是虛不是實我心包太空有無混然一此日腑臟作示病而無疾憑欄拱翠峯可詠不可詰

又家記九孟秋朔日食望月食曾汲古云日月薄食或謂天之定數非歟先生曰日食雖因日月交會而

慈湖年譜卷二

三四明叢書

約圖刊本

曆家亦莫能皆中曆家咸服唐一行之精而一行所中十僅七八諸儒汎聞曆算每中不究其詳遂歸之定數此言害道

慈湖從祀錄曾汲古字子濟廬陵人慈湖門人

遺書復禮齋記爲汲古之父作安止記爲汲古作皆汲古自爲之記

十一年戊寅七十八歲

遺書誌葉祐之妣張氏墓

文云葉元吉名祐之母爲人張氏故將作監丞允恭女歸司農寺簿大顯簡至吳元吉來訪執事甚恭自言弱冠志於學而未得其方得先生絕四碑讀之知此心明白廣大自謂讀書行已不敢起意復寐中聞

更鼓聲而覺曰此非鼓聲也終夜不寐夙與見天地
萬象萬物萬變明暗虛實皆此一聲而目前常有一
物及一再聞先生警誨此一物方泯然不見元吉弱
冠與貢孺人不以為喜及見簡歸道簡言且謂若不
見先生止於半途於是喜甚簡訪元吉孺人已疾病
命二女聽於屏閒盡記簡之言以告孺人舉手曰幸
甚吾兒得此於先生吾死無憾矣垂絕神氣清明無
一語差時嘉定十一年十一月乙未以明年正月庚
午附於吳縣至

德鄉寺筓之墓

案通書有示葉元吉詩

又續集有葉元吉請書

宋元學案慈湖案張端義字正夫鄞州人居於吳卽
朱長文樂圃故址一時耆艾如慈湖說齋鶴山菊坡

習庵皆從之遊而尤服膺其
中表葉元吉亦慈湖高弟也

遺書吳縣

講義一章

慈湖年譜卷一

三四明叢書

約圖刊本

陳世崇隨隱漫錄慈湖題

平江府泰伯廟詩一首

案先生至吳年月無攷玩葉母墓誌中語當在是年
誌亦作於吳地王鑿姑蘇志吳縣學舊有楊慈湖祠
當以其講學
之地而祀之

咸淳臨安志誤臨安府學記

記云嘉定九年京庠典教袁肅黃顛顧瞻先聖之宮
與講學之所卑陋不足使人興敬告於帥請於朝明
年孟春經始越壯月告成始克鼎新大備屬簡識其
事簡行年七十有八日夜兢兢一無所知曷以稱塞

十二年己卯七十九歲

本傳升直寶文閣主簿明道宮

行狀十二年除直寶文

閣亳州明道宮再任

遺書誌錢子是妣徐氏墓

父云爾於淳安錢子至契子是先已覺爾刻其銜
遂清明無間後遺其冢子樞奉書至并其妣氏家傳
請誌銘其墓櫛字誠甫近於嘉定十有二年元夕後
一日有覺至晦日又大通鳴呼子孫皆覺載之家傳
亦垂不朽矣假誌銘

誠甫以此紙告於父

宋史錢時傳慈湖門人錢時字子是

淳安人以易冠漕司官史館檢閱

季德恢嚴陵志時遊慈湖之門慈湖亭曰人心肯馳

不知其幾惟子是超然有覺又能啓迪其鄉人大

書融堂二字贈之

學者稱融堂先生

宋元學案慈湖案洪夢炎字季思

號默齋與融堂同登慈湖之門

遺書默齋記季思請

名其齋簡名之曰默

慈湖年譜卷一

西明藏書

約園刊本

嚴州府志洪夢炎字季思淳安

人寶慶二年進士官差知衢州

宋元學案慈湖案洪贖字君實後字本一淳安人淳

安自融堂爲慈湖高弟而贖之族祖夢炎亦登其門

故淳安士皆

爲慈湖之學

撰敬止記

遺書錢樞敬止記跋大人結茅家旁小山先生命之
曰敬止求說先生曰敬止無說簡當爲之記明日授

以此

文

又贈錢誠甫書誠甫遠訪從容近

月問答亦詳矣將歸侍復求言

十三年庚辰八十歲

十四年辛巳八十一歲

本傳除祕閣修撰主管千秋鴻禧觀

行狀十四年除祕閣修撰紹興千秋鴻禧觀

純德編嘉定十四年邑令趙崇遂屬鄉先生楊簡題

純德廟額

純德編趙崇遂與慈湖先生書崇遂拜啓漢董孝君以我章聖朝膺純德封號蒙椽筆採純德字題廟矣迺者進士李伯英請并定神龍張孝子之祠伏念兩君子立子極同臭味必合或別立一廟固善卽同室而享亦可也今諸搢紳定議附入董廟內行禮有日希先生早賁以襄其成

案張處撰張孝子配董孝子廟記

尾云嘉定十四年孟秋朔日記

寶慶四明志張無擇句章人性篤孝父卒負土營葬七日絕漿三年不櫛

慈湖年譜卷二

五四明叢書約圖刊本

又慈溪縣令趙崇遂嘉定十二年五月任十五年正月離任

十五年壬午八十二歲

本傳特授朝請大夫右文殿修撰主管鴻慶宮賜紫

衣金魚

行狀十五年授右文殿修撰南京鴻慶宮

十六年癸未八十三歲

本傳進寶謨閣待制提舉鴻慶宮賜金帶

行狀十六年除寶謨閣待制

成化四明志陳塤丁父喪從慈湖讀禮

宋史陳垣傳垣字和仲鄞人嘉定十年進士調黃州
教授喪父考古禮制時祭儀制祭器行之忽歎曰俗
學不足學乃師事楊簡攻苦食淡晝夜不

意累官國史編修實錄修撰出知溫州
家仲學禮慈湖不詳年月而本傳言免喪後
注慈湖教授以去時在理宗即位前姑列於此

宋史袁孝慈湖案垣號習菴慈湖
大弟子自袁正肅外習菴其最也

南宋史舉其都講為融堂錢氏子嘗攷之其最能昌
明自門之緒者莫如鄴之正肅袁公蒙齋侍郎陳公

習菴及慈之桂公石坡顧袁棟以名位著而桂稍晦
今慈湖東山之麓有石坡書院卽當年所講學地也

石坡之語悉本師說曰明誠曰孝弟曰顏子四勿曰
曾子三省其言樸質無華葉蓋以躬行為務故其生

平踐履大類慈湖石坡晚年最爲耆壽東浙推爲楊
門碩果竝於蒙齋習

菴其道之尊如此

慈湖年譜卷二

天四明叢書

約園刊本

張時徹嘉靖寧波府志桂萬榮慈谿人字夢協慶元
二年進士由南康守進直秘閣遷尙書右郎乞老歸

築石坡書院

講學其中
石坡從學先生無
年月可攷故附於此

十七年甲申八十四歲

本傳理宗卽位進寶謨閣直學士賜金帶

宋史理宗紀九月乙亥詔袁老儒以楊
簡爲寶謨閣直學士提舉南京鴻慶宮

遺書續集遺桂夢協書夢協謂心之精神是謂聖此
聖人之言何敢不信但學者所造有淺深先聖曰改

而止謂改過卽
止無庸他求

袁正獻從祀錄十二月誌故龍圖閣學士袁燮墓

誌云製墓於嘉定十七年八月癸巳年八十一是年十二月丙午葬於鄞縣陽堂鄉穆嶺之原諸孤泣請簡銘簡與和叔同講學和叔立朝光明臨終不亂簡不勝興敬

廣西山集袁燮行狀公之葬慈湖楊

公實爲之銘於公大節墓寫盡矣

羅大德鶴林玉露袁和叔云非木非石無思無爲楊敬仲深愛其語故銘其墓曰和叔之覺人所未知非

太非石無

思無爲

從祀錄云楊文元公所撰墓志不載慈湖遺書故黃

南雷全謝山先後輯宋元學案皆云未見道光間正

獻裔孫萬經修治公墓得此志於封土之下因錄而遷置之墓上

鮎埼亭集外編楊文元書院記史忠定旣逝端憲正

獻亦下世忠定之孫子仁復請文元講學故其居碧

慈湖年譜 卷一

三七四明叢書

約園刊本

泚甚久子仁受文元之教終身不應召命碧泚牙籤

甚富文元因思修羣書以正邪說未就而卒

宋元學案慈湖案守之字子仁從楊簡遊仲父彌遠當園心弗善也退居月湖之陽寧宗御書碧泚二字

賜之子仁居碧泚不與時諧以道自任

理宗寶慶元年乙酉八十五歲

本傳寶慶元年轉朝議大夫慈溪縣男尋授華文閣

直學士提舉佑神觀奉朝請詔入見簡屢辭

行狀慈溪縣開國男食邑三百戶尋授華文閣直學士奉朝請親廳宸翰屢頒詔旨請先朝耆德朕心素所簡記令所在軍州以禮津發赴行在先生臥疾控辭至於五六

宋史傳伯成傳伯成字景初少從朱嘉學隆興元年
進士授明州教授累官寶謨閣直學士寶慶元年與
楊簡同召
以老病辭

又真德秀傳朝廷之上
以者艾衰傳伯成楊簡

高子泰敬止錄穆陵卽位慈湖以列卿召對上問曰
問師相幼受教於卿慈湖對曰臣之所以致彌遠者
不如此上曰何謂對曰彌遠視其君如奕棋上默
然罷朝以語彌遠對曰臣師素有心疾乞放歸田
案史言史彌遠欲收眾望勸帝召傅伯成楊簡及柴
中行俱奉朝請伯成簡辭不至而據敬止錄云云及
計告辭云作觀來歸切疾
不愈則先生固當應召也

遺書續集誌臧孺人蔣氏墓

墓誌蔣氏名處定簡妣氏之姪婦
卒於寶慶乙酉葬鄞縣之桃源

慈湖年譜卷二

天四明叢書
約園刊本

二年丙戌八十六歲

本傳授敷文閣直學士累加中大夫仍提舉鴻慶宮
尋以太中大夫致仕卒贈正奉大夫

行狀二年授敷文閣直學士累加中大夫仍提舉鴻
慶宮尋陞寶謨閣學士太中大夫致仕三月二十三
日薨於正寢享年八十有六先生清明純一無生
異屬續之日怡然如平常時以遺奏聞特贈正奉大
夫官其後如格賻銀絹二百計告辭有云作觀來歸
胡疾不愈士歎明師之失國奚黃髮之詞學者觀之
爲之悲勸鄉閭孺慕走哭者交道公卿大夫士無不
邇弔奠者交踵四朝耆舊百世宗師生榮死哀不愧
不作娶林氏封令人二子恪承務郎沿海制置司准
備差遣克承家學勉進未艾愷早亡女三嫁進士孫
誼宣致郎知湖州德清縣童居善宜倅舒公諱璘之
子銑孫男五塹里基在堂孫女二長嫁將仕郎韓燮

曾孫金鳴呼三代衰聖教熄異端邪說爭鞭駕於天下其後傳注以爲經章句以爲學洙泗家法徒存紙上之空言穿裂剝蝕外於根莖學者信之愈篤卽所以遺害者愈深求其真得我心之同然洞照古聖於千載之上無是理也於赫我宋篤生賢哲而先生又挺出諸儒後伏發肇初無文義可傳孔子遺書不從言語上得本心本聖無體無方虛明變化無非妙用斯道也堯以之安舜以之無禹以之行其所無事湯以之懋昭文王以之順帝則武王以之行其所以周公以之師保萬民孔子以之爲刪爲定爲繫爲筆制衰貶是之謂中是之謂極是之謂秉彝之則茫茫千古智探巧索如賁商律如月指村而先生得之斯道於是大明開後學之夷塗掃羣迷之浮論有功聖門大矣蓋由天資醇實渾然不雜是故立志也剛進學也勇而行之也有力既大省發終身以之勉勉兢兢無須與微懈且又克永厥壽習久益熟遂造神明之盛若先生真所謂天民先覺者歟

慈湖年譜卷二

五十四明徵書

約圖刊本

案陳振孫直齋書錄解題慈溪甲槩下注竇謨閣直學士楊簡先聖大訓下注龍圖閣學士楊簡馬端臨文獻通考經籍類仍之攷本傳先生以敷文閣直學士終行狀以竇謨閣學士終未嘗游歷龍圖陳氏誤也

所著書有甲槩乙槩冠記昏記喪禮家記家祭記釋菜禮記石魚家記又有己易啓蔽等書

直齋書錄解題慈

溪甲槩二十卷

案今本遺書注有出甲槩者而不及

乙槩蓋乙槩之佚久矣溪疑湖字訛

楊士奇文淵閣書目楊慈湖冠祭家記

一冊婚禮家記一冊喪禮家記一冊

經義攷揚簡冠記一篇昏記一篇喪禮家記一卷俱佚

百川書齋楊
簡家記十卷

案今本遺書目卷七至十六爲家記

注云家記三卷分爲十卷卽此書也

行狀謂人皆以易爲書不以易爲己以易爲天地變

化不以易爲己之變化故面牆者比此天地我之天

地變化我之變化非他物也私者裂

之私者自小也先生是以有己易

采史藝文志楊

簡己易一卷

經義攷陳一桂曰己易一卷只作一大篇自包義氏

一畫陽一畫陰論起至八卦六十四卦爻辭大要謂

易者己也以易爲書不以易爲己不可

也桐江詹阜民子南刻之新安郡齋

曾燭己易序楊先生己易曩先生宰樂平時嘗加刪

訂燭得其本因謁知丞趙公是正之錄本以貽同志

或者猶謂先生復有所改近趙公爲轉致先生之前

而先生不復加損則此爲定本矣夫六經論語之書

慈湖年譜卷二

三十四明徵書

約圖刊本

言天下之義備矣迨孟氏興而復出性善養氣之說

自孟氏沒更秦歷漢以至於今前聖之意隱然而未

發者乃有橫渠之西銘雖然西銘之意認天地爲一

家而已易一書悟天地爲一己其流行發見精神畢

滿厥功益大學者誠能沈潛而反復之其於一理渾

然之中知其萬物森然莫不具在反諸吾身覺其機

之動而體驗推放之雖

馴造聖賢之域可也

四朝聞見錄慈湖改周子太極圖爲 \otimes 以爲周子之

說詳簡之說易其意蓋不取無極之說以爲道始於

太極

而已

行狀學者不反其所自有而或陷溺於諸子百家之

意說紛叟鼓疑似支離坐祟其中卒莫見道先生

是以有

啓蔽

經義攷楊簡易
學啓蔽未見

四庫全書總目 楊氏易傳二十卷

易解序

錢謙益絳雲樓書目

慈湖易說二十卷

慈湖易說二十卷

慈湖易說二十卷

慈湖易說二十卷

四庫全書提要 楊氏易傳二十卷 浙江吳玉坤家藏

本明劉日升陳道亨所刻經義攷載慈湖易解十卷

書名卷數皆與此本不合所載自序一篇與此本卷

首題語相同而無其前數行亦為小異明人凡刻古

書多以私意亂之萬曆以後尤甚此或日升等所

妄改歟其書前十九卷皆解經文第二十卷則皆汎

論易學之語亦間有與序文相複者今

既不略簡之原本亦莫詳其何故也

蔡國珍慈湖易傳序慈湖先生云少讀易大傳惟愛

無思也無為也寂然不動感而遂通天下之故故其

慈湖年譜 卷二

三四明叢書

約園刊本

傳益則以善之不能為過之難改皆始於意意本於

我知我本無體復何遷而何改傳震又曰人惟知恐

懼修省學者事耳謂易道精微不在是持是見者不

惟不知易亦不知恐懼修省夫曰不能為曰難改曰

恐懼修省則何嘗不責人之致力特其所以致者在

何思何慮而不失其寂然者耳蓋用力於其本而不

泛用者也譬之操舟者然順流帆風檣櫂隨之瞬息

千里是不操之操操更力耳庸可以無操之迹遂謂

其不操舟也審然者不惟益易且益學者哉吁此與

蘇傳均易之羽翼也顧湮沒久矣待今而始傳信大

寶之顯晦

有時哉

五誥解四卷

天淵閣書目 楊慈

湖五誥解一冊

四庫全書提要 昔韓愈稱周誥殷盤倍屈聲牙宋儒

如呂祖謙書說亦先釋周誥而後及虞夏商書蓋先

通其難通則其餘易於究尋簡作是書惟解康詒以下五篇亦是意也此書世久失傳宋孫尊以爲未見今從永樂大典各韻中案條薈萃惟闕梓材一篇餘皆章句完善謹依經文前後釐爲四卷

慈湖詩傳二十卷

遷書有

詩解序

家文淵閣書目楊慈湖詩解八冊焦竑國史經籍志黃虞稷千頃堂書目張金吾愛日精廬藏書志俱作慈湖詩傳

二十卷

經義文慈湖詩解

不傳亡其卷目

西庫全書提要書原作二十卷國史經籍志及千頃堂書目尚載其名經義攷注曰已佚今海內藏書咸集祕府而是書之目錄爲則彛尊所說爲可信今從永樂大典所載袁輯成編仍勒爲二十卷又從慈

慈湖年譜卷二

三四明藏書

約圖刊本

湖遺書內補錄自序一篇總論四條而以攻媿集所載樓鑰與簡論詩解書附於卷首其他辨論若干條各附本解之下以資考証至其總論列國雅頌之篇永樂大典此卷適缺無從採錄其公劉以下詩十六篇則永樂大典不載豈非如呂祖謙之續書記獨闕公劉以下諸篇抑在明初卽已殘闕耶是書大要本孔子無邪之旨反復發明其他箋釋文義閒有附會穿鑿然其於一名一物一字一句必斟酌去取旁徵遠引曲暢其說其攷六書則自說文爾雅釋文以及史傳之音注無不悉蒐其訂正訓詁則自齊魯毛韓以下以至方言雜說無不博引

可謂折衷同異自成一家之言

政婉集答楊敬仲論詩解書鑰蒙示教詩解以病故相仍近始讀竟荷開發鄙陋至多感歎擊服之餘恨

未得一遂請益於門下若夫發明無邪之思一貫之旨天人同心大道至平古說難盡信雖載之左傳者亦不可據釋文亦多好異音詩人諷詠或有包於事實制度名數不盡合於禮典先王皆在商世難拘以

則禮文王以服事向不應作禮樂如此類未易觀舉
皆前輩之所未發者尤用服膺然惟尊意每不自以
爲足而欲人之言鑰亦不能自己欲效所見試陳其
甚明者正欲反覆論辨以歸至當非恃相與之厚非
愛此書之深
不及此也

直齋書錄解題孔子閒居講義一卷

行狀人皆尙目爲見徇耳爲聞而不明夫哀樂相生
不可見聞之妙不明夫禮樂無體無聲之妙先生是
以有閒
居解

文獻通考經籍志孔子
閒居講義一卷楊簡撰

溪遺書卷二十爲孔子閒居

解亦見於先聖大訓卷一

延祐四明志

亦作閒居解

慈湖年譜卷二

三 四明叢書

約園刊本

曾熅孔子閒居解序熅侍教於知丞趙公嘗言楊先
生著孔子閒居解熅請之而未獲也乃寄示誠足以
開示後學因錄本以傳之夫孔子之言見於六經論
孟者人所尊信惟雜出傳記者雖載聖所傳人猶未
之盡信惟大學中庸先儒所推尊故學者誦誦至若
孔子閒居昔賢未嘗留意今先生首發明而誨解之
得非所謂五至三無皆斯人良知良能苗裔發見於
心端誠可體察而用力者歟彼坐談高遠而不隱諸
以自省矣

宋史藝文志春秋解十卷

通書有春
秋解序

古文孝經解一卷

文獻通考經籍志中興書
目錄前古文孝經解一卷

案延祐四明志
作古文孝經傳

延祐四明志論語傳

文獻通考經籍志曾子注十卷

曾子序

曾子序

百齋書錄解題曾子二卷凡十篇具大
戴禮後人從其中錄出別行楊簡注

行狀始傳古文

孝經傳魯論

冊餘編慈湖先生傳有詩

易春秋論語古文孝經傳

直齋書錄解題先聖大訓六卷

通書有先

聖大訓序

慈湖年譜卷二

延祐四明叢書

約園刊本

文獻通考經籍志楊敬仲取禮記家語左傳

國語而下諸書凡稱孔子之言類爲此編

鍾音浙江採集遺書錄先聖大訓六卷楊簡輯采經

傳諸子中孔子語分列篇第加以注釋今本爲明萬

曆閒焦弱侯所藏明州

守張翼軫得而校刊者

四庫全書提要奏漢以來百家詭激之談緯候怪誕

之說無一不依託先聖爲重龐雜蕪穢害道滋深學

者愛博嗜奇不能一一抉擇簡此書削除僞妄而取

其精純刊落瑣屑而存其正大其閒字句異同文義

外互亦皆參訂斟酌歸於一是較之薛據集語頗

爲典核求洙泗之遺文者固當以是爲臚淵矣

鄭氏二老閣書目石魚偶記一卷

案是書爲慈谿二老閣刊版

計載經解雜說五十六條

百川書志記先訓一卷

浙江採集遺書錄慈湖遺書後附記家訓七十一條

案今本遺書卷十七爲記先訓

遺書目誨語 訓語

遺書曾汲古所編誨語并傅正夫所編慈湖訓語二書皆與家訓大意相同

西山集跋慈湖訓語慈湖先生之道學者所共尊願嘗側聽諸公閒或不能無竊議者泯心思廢持守談空妙略事爲也今觀正夫所錄有曰無思甚妙思之正亦甚妙又曰徒思不可爲學不思如何是學然則先生之學其果泯心思耶曰學未純熟不可廢守又曰敬以守之於意能未動之先守定用力自然光明先生之學其果廢持守也至於言道以本心爲正言德以直心爲主則其爲論至平實既與談說空妙者不同而於當世之務討論區畫若指諸掌又非脫略事爲者也是四者既皆異乎所聞至其爲說有曰成

慈湖年譜卷二

五

四明叢書

約園刊本

身莫如敬書曰欽曰敬曰謹曰克艱曰孜孜曰兢兢曰勤值三五盛際君以此命臣臣以此戒君蓋灼知不敬則此心易動敬則此心不動此心微動百過隨之此心不動常一常明嗚呼斯言至矣非正夫之心與先生通貫爲一豈能傳之簡牘不失其真哉然則先生之言固有功於後學而正夫所錄又有功於先生也

陸子學譜傅廷字正夫南城人學於楊簡爲高弟子嘗輯簡議論經籍又訓誨弟子之言爲慈湖訓語

宋元學案槐堂案正夫之兄道夫嘗問答

於慈湖慈湖遺之書云道夫昆仲俱覺

蒙齋集書慈湖遺棄後先生之言多矣門人馮興宗

周之德取訓語之要聚爲一編屬甫刻梓以惠後學

或者病所取太少甫語之曰先生豈多言哉先生居

處無一情容接人無一長語作字無一草筆立朝大

節正直光明臨政子民真如父母是皆先生純純崎

崎之妙先生嘗侍象山發本心之問舉屬認是非以

答忽省此心之清明忽省此心之無始未忽省此心之無所不通後守永嘉謁先聖謂自幼學壯而始覺此心澄然虛明無體廣大無際日用云爲無非變化嗚呼先生之學師先聖師象山先生吐於言辭的的眞實一編已多矣奚其少

陳著本堂集語錄

本堂集與曹久可書近全本心所求慈湖詠春詩彙及所刊語錄別集與時議梓本堂所見者久歸於燬今則無從訪得之

成化四明志陳著字子微號本堂鄞人登

文天祥榜進士爲著作郎官臨安通判

宋元學案慈湖案全晉孫字本心學於和仲爲楊文

元私淑高弟曹漢炎字久可慈谿人慈湖杜洲二院

長堂

慈湖年譜卷二

吳四明叢書

約園刊本

陳第世善堂藏書目律解辨疑一卷

四庫全書總目慈湖遺書十八卷續集二卷

直齋書錄解題慈湖遺書三卷前二卷雜說末一卷遺文

浙江採集遺書錄慈湖遺書六卷一卷易說己易二卷爲詩書春秋說三卷爲禮記孝經說四卷爲四書

說五卷爲雜文六卷爲詩書後附記家訓七十一條

案此本明萬曆間慈谿楊世思陳光弼刊楊守勤校題曰慈湖遺書節鈔略潘汝楨宰慈谿爲之序

案錢曾述古堂書目作慈湖集二十卷四明盧氏抱經樓書目徐乾學傳是樓書目作慈湖書二十卷

四庫全書提要宋史本傳載簡所著有甲稟乙稟冠記昏記喪禮家記祭祀釋菜禮記石魚家記及己易

啓蔽諸書其目甚多直齋書錄解題則稱簡遺書止三卷此本自六卷以前爲雜文及詩七卷至十六卷

爲家記皆雜錄論經史治道之說如語錄之體十七
卷紀先訓十八卷乃錢時行狀及真德秀跋又編雜
文一卷及孔子閒居解一卷於後謂之續集與直齋
所記卷數多寡不合而集中家記內各條又有別標
曰見遺書者疑先有遺書三卷初本別行後又袁
諸編共成此集仍總以遺書名之猶之王質雪山集
有三卷之本有
四十卷之本歟

本堂集詠春詩彙

鶴林玉露楊慈湖詩云山禽說我胸中事煙柳藏他
物外機又云萬里蒼茫融妙意三杯虛白浴天真又
六言詩云淨几橫琴曉寒梅花落在絃間我欲
清吟無句轉煩門外青山句意清圓足徵所養

遺書過庭書訓吾字畫惟方正古樸和平近於隸蓋

今之楷卽隸之訛隸者篆之變篆極善隸庶幾楷猶

慈湖年譜卷二

三五四明叢書

約園刊本

庶幾至於草去古遠矣孔門之所惡今世通行之書
不用篆隸故予爲楷而似隸庶幾乎三代莊敬中正
之遺風不遂泯絕也

反心畫賦硯者天池也墨者玄雲也筆者龍也隨物
爲形爲圓爲方爲正爲旁如金如玉如齋如莊變化
萬狀眾善中藏粹然之容燁然之光其不可窮
盡之妙豈鍾王歐虞諸子所能夢而見覺而望
阮元兩浙金石錄楊簡參前碑末題重陽後二日立
石於太學循理齋前之臺刊者余逢辰碑在杭州府
學高三尺二寸廣二尺二寸正書十六行行十八字
額正書參前二字字大尺餘文元師事陸九淵洞徹
精微此刻全講心性觀其告桂萬樂所謂心之精神
是謂聖者全是此注腳當時立石太學咸厚臨安志
載之有以也文元不以書名此刻端莊流
麗皆從篆隸出入於八法外別樹一幟

西山集揚慈湖手書孔壁孝經跋司馬文正公平生未嘗草書雖造次顛沛閒一點一畫必如法度觀其書者卽知公之爲人慈湖道德學問追憶前修而於翰墨尤極嚴謹嘉定初獲侍公於若庭見其酬答四方書問無一字作行押體蓋其齋莊中正表裏惟一故形於心畫亦絕類文正公而清勁過之傳君廷所藏孔壁孝經又其得意書也嗚呼先生不可作矣學者卽此而觀之猶足以窺大賢氣象而知立德之本云

蒙齋集慈湖先生陸君墓志跋慈湖志陸君墓有足迹未嘗至庖廚一語注於旁筆力清勁藹然先生之道

道心

見馬

社範清獻集慈湖字畫端嚴清勁使人望之凜然亦足以見所存不悔而隨寓有則感淳臨安志林希逸幹辦公事廳記清祐癸卯夏五月三山張君實來追企前修慨惜闕典且日向□□

慈湖年譜卷二

三十四明發書

約圖刊本

慈湖垂芳可百世莫能名一室先生自扁自記自書以秦碑晉碑寶之可也扁雖移此烏可廢秋闈捧郵檄實爲先生故里遂訪求遺墨以歸鈎畫端嚴典型如在袖以白府公府公少嘗問道於先生得之尤喜卽捐楮錢五十萬俾勒石以復其舊府君名與憲張君名與龍

慈湖縣新志慈湖書院東西二坊西曰熙光東曰詠春坊無年月題識字畫端勁朴茂原本漢隸參以篆

勢當是先

夏文彥圖繪寶鑑楊敬仲喜作墨竹士大夫求者欣

然落筆有石本橫枝傳世

案遺書荒道撫琴行蕭蕭指下生秋風新漸幽響聽寒空月明夜氣清人骨何處仙飄搖丁東野鶴鶩起舞流水咽復鳴一唱三歎意未已幽幽話出太古情又喜雪詩暫停杯上猶賢突來作絃聞太古音自注

時琴撫白雪操據此
則先生又善琴也

不傳其論治務最急者五其次八一日謹擇左右大

臣近臣小臣

遺書家記十何謂謹擇大臣近臣小臣周公作立政
之書專言王左右常伯常任準人綴衣虎賁爲出治
之本至於默然良久太息曰甚休而人主知以是爲
憂恤者鮮哉蓋周公深知熟諳治亂之機在此而不
在彼在近而不在遠的然無疑確然無易故特而言
之其情狀切至至於此近治而後遠治近臣賢而後
遠臣賢小臣雖卑賤而人主之德性實薰染漸漬於
左右親近孔子謂居室出其言善則千里之外應之
居室出其言不善則千里之外違之治亂安危之數
皆自乎近可不謹乎講筵宜擇有道盛德之士使得
從容問答又使忠信秉正之士得應奉代內侍之雅
事內侍內人有一語一事之善上卽稱善或有賞宮

慈湖年譜卷二

三

四明叢書
約圖刊本

聞善心興起則小人無隙可
投君子可以安民安宗社安

二曰擇賢以久任中外之官

遺書家記十何謂擇賢久任中外之官今夫官不擇
賢不久任之害人皆知之所患員多闕少今選人三
年爲京官二年爲任吏部猶病其久而沉於久任則
何以處夫至多之員故士大夫一闕久任之說不復
長思輒以爲不可行不思家國設官分職將以治民
治國非徒欲給養天下逐逐羣羣無德無行之士也
士大夫不念夫下民被害怨及朝廷苟曰久任之不
可行蓋不以闕事爲家事視國之利害終不如己家
利害之切故不復深思亦其人之自度其德之非賢其
才之無能知其必不在選用之內故決然以久任爲
不可或又曰懼失士大夫之心吁士大夫之賢者能
者國家旣選而用之不賢無能者奚足措賢者甚
無幾不肖者滿天下不肖多臨民故多怨嗟郡邑無
久遠安固之備其患不可勝言送往迎來徒勞徒費

居官不爲長久之計貪墨以爲待闕之資雖閒有賢
者方諳物情利病又已將代而治歸裝守禦無素備
寇至輒潰民知其不久於位不服從其教令奸頑好
訟俟新更訴幸新至未諳情僞姑肆其欺擾害善良
無有已時使久任則不敢矣官司數易苟且圖書散
亡本末無考吏弊滋蠹民病滋深怨積於中安保他
日無一夫大呼同聲相應禍有不可言者是故當今
治務擇賢久任爲急宜升縣爲州大縣爲監司各辟
其屬謹簡乃僚先王令典縣稱百里奚止百里久任
雖非世繼亦幾於古之侯國事力不可太厚立法當
關盛衰故必縣升爲州大縣卽大州凡州皆得專達
於朝苟非其人則罷去無古者諸侯難制之患其甚
焉有功者有交焉有賜焉有贈

三曰罷科舉而行鄉舉里選

漢書家記十何謂罷科舉而鄉舉里選賢者能者自
漢以來古道波喪學徒陷溺於經說琢壞道心不務

慈湖年譜卷二

約圖刊本
四十四册書

實德唐鳥獸行君臣相與其勢競趨於粉飾華藻十
八學士以詩詠爲事業劉考功加進士以雜文幼能
就學皆誦當道之詩長而博文不越諸家之集六經
未嘗啓卷三史皆同挂壁本朝雖不廢經史而虛文
陋習尙踵餘風士子所習惟曰舉業不曰德業高科
前列多市井無賴子弟篤實端士反見黜於有司何
以德行爲文華而尊榮相師成風淪肌浹髓欲使事
君而君獲其忠使臨民而民不被其害可得哉雖問
得其人而亦無幾仕宦大概惟蠶飲惟求舉惟貨惟
色推苟且甚者民思寢處其皮而食其肉或曰鄉舉
里選善矣任選之官牽於私壓於勢賢者不舉不肖
者舉矣能者不選無能者選矣曰既擇賢則舉選之
官賢矣自無私私則罷黜終其身不得復用敢乎哉
况監司賢察官賢敢私乎哉况今日罷科舉行鄉舉
里選之制天下士心卽趨於善而況於罷科舉之官乎
或曰詩賦經義論策亦無害於取士矣必革曰駢儷
之文大不典雅惟助浮華不可不罷經義論策雖不
必於廢而襲今時文可笑之式則亦不可爲士而言

辭太不成文亦難斷不可糊名棘圍月書季考惟考
實德實行言辭不拘鄉里自有公論三歲大比與其
賢者能者以實禮禮之獻實能之書於朝三省奉其
書獻於上周禮王再拜受之登於天府今若未能遽
行拜禮則聖躬宜與以敬
受取書藏於至尊嚴之所

四曰罷設法導淫

遺書家記十何謂罷設法導淫周書痛禁羣飲至於
殺之莫律猶禁羣飲罰金四兩施大恩則弛其禁謂
之醕至五代猶有醕知其猶有禁也今既縱民羣飲
又縱官婢盛妝麗服飾花木之房導民爲淫蓋自夫
犒設軍將之法嘗用官婢今乃用以導民羣飲官司
沿襲不知愧恥殊可怪歎而進言之臣未敢請革者
亦有詭行都繁麗淫侈之地恐一日不設法則飲者
必頓減課入必大匱大軍乏支禍在朝夕故不敢輕
罷循仍到今然簡究知情狀利害曲折甚久行都諸
庫設法課利反少諸店不設法課利頗多以飲者揮

慈湖年譜卷三

三四明發書

約圖刊本

庫設法支費多簡爲樂平爲東嘉
皆罷設法酒禁亦寬而酒課無損

五曰治五法修諸葛武侯之正兵以備不虞

遺書家記十何謂教習諸葛武侯之正兵以備不虞
夫舉明主於三代之隆士君子至願而武備不修空
談不詳慮爲宋襄爲成安胎笑百世不可李衛公入
對太宗曰陳數有九中心零者大將握之四面八向
皆取準焉陳間容陳隊閒容隊以前爲後以後爲前
進無速奔陳間容陳隊閒容隊以前爲後以後爲前
兩頭皆救數起於五而終於八尾觸處爲首敵衝其中
亮以石縱橫布爲八行方陳之法卽此圖也靖曰諸葛
必先此陳世所傳握奇文蓋得其粗也八陳本一也
分爲八焉黃帝始立邱井之法因以制兵故井分四
道入家處之其形井字開方九焉五爲法天四爲法
地靖曰臣討突厥西行數千里若非正兵安能致遠
項羽所以敗於垓下者以不習觸處爲首之法故爲
孔費二將軍夾攻其兩旁韓信反力攻其前三面受

敵故敗也武侯之七擒七縱孟獲者此法也今州郡
效閱猶有古制其圓陳此法也將救圓陳咸內嚮者
諛佞特政舊制曰提將團非正士之法也有曰弩
鎗者此法也顧知者解以爲古法不可用者所至如
是也今七書首孫子孫子善用兵者譬如率然率然
者常山之蛇也擊其首則尾至擊其尾則首至擊其
中則首尾俱至孫子之書非無善者而率然之喻驗
其不達正兵之法正兵者不可敗之法也馬隆用此
法以三千餘人而平涼州謂奇兵在陳內唐太宗善
用兵猶不知此法簡屢問兵將官知此法者殊不易
得古者六軍軍將皆命卿孔子曰我戰則克學者不
可不講習他日得君行道有文事而無武備不可

其次急者有八一曰募兵屯田以省養兵之費

遺書家記十何謂募兵屯田以省養兵之費古者兵
出於農無坐食之費今國家財計大概十九養兵今
將理財罷橫斂不屯田何以省費法當因募補籍之
兵而新其制曰吾授爾田以爲衣糧之資兵多死亡
蘇湖年譜卷二 三四明叢書 約圖刊本

補以屯田兵則費可漸省得良將善教之可用
也況諸州守久任則守禦自備大軍亦可漸減

二曰限民田以漸復井田

遺書家記十何謂限民田以漸復井田諸儒言井田
詳矣田不井則貧富不均貧民仰不足以事父母俯
不足以育妻子樂歲終身苦凶年不免於死亡救死
不贖奚暇治禮義無禮義則亂亂則國危限田井田
之漸也初限以寬在限外者可減不可增民析產異
戶無時無之漸析則漸均矣再立限漸減又幾年則
又漸析 漸均矣

三曰罷妓籍從良

遺書家記十何謂罷妓籍俾之從良壞亂人心莫此
爲甚盛妝麗色羣目所矚少年氣血未定之時風俗
久壞其能寂然不動者有幾至於名卿才士亦沈浸
其中不知愧恥每每發諸歌詠舉世一律不以爲怪

人心蠹壞邪僻悖亂何所不至前代亂亡之禍皆基於人心之不善周家德行道藝之俗成而謠靡八音後世君臣胡得無懼而官廉士夫中懷大欲襲循流俗重於罷去致國家受末流之禍嗚呼痛哉

四曰漸罷和買折帛暨諸無名之賦及權酤而禁羣

飲

遺書家記十何謂漸罷和買折帛暨諸續增之賦及權酤而禁羣飲所謂和買初未嘗不給錢今直取於民又不止於直取而已又俾納折帛每疋六貫五百其價大過於絹直至於夏稅折帛則每疋七貫以折爲名實強取多焉此類奚可殫舉權酤雖非強取而壞人心爲甚酒誥諱禁羣飲至於殺今反導之羣飲世以酒爲狂藥民爲邦本固邦寧士大夫當愛護邦本愛護人心使毋致於壞右所條邦賦國家方資以給軍未能省費未可省賦次第而舉可也故次於省兵費之後禁羣飲不禁禮飲

慈湖年譜卷一

聖四明叢書

約園別本

五曰擇賢士教之太學教成使分掌諸州之學又使各擇里井之士聚而教之教成使各分掌其邑里之

學

遺書家記十何謂擇賢士聚而教之於太學教成使各掌其邑里之學自孔子歿學者異說到於今不勝其紛紛似是而非似正而邪各徇偏孤罕由中正不得大賢教救之則刑名者自刑名清靜者自清靜揚者自揚墨者自墨任俠者自任俠文華者自文華議論者自議論其孝弟忠信修謹之士雖不知道未至背道至於無忌憚之中庸雖亦罕見而不可謂無一二十年來覺於道者浸多古未之見幸多篤實吾道其享乎孔子曰知及之仁不能守之雖得之必失之惟大賢可以司教

六曰取周禮及古書會議熟講其可行於世者行之

遷書家記十何謂取周禮及古書會議熟講其可行
於今者三公定其議而奏行之不以堯舜三代所以治國
治民者治民賊其民者也由漢而下其規模皆本以霸王
者治國敗其國者也以義利結施猶不可而況於以
道雜之霸以利王以義利結施猶不可而況於以
利心爲本乎上帝降衷於民若有恆性克厥厥惟
后人心本職如此漢唐諸君安知此漢唐士夫孰深
知此周六官分職皆爲民極漢唐君臣所以治民
者皆極乎舜特命納言一官以治讒說診行邊說不
正之說診行不中正之行訓方氏布訓四方以觀新
物訓士民如訓子弟皆後世未之識未之知周官有
比閭族黨之教有德行道藝之書漢唐無此政事也
司市之屬不一而足市井小人皆教之以善道之以
正洪唐無此政事也職方氏其任甚重其屬甚盛周
知中國夷狄人民與其財用九穀六畜之數要周知
其利害則無有一民不獲其所者矣漢唐無此政事
也略舉數端則三代而上兩漢而下其規模不同如
冠如履士大夫不能舉明主於三代之隆而襲漢唐

慈湖年譜卷二

四明叢書

治少亂多可恥之規模願又不逮漢唐殊可惜也簡
末學不敢企望三代諸聖賢而中心所安終不肯爲
漢唐規模始亦不敢自必曩宰樂平後守東嘉略行
己志頗有驗效於是益信其可行又信古者成人有
德小子有造亦非高絕不可企及之事考諸古書固
自有其道也固自有其政也舉而措之爾人心無古
今感之
斯應

七日禁淫樂

遷書家記十何謂禁淫樂孔子曰移風易俗莫善於
樂蓋聲音之感人也易其入人心也深今之妓唱與
夫雙韻鼓板之屬其氣志不爲之浮動者有幾簡初
入太學聞太常古樂莊敬中正之心油然而生移風
易俗於是乎切
是故淫樂宜禁

八日修書以削邪說

通書家記十何謂修書以削邪說夫聚賢士而致之
固已明聖道之大體指異說之謬誤而經子史集
失已久其惑亂人心已深不修成書則邪說不衰
正道不開明人心乖亂人心乖亂則禍作國危孔子
著易道以黜入索述職方而除九邱以其害道襲人
心不可得而已孔子曰詩三百一言以蔽之曰思無
邪此思無邪至簡至易老師宿儒不知大道平夷反
疑惑莫之解孔子不作序正以思無邪之道自發見
於詩章之中無庸爲贅自能興起人之善心奚必究
其何世何人及衛宏作序冠諸篇端而學者見序而
不見詩見其序說而不見思無邪之大旨害道爲甚
使學者皆面牆茅苜平常無說大道自明宏必欲求
其說曲推穿鑿可笑標有梅男女失時詩章甚明宏
不詳觀雖失時而不敢萌淫奔之意不明此無邪之
情而曲取以爲及時此類不一戴聖漢人其爲曲禮
記首言傲不可長亦可有而不可長歟是何言歟是
何言歟又敘博聞強識於善行之先皆衰世小人之
言此類奚可不削易大傳多非聖言書道者多左氏

慈湖年譜卷二

聖四明叢書

約園刊本

公羊穀梁三傳春秋雖因是有攷而失聖人之旨不
一諸史子集是非混淆盡人心爲多可削者甚多掃
雲翳昭日月斯任至重非得有道
盛德之大賢同寅協心難乎有就

本傳論曰楊簡之學非世儒所能及施諸有政使人
百世而不忘然雖享高年不究於用豈不重可惜也

哉

宋史傅伯成傳論伯成

晚與楊簡爲時著龜

宋子語錄今浙東學者多子靜門人類能卓然自立
相見之女便毅然有不可犯之色自家朋友又卻覺

不振

父子靜之門如楊簡
輩躬行皆有可觀

繁齋集書贈傅正夫自象山既歿之後而自得之學始大興於慈湖其初雖有得於象山而日用其力超然獨見開明人心大有功於後學可不謂自得乎

又統領胡革墓誌慈

湖楊公今之師表

象齋集樂平慈湖遺書閣記先生自幼志聖人之學久而融貫益久而純生平踐履無一瑕玷處閨門如對大賓在閭室如臨上帝年登耄耋兢兢敬慎未嘗須臾放佚此先生之實學也凡先生之所言者言此而已學者之所以學

先生者學此而已

文天祥明州四先生贊廣平之學春風和平定川之學秋霜肅凝瞻彼慈湖雲閒月澄瞻彼絜齋玉澤冰瑩

荀章撫逸文元丁宋祥之末閱事孝光寧理四朝始終五十四年立朝僅三十六日四經陸對逆鱗之言

慈湖年譜卷二

學六四明叢書

約園刊本

雖忠而措之無用君子惜之

三年丁亥

遺書正月十五日門人嚴陵錢時撰先生行狀

行狀時受恩師門至深至厚自顧庸淺何能發揮先生德業建諸天地而不悖質諸鬼神而無疑百世以俟聖人而不惑初不以人言而輕重可否也既葬有日乃弗獲已奉河志之命姑詞其所聞謹狀

內簡書曰慈湖先生行

狀一卷嚴陵錢時撰

同山集跋慈湖行狀慈湖先生將葬叔謹書來命德秀上先君之墓于其銘之先生之門人建昌傅君正夫不遠千里訪于於粵山之麓亦以是爲詩竊伏念嘉定初元先生以祕書郎召德秀備數館職始獲從之游見其齋明盛服非禮不動燕私儼恪如臨君師期功之戚下泊總麻服制喪期一以禮經爲則而容

色稱之平居接物從容和樂未始苟異於人而清明高遠自不可及同僚有過微諷潛警初不峻切而聽者常悛然一日見謂曰希元有志於學顧未能忘當貴利達何也德秀悅然莫知所謂先生徐曰子嘗以命訊日者故知之夫必去是心而後可以語道先生之於德秀可謂愛之深而教之篤矣惟其時方繆直禁林役役語言文字間故於先生之學雖竊聞一二而終未獲探其精微憂思以來相知何道思欲一叩函丈求其指歸而不可得矣嗚呼先生已矣德秀復何所據以爲進德之地也夫未能深知先生之道而欲傳其心於百世之下此德秀之所不敢也雖然有一焉蓋今傳後之文有狀有銘而又或有表先生之門賢者甚眾今狀其事者既有人非高弟不可也如德秀者或使之序其梗概而表於墓門則其責差輕而可勉正夫幸以爲然則願復於叔謹而還以命焉故書於行述之後以俟行述者正夫所纂正夫蓋有得於先生之道者也故其言言皆實錄

慈湖年譜 卷二

四明叢書 約圖刊本

案此是先生行狀有二一爲融堂撰一則正夫撰也

行狀 四月乙酉葬邑之五峯

伏啟慈谿縣志慈湖先生墓縣西四十里車廐王陳先葬五峯後遷於此句章撫遠五峰寺前有先生衣冠墓叔謹築則菴於旁蓋先生始葬處也錢時融堂集則菴記慈湖先生葬五峯嗣子格築菴而名以則且名其堂曰天經屬時記之時不勝與敬興贊至於泣下嗚呼是吾夫子所望於爾後人者也夫哉天經之旨乎孩提無不知愛其親者此不學之良能此不慮之良知此萬古人人所同有之本心也此心無體變化無方通於神明光於四海無所不通乍見孺子將入井則自惻隱者此也見可羞可惡之事則自羞惡者此也宜辭自辭宜遜自遜是自知是非自知非者此也以此事君自忠以此臨民自愛兄弟自友夫婦自別朋友自信豈外襲而取之哉日月

之所以運行風雲之所以鼓舞山川之所以流峙昆
蟲草木之所以生化亘古今包宇宙執非吾此經之
妙而乃濶濶滔滔自陷為愚為不肖者無他不知所
則耳惟堯則之故陸九族和萬邦惟舜則之故烝烝
庶民為法於天下文王則之故無憂孔子則之故老
安少懷曾子則之故知伐一木殺一獸不以其時非
孝吾夫子則之故大明斯道以續洙泗之正統其處
己則巖嶮清峻不昏於利欲處家則冠昏喪祭以禮
不諱張於異端處宗族則教之撫之不殊己子處鄉
黨則敬之順之不失一夫之心處郡縣則軍民愛戴
如慈父母而不屈於權豪處朝廷則啓沃孜孜發揚
聖性直言正論風節凜凜而不愆於去就之義實明
乎是實履乎是非空言云也天下學者則之萬世學
者則之況其家之子若孫乎孔子曰父在觀其志父
沒觀其行三年無改於父之道可謂孝矣今而發一
念出一言行一事必反觀內省曰此吾先君子之志
乎是非乎非乎發一念出一言行一事必反觀內省曰
非吾先君子之行乎可乎不可乎一日無改一日之

慈湖年譜卷二

四明叢書

約圖刊本

則也一月無改一月之則也歷三年之久而無改則
所守者定矣終身之則也是乃謂得天之經也雖然
後之視前如燈取影吾則吾父是又標的後世為吾
子孫無窮之則也可不謹歟朝斯夕斯念茲在茲爾
疇純白不可射思恪也勉之時也勉之

案廣信府志貴溪縣羅塘有楊慈湖墓當是先生
曾訪道至其地而後人葬其衣冠以誌景仰者

撫餘編慈湖先生傳諡曰文元

案行狀不書諡蓋其時猶未予諡也淳祐二年鄭霖
撰先生祠堂記始稱為文元楊公則子諡當在其時
宋史舒璘傳云淳祐中
特諡文靖疑一時事也

周密癸辛雜志祀於太學循理齋

續志太學諸齋各祀本齋先有
德行者循理齋祀慈湖楊簡

延祐四明志寶慶開邑士於慈湖之濱建祠以祀
志云慈湖先生沒邑士大夫始祠於湖濱未有
講習之地嘉熙開制闢趙公與憲政祠於中泚

紹定四年辛卯

象山年譜夏六月己亥江東提刑袁甫奏建象山書
院於貴溪之徐巖祠象山先生侑以楊敬仲袁和叔
明年三月甫至書院釋菜乃禮慈湖門人錢時爲堂
長主教

案蒙齋集江東巡部紀行詩浮梁與樂安五十笑步
百幸瞻慈湖祠風聲尚堪憶鍾君我所敬能續慈湖
脈玩全詩所紀正肅此行由宣歙而江右此
云慈湖祠當在樂平鍾君蓋是時樂平令也

慈湖年譜

卷一

吳四明叢書

約園刊本

宋史袁甫傳字廣微燮之子嘉定七年進士累官兵
部尚書兼吏部尚書卒謚正肅甫少服先訓又從楊
簡問

姑蘇志吳縣儒學內舊有慈湖祠祠宋楊公簡紹定
開簡門人知平江府趙與簾提刑陳垣建

宋元學案慈湖案趙與簾嘗見慈湖而問曰與簾於
學問應酬都無一是只未知歸宿之地慈湖曰心之
精神是謂聖心未嘗不聖何必更求
歸宿乃起意反害道與簾奉教終身

遺書有書雲萃錄

趙德淵親書後

齊東野語趙忠肅開西京闢日鄭丞相倚之任夷陵
教官趙一見卽異人待之出三子俾執師弟子禮命
諸子饒之前途且各
出雲萃錄書之而去

雍正慈谿縣志與憲初寓青田慕楊文元公道學不遠千里因從弟與明詣門受業遂自青田就居慈谿
宋史趙與憲傳字德淵太祖十世孫居湖州歷官觀文殿學士贈少師

淳祐二年壬寅

寶慶四明志續增郡守祕撰陳塏發錢下縣委令曹邵爲慈湖先生祕祠堂於成德堂之右朝奉郎主管建康府崇熙觀天台鄭霖作記先生之姪愉書丹邑人朝奉大夫直寶章閣桂萬榮書蓋

鄭霖慈湖先生祠堂記禮有功有德則附祭於學所以助教化厚風俗示儀制也我朝自濂溪周元公以太極圖發先天之妙於是河南之學有所傳授雷動四方上紹孔子千百年不傳之統下破漢人專門角

慈湖年譜卷二

辛酉明叢書

約園刊本

立之陋中興以來推吾道扶植國脈之功與天地並詔加節惠源分派別厥後能以所自得者教於鄉鳴於時其徒各尊其師力足以請於朝亦核祀典隨所寓肖像以祠斯文可謂盛哉閭學文元楊公家於四明之慈水德潤初超然口耳之學蚤從象山文安陸公游以心之精神是謂聖由覺入道推誠體物研幾察至尤深於易見諸用立朝大節浩浩乎不可奪分牧於民古良吏不能先天下士宗先生之學不以爵稱而以慈湖沒於寶慶二年至今誦其書籍先生之門爲重雖闕里宮牆猶舊而桐鄉俎豆未設志鬱鬱焉始悲湖後人欲做四書院以藏家塾所著文學而習之此意美矣相地湖中及龍虎軒旣牽於道旁疑阻又病於規模奢廣展轉三四年無定地制使祕撰可齋陳公塏壬寅春開闢布宣彰善以勸問祠堂中輟之故公諗於士友曰郡邑有學顏孟不過侑祀所以尊吾夫子也尊夫子而侑祀於夫子之側者未嘗不尊然則卽學以祠慈湖亦何不可道一而已矣無適非道必指闕里爲夫子之道在是是識其小者祠

於學祠於書院同一慈湖也九京可作必爲余肯於
是士友翕然無異詞乃撥縉錢六十萬米二十斛下
邑令尹曹君邵遂徑召家也能成公志上作而下承
役與而民不知經始於孟秋癸巳越月庚午告成堂
三問前軒過廡稱是上庶子來祭洋洋如在相與頌
曰非邵侯之尊所算非令尹之敏於事此郡闕典誰
實顧念又相與勉曰祠既立吾徒居先生之里讀先
生之書以心會理以身率教母爲先生羞公聞之而
喜霖奉祠歸雪巖山中一日謁公於鄧山之堂謂霖
日子爲我記之霖再拜辭公曰予昔分教橫浦卽辛
祠大中程公珣其事同其意合秉筆敬書爲之詩俾
邑士祭而歌曰慈水之東注兮泱泱夫子之楹夢兮
堂堂其書存兮人未亡歧望不可及兮心皇皇自古
有德兮俯於庠闕里俎豆兮胡爲未遑鳳鳴不至兮
孔傷蘭佩其高潔兮遺芳九原不可作兮墮緒茫茫
大音之寥寥兮瓦缶宮商尙雲車兮相羊想容止兮
洋洋興起人之良善兮是爲慈
溪之鄉千秋萬歲兮疇能忘

慈湖年譜 卷二

辛酉四明叢書

約園刊本

延祐四明志陳瑄中大夫祕閣修撰淳
祐元年知慶元府兼沿海制置副使

度宗咸淳四年戊辰

黃氏日鈔繳申慈湖壽張行實狀震近因分修附傳
妄意若在局官各於鄉里自行訪求先賢事迹繳赴
史館庶幾徑而易集亦足少裨今日史事之成震鄉
之先賢有慈湖先生閣學楊公諱簡壽張先生侍郎
張公諱慮慈湖爲時儒宗壽張亦文行表表皆先皇
帝朝名法從皆足垂示將來法合立傳謹訪求到慈
湖封志一軸壽張行狀一冊乞賜委官修成附傳

案原注咸淳四年五月一日申蓋

文潔官第五任史館檢閱時也

黃震與曹東墟求楊文元公行實手札慈湖先生行

狀或銘誌千萬加意搜訪以授去人令姪四六哥位

必有之萬一書告以鄉曲先賢爲念燭其早早見付幸甚

宋史黃震傳字東發慶元慈溪人寶祐四年進士官至宗正少卿門人私謚曰文潔

本傳制置使劉黻卽其居作慈湖書院

宋史劉黻傳字聲伯樂清人淳祐十年試入太學咸

淳三年拜監察御史四年改正丁父憂去官服除知

慶元府事請建慈湖書院八年召還官至端明殿學士

案寶慶四明志劉黻以咸淳六年知慶元府十二月

二十一日交領府事八年交割離任據此是建慈湖

書院之請當在咸淳七年

慈湖年譜 卷一 至四明叢書 約圖刊本

延祐四明志至元乙酉普濟寺僧侍楊璉眞伽權勢

侵奪書院地毀先生像諸生訴於官至元丁亥按察

副使侍其君佐巡按至縣乃占先生舊宅

遺趾復建禮殿祠宇越五年壬辰落成

王元蒸至正四明續志至元二十四年復建慈湖書

院於舊宅遺址邑有湖先生居焉湖隸邑而得慈之

名因以自號世謂先生從陸文安之學者人自標異
誦聖人之言述聖人之行求其止乎極而已豈可各
開戶牖而有分裂聖人之道者哉惟先生學力所至
則未易混也距今且一百有餘載祠塾訖不可毀廷
帖六年
重修
及及翁慈湖書院記慈湖楊文元公之學心學也學
就爲大心爲大心之精神是謂聖不至於聖曲學也
不於於心淺學也一心虛靈其大無對六合之外思
之即至前乎千百世之已往後乎千萬世之未來管
攝於心若不識心何以爲學自有天地以後未有經
籍以前闢道之祕惟圖與書何圖中虛洛書五位心

之本體也太極此心也皇極此心也堯兢兢此心也舜業業此心也禹孜孜此心也湯慄慄此心也文王
裂翼此心也武王無貳此心也周公無逸此心也孔
子孟子操則存此心也曾子子思謹其獨此心也易
說心書傳心禮制心樂治心詩聲心春秋誅心故其
帝所以爲帝王所以爲王聖賢所以爲聖賢焉有心
外之學乎慈湖先生昔在太學肄業循理齋足不踰
閨者累年一日冠帶揖謝同舍郎曰簡悟道晏坐反
觀忽然見大地萬物萬事萬理澄然一片向者所見
萬象森羅謂是一理貫通疑象與理未融一澄然一
片更無象與理之分不必言象不必言理亦不必言
萬亦不必言一白是一片此先生知至不之始事也
及見象山陸文安公發本心之問舉扇認是非以對
忽省此心之清明忽省此心之無始末忽省此心之
無所不通守永嘉日謁先聖文謂自幼而學長而始
覺覺此心澄然虛明無體廣大無際日用云爲無非
變化此先生知終終之終事也先生忠信篤敬發言
必由衷信而有證其注孝經述己易解春秋纂先聖

慈湖年譜卷二

五十四明叢書

約園刊本

大訓條治務最急者五次急者八遺文訓語皆先生
精神流動爾觀先生手筆齋莊中正本古篆猶心字
必象心學字教字皆從孝又心畫之發揮先生家於
四明之慈湖詠春諸詩有浴沐詠歸灑然出塵意花
香竹影山色水光鶯吟鶴舞皆道妙之形著今玉牒
侍讀文昌劉公嘗執筆於太史氏爲先生延譽於世
卽先生舊宅創書院於慈湖之濱規模軒豁襟佩綉
鳴其景行前修風厲後學懇懇切切之心卽先生昭
昭靈靈之心也相與事者縣宰王君愉提管陳君允
平秉彝好德誰無此心開創於前正望增益於其後
劉公爲永嘉知名士又嘗爲太學循理齋長習聞先
生前言往行爲詳而及翁平生讀書以本心名齋於
先生片言隻字收拾殆盡知之好之樂之又若心交
而神遇者噫俗流失世敗壞學士大夫童習白粉漫
不知心爲何物驅血氣而再功名決性命而鬻富貴
喪精神以失虛靈者總總也藏山之卷九千鋪架之
軸三萬手不停披口不絕吟以是爲學亦祇以鈞聲
譽梯利祿膏腴節節竿牘而已矣出入口耳之學各

是其是反以心學爲非至有疵先生之學爲禪學者
何異眾人皆醉執獨醒者以爲狂此先生之所以大
息復太息也書院有規模稍有藉春秋之法常事
不書散書其大者以諗同志咸淳九年夏月吉日
王應麟重建慈湖書院記舌者鄉有庠黨有序開有
塾里居又有父師少師之教是以道德一而理義明
書院之設意猶近古唯陽白鹿爲稱首若周程朱呂
治教之地文獻尤盛天典民彝之統紀恃以不墜東
海之濱有大儒曰慈湖先生文元楊公立心以誠明
篤敬爲主立言以孝弟忠信爲本躬行實踐仁熟道
疑盡德清風聞者興起可謂百世之師矣遺老見而
知之後進聞而知之春木之茁兮其人苦存兮宅心
知訓上接洙泗此書院之所爲作也古涪文公及翁
紀其事不幸厄於浮屠氏鞠爲荒榛天下採斯文緒
衣使者待其公行詔喟然太息選一鄉宿望曹君漢
炎爲山長而堂錄桂君應魁銳以爲己任乃倡率善
士合志協力舍舊而新是謀相攸先生營宅熙光遺
址爰契我龜鳩工庀材經之營之禮殿崇崇祠宇奕

慈湖年譜 卷二

五十四明叢書 約園刊本

奕敷經之席肄業之舍規模視昔不愆於素冠進衣
逢游於斯習於斯如詠舞雩之風如升闕里之堂聞
金石絲竹之音莫不油然而樂躍如而悟咸曰自堂
徂基輪奐新矣陟降庭止惠我光明盍亦勉新德而
進新知乎於是屬應麟著石章以永教思於無窮應
麟耄未知學辭弗獲敢誦所聞切磔究之嘗謂儒以
道得民師以賢得民師言賢不言道身即道也萬古
一道萬化一心仁人心也人者天地之心也天有四
時風雨霜露地載神氣風霆流形無一物而非仁仁
則純明靜虛與天地同流在易爲不遠復在書爲精
一在詩爲無貳在大學爲毋自欺在中庸爲至誠篤
恭惟先生乃無意而自得之齋莊儼恪非禮不動言
性必曰堯舜論治必曰三代道學之將廢則正色譴
言不回於羣枉道學之復行則見幾卷懷不汨於勢
榮葦期稱道若武公之作懿戒名滿天下若君實之
在西洛本心明而外物輕行藏語默參諸百聖無不
合於已易見先生潔淨精微焉於廣居賦見先生廣
大高明焉於過庭訓之言學見先生自強不息焉於

講堂訓之言孝見先生一貫之道焉先生之文章皆性與天道之昭著俯川流仰高山心之精神江漢秋陽之皜皜也居先生之居學先生之學則何以哉由事親從兄而盡性至命由灑掃應對而精義入神由內省不疚而極無聲無臭之妙下學上達不求人知而求天知庶幾識其大者夫一言一行之有愧可以欺其鄉不可以欺其家可以欺其家不可以欺其心無體之禮此心之敬無聲之樂此心之和訓詁章句云乎哉先生之學文安之學也文安講論語於白鹿先辨其志藝者竦然動心收其放而存其良者在此朱文公亦云陸子所言專於尊德性學者多持守可觀又謂先生之學有為己之功合而觀之知入德之門矣賢有先後學無古今有能約之以省察克治深之以薰陶涵濡問津於辨志尋源於尊德性以達聖人之域岳峙海涵春融冰釋默契道體去先生之世若此其未遠也得其學之傳必將有人焉齊濟多士克廣德心凡我同志懋敬哉書院復建於至元丁亥春越五年十二月成歲在壬辰三月

慈湖年譜 卷一

至四明樓書 約園刊本

黃翔龍重修慈湖書院本末記宋乾淳間鴻儒輩出以理學相倡和吾明有正獻袁公端憲沈公文靖舒公慈邑則有慈湖先生文元楊公邑故有湖先生居焉因以自號故邑之名昉於漢董孝君而湖之名昉於先生先生得象山陸文安公之學千里心契文安沒學者尊而祠之有象山書院至今為東南重先生歿邑士大夫始祠於湖之濱而未有講習之地先生之道雖尊而未明嘉熙間制闕節齋趙公與憲改祠於中泚地隘不可久既又祠於邑庠邑人以不得專奉為歉咸淳辛未永嘉蒙川劉公徽來帥明捐部帑得民地於僧寺之右負山面湖勗精舍肖像而祠之撥濟民莊米為奠饗廩士之資書院之名得與鄰郡上蔡稽山齒然禮殿猶闕也陵谷變遷浮屠氏攘之至元丁亥春緇衣使者真定侍其公君佐行部至邑問故憮然曰是不足與較也先生舊宅遺址放在盍卽而圖諸卜曰吉於是命前貢士曹君漢炎為之長向堂錄挂君應魁主其役始崇禮殿中嚴祠庭後闢講堂外植門垣旁翼兩廡因其舊為齋四曰忠信篤

敬明通公溥先聖先師咸具像設長有署錄正有序
后土有祠司閭庖福皆有含歲王辰八月落成又度
地講堂後爲橫經度書之所來學於是者六十有一
人俱得占名數復其身先是蒙川劉公之勅始前資
政殿大學士木心先生文公爲之記今也重建又得
前尙書鄭齋先生王公復大書以紀其成凡文元心
學之要躬踐之實亦既發其精蘊足以昭往而淑來
矣鄉人懼後來者於廢興本末之莫詳復令翔龍記
其粗竊維前代儒先出處過化之地必建書院使學
者尊慕而學其學率由臺閩若郡邑長吏請於朝繕
錢粒粟告出縣官下無科率旁無阻撓故力省而成
易今興廢植壞遭時方艱我道未亢外侮者桀中昨
者疑旣壞謀度堂錄桂君實身任之郡稟旣不復繼
資用無所出自基而構迄於壑墜丹雘一是諸生之
力故金穀不可以縉石計蓋其力倍勞天幸斯文上
恩寬大寮省交勸督士知名義之實始定弗搖是役
也前令尹澗水馮君昱實謀其始而歷山富君德甫
成其終二令尹通敏廉正規隨一心功賴以竟土之

慈湖年譜卷一

五十四明叢書

捐賞多而趨事勇者堂賓沈君滢其最著是皆不可
無記昔吾聖人於道之行廢必歸之天夫天將興之
必有慈惠之師明智之長主張綱維其上亦惟我同
志之士相與緝熙廣於無窮文元公之道庶其益昌
乎

約園刊本

鮑琦亭集杜洲六先生書院記慈谿縣鳴鶴鄉杜洲
童先生居易家焉慈湖世嫡弟子石坡而外卽推童
氏累代不替書院則先生之孫嗣尉金始肇造之而
得朝命於其子桂甬上書院以杜洲爲最盛其中爲
慈湖祠衍旁爲六先生
祠彷彿四大書院規制
嘉靖寧波府志童居易字行簡慈谿人嘗從學於李
聳王休一日參楊敬仲與語大奇之遂舍所學學焉
登嘉定十六年進士累官知廣東德
慶府歸居杜洲學者稱杜洲先生
案六先生首杜洲次童先生鐘號松齋杜洲子次曹
先生漢炎次黃先生震次嚴先生畏號草堂次童先

生銚號聲伯
亦杜洲子

慈湖年譜

卷二

辛巳

四明叢書

約園刊本

慈湖先生年譜卷二

慈湖先生世系

後學同邑馮可鏞輯

宦九淵撰楊承奉墓碣殘石馮氏其先居台之寧海
黃壇九世祖徙明之奉化
錢時撰慈湖先生行狀楊氏家世天台十世祖自寧
海徙明之奉化
案慈湖縣北一里慈湖書院今為楊氏家廟其木主
奉十世祖諱鑑為始祖

倫

宗輔

演

庭顯

恩承奉墓碣殘
石隱顯碑祖倫
慈湖遺書中序
高祖崇記倫居
奉化縣志卷九
中序

平亭墓記同仲
子徙居鄞

承奉墓碣殘石
自倫至顯皆隱
德不仕

平亭墓記自顯
徙慈谿

慈湖世系

案遺書作倫今
據石本作倫

一
四明叢書
約刊刊本

籌

恬

圭

庭顯之子
詳年譜
慈湖遺書中序
要李氏子五

惟

詳年譜

伯明封諱孫
和詳所出
案慈湖遺書
第七世孫圭
二人而向古
又案前卷樂平
慈湖遺書記至
正辛巳公之五
世從顯隱同歸
水為山長同歸
名與孫顯俱無
攷指是恬惟始
人之後

低

造

愉

上梓材
從祀疑
舒廣平
湖之

慈湖世系

四明叢書
約刊本

賈榜送訪四明
志序疏二年天
台鄭森撰慈湖
先生祠堂祀先
生姪稼為之壽

伯明封起壽
女三風德顯
衰次進舒絨
三適李鍊

篆

庭顯次子
詳年譜

恢

寔承奉墓兩漢
石孫男十三人
恪依惟梅惟
格其六人石字
已泐桑山集作
十二人皆下
體惟卷惟惟五

壑

屋

人嫌伯明封志
恬惟低發則皆
歸生子恪德則皆
感遺口與詳所

案承奉墓兩漢
行庭顯河孫三
人寧原非傳伯
明封志走為壽

出當是家與鹿
此籍之子姑列於

承則聖一人
當是與與
此籍以與所致

悔

許年譜

懌

許年譜

慈湖世系

懌

懌

三
四明叢書
約圖列本

竊承學與
文石鹿山
集作九人
體女三人
生女三人
四人當其
或說補女

簡

庭顯三子
行狀妻林氏有

恪

許年輩

基

寶壽吳密馮氏
子三基出基

金

行狀有孫金不
此詳所出姑列於

慈湖世系

坐 基

梁陽氏繼基
林西安福馬樹
子沂孫地功鄒
沿海制置使沂
傑生通南
生萬生伯第

四明叢書
約圖刊本

在

伯地生年主
四世至談談生
三子今居於系
承文元祀有信
成化四
元萬字大章文
素五世孫文行
司符起之病百
南康都昌縣丞
伯純子圭知南
不喪所守先
感長越遊焚哭
家紹文元學身
安原堂貧
遷荷一作蒔

行狀先生孫
別五人皆坐基
下復有在堂高
地是楮之繁聚出

臺

橙

行狀早亡

行狀早亡
所願兩女三
身適上并
誼才適官教
部知務東維
荷縣重居善
判三酒宜州
好子通

權卿

庭類四子
象山陳永率陸
野天

慈湖世系

五 四明成書

約圖刊本

麈

庭類五子
許年鑑

承奉慈湖
區聖孫男十三
人案象山家作
十二人具可放
生詩出五人先
口俱無可致列
口俱無可致列

籍

庭類六子
許年鑑
石孫象先三
長孫象先三
適子拾

慈湖著述攷

後學鄧張壽鏞編

壽鏞謹案慈谿藝文志錄先生著述都二十四種馮氏舸月葉氏縵卿輯先生年譜復分別攷訂至爲詳盡壽鏞讀錢融堂撰先生行狀有云茫茫千古智探巧索而先生得之斯道於是大明開後學之夷塗掃羣迷之浮論渾然不雜立志也剛進學也勇而行之也有力旣大省發終身以之又克永厥壽習久益熟遂造神明之盛若先生眞所謂天民先覺者歟然則

慈湖著述攷

一四明叢書

約圖刊本

先生之書必盡刻之無遺乃可無負先生之教壽鏞之刊四明叢書也旣將拳拳大者如易傳二十卷

案王

士禎居易錄云詩傳二十卷先聖大訓六卷先後

校傳世今又刻遺書正集十八卷續集二卷

嘉靖本目錄僅

十八卷而刊刻爲二十卷目與書不符今更定目錄以十九二十二卷爲續集補編一卷

氏攷遺書所輯如己易一卷錄於卷七家記一篇

終註云己易終見甲囊是書錄解題作一卷蓋桐江

詹阜民氏刻之新安郡齋者卽是也易學啓蔽疑卽

遺書卷七載於己易之後汲古問三易經卦皆八起

至初疑序卦之爲義似迂止凡二十一條與曾汲古
問答語爲多其說散見於易傳卷二十卽清四庫所
謂泛論易學之語亦間有與序文相複者是也五誥
解四卷已依文瀾閣本錄副待刊孔子閒居講義一
卷四明延祐志作孔子閒居解已載遺書續集卷二
嘉靖本作遺書卷二十冠記昏記經義攷均作一篇喪禮家記
經義考作一卷此三書旣均見楊士奇文淵閣書目
與家祭記釋菜禮記凡五種均待訪石魚家記十卷
已載遺書卷七至十六石魚偶記一卷鄭氏二老閣

慈湖善述攷

一二四明叢書
約圖刊本

有鐫本待重刊春秋解十卷案經義考載春秋解十
卷注云未見復載春王正月說一篇季札觀樂一篇
公至自棠論一篇許世子弑君說一篇此四篇皆在
遺書中慈志謂疑卽春秋解之文惟壽鏞以爲春秋
解凡十卷先生旣自作序世必有流傳之本此尤宜
訪求者也古文孝經解一卷文獻通考經籍志中興
書目楊簡古文孝經解一卷延祐四明志作古文孝
經傳案遺書家記六論孝經凡六條註云見訓語疑
卽孝經傳之語但未全耳論語傳慈志謂見天啓志

年譜七十五歲始傳古文孝經傳魯論而釐正其篇
次蓋據錢時行狀案遺書卷十家記四論論語上卷
十一家記五論論語下凡二卷所謂論語傳者必卽
此也鄉記自序云今姑倣周官書其敬敏任恤書其
孝友睦姻書其德行道藝溫州府志曰嘉定中簡知
溫州採士民善行集曰鄉記鏤板於學以勸民此書
既已鏤板世必有存者待訪曾子注二卷清四庫校
正云案唐
書藝文志及文獻通考俱作
二卷原本作十卷誤今改見文獻通考書錄解題
陳振孫曰曾子凡十篇具大戴禮後人從其中錄出

慈湖著述攷

三四明叢書

約園刊本

別行慈湖楊簡注云待訪訓語爲傳佺所編佺字正
夫兒眞西山跋語徵文錄曰慈湖又有誨語一書曾
汲古編與家記大意相同案遺書家記中多有注見
訓語誨語者律解辨疑一卷見世善堂書目待訪慈
湖遺書十八卷續集二卷案慈志云宋史本傳有甲
槩乙槩諸目直齋書錄解題於子部載慈湖遺書三
卷前二卷雜說末一卷遺文直齋不知慈湖心學因
有象山之後一傳而慈湖遂如此之語攷兩浙名賢
錄趙方槩字元道刻慈湖遺書疑此三卷本爲趙氏

所首刻所謂遺書者初止此三卷也直齋書錄解題
集部又載慈谿甲稟二十卷僅題寶謨閣直學士慈
谿楊簡敬仲撰而未加案語馬氏通考仍之據此甲
稟有二十卷之多慈志所謂遺書與甲稟各自爲一
書是也顧甲稟未見而散見於遺書二十卷中則無
可疑鑪所藏嘉靖四年乙酉慈谿秦侍御鉞巡按江
西時刻本據陳洪謨序謂出舊所藏慈湖先生遺書
若干篇手自勘讎得十八卷

鑪案陳氏序書未見周
廣所注因僅及遺書

而目錄十八卷止迨刻成時則爲二十卷而以十九

慈湖著述攷

四四明叢書

約圖刊本

卷炳講師求訓起接續於十八卷之後又不別爲編

目滋可怪矣考清四庫所錄爲編修汪如藻家藏本

遺書爲十八卷續集二卷卽提要所云又編雜文一

卷孔子閒居解一卷於後謂之續集是也秦刻之書

與此相合所差在正續未分續集未編目而已斯二

十卷雖爲秦氏所梓而編之者周廣也

日本內閣文
庫漢書目錄

亦云周
廣編次

鋪已於序遺書言之矣當時周氏必見慈湖

訓語誨語甲稟家記諸作故於遺書卷一旣分別注

出訓語注出甲稟卷二又分別注出甲稟出遺書卷

三卷四注出甲槩卷五亦分別注出甲槩出遺書卷六分別注出甲槩出遺書卷七至十六總註云右家記三卷分爲十卷其曾汲古所編誨語并傅正夫所編慈湖訓語皆與家記大意相同今查係重出者止於各條下註互見某書若二書所載家記原無者附於各條之後註出某書云卷十七紀先訓則不明言所本而是書固有刻本百川書志列之蓋所據也馮氏舛月重刻慈湖遺書煞費苦心當時求善本不得至請瞿學使調取皕宋樓陸氏書惟陸書爲翻刻本

慈湖書述攷

五四明叢書

約圖刊本

尙不及壽鏞所藏嘉靖槧本與醉經閣所藏同出一源者爲勝也丁氏所藏亦卽此彼闕而不我闕尤可寶焉馮氏合正續爲二十卷今仍分而爲二以復其舊並得馮氏稿本當時林晉霞貢士頤山親筆校出者甚多而馮識略之其任刻資者馮保燮佐校者馮善長皆舛月之姪也今條錄慈湖著述分別已見未見各書於後未見者續待訪求已見者略考淵源至原書序言一概刪削以示簡要

已見各書

楊氏易傳二十卷

清四庫浙江吳家壩家藏本
劉日升陳道亨刻本

已刊入四

明叢書
第一集

遺書有周易解序

鑄案序在易傳正文之中劉日升陳道亨刻本闕今易經乃漢

費氏所傳至猶今乾卦象繫卦之末歟數行提要謂或曰升等所妄改惟遺書首篇載此序確無前數行朱彝尊經義考錄其自序亦如此而四庫所收爲浙江吳玉墀藏本乃有之編讀遺書慈湖論易未著此語吳本必有所據也

錢謙益絳雲樓書目慈谿易說二十卷

朱彝尊經義考慈湖易解十卷存

鑄案錢氏朱氏所見不知何本

己易一卷

宋曾槩刻本 桐江詹阜民刻本 慈湖遺書本 已刊入四明叢書第四集

慈湖書述攷

六四明叢書

約園刊本

宋史本傳所著書有己易宋史藝文志己易一卷

陳振孫書錄解題同經義考己易存並錄趙彥械

曾熠後序又載胡一桂張雲章曰其書只作一篇

慈湖遺書續集卷二曾熠刊己易時在嘉定元年

其後桐江詹阜民子南又刻於新安郡齋

見經義考慈志

易學啓蔽一卷

疑卽遺書卷七家記一汎論易 已刊入四明叢書第四集

宋史本傳所著書有啓蔽經義考作易學啓蔽云

未見疑卽遺書卷七家記一汎論易凡二十一條

與曾汲古問答語爲多每條註見訓語或誨語考

易傳卷二十多採此二十一條語謂之易學啓蔽亦甚富也惟錢時行狀云學者不反其所有卒莫見道是以有啓蔽云云則啓蔽不僅屬易猶有可疑者矣

五詁解四卷

依文淵閣鈔本

墨海金壺本

楊士奇文淵閣書目楊慈湖五詁解一冊

焦竑國史經籍志五詁解一卷

經義考五詁解一卷未見

清四庫輯永樂大典惟闕梓材一篇

慈湖詩傳二十卷

依文淵閣鈔本書第三集

已刊入四明叢

慈湖書述攷

七四明叢書

約園刊本

遺書有詩解序

經義考卽從遺書錄出

文淵閣書目楊慈湖詩解八冊

焦竑國史經籍志黃虞稷千頃堂書目張金吾愛

日精廬藏書志俱作慈湖詩傳二十卷

經義考慈湖詩解不傳亡其卷目

清四庫從永樂大典所載哀輯爲二十卷提要云

獨闕公劉以下諸篇抑在明初卽已殘闕耶案文

淵閣本所闕實不止公劉以下諸篇如卷一闕麟

趾卷二闕采蘋標梅野麕卷三闕綠衣簡兮卷五

闕伯兮卷六闕緇衣孺兮卷十一闕皇華棠棣采
薇河水卷十二闕斯千卷十二闕旻天卷十四闕
裳裳者華卷十五闕苑柳白華營矣何草不黃卷
十七闕厥初生民烏鷖薦公劉以下至昊天譜篇
至樓鑰論詩解書文瀾閣本未載壽鏞錄自攻媿
集附於詩傳之後與四庫附於卷首者差異矣

孔子閒居解一卷

先聖大訓本 遺書本 四明叢書第四集

已刊入

錢時撰行狀有閒居解

直齋書錄解題孔子閒居講義一卷文獻通考同

慈湖善述

八

四明叢書

約園刊本

延祐四明志作閒居解

孔子閒居解載在遺書續集卷二又載在先聖大

訓卷一慈湖所解兩書所錄大同小異各有佳處

論語傳二卷

遺書本

已刊入四明叢書第四集

錢時撰行狀始傳古文孝經傳魯論

年譜七十五歲始傳古文

孝經傳魯論 釐正其篇次

延祐四明志錄論語傳遺書卷十家

記四論論語上卷十一論論語下凡二卷卽此書

也

石魚家記十卷

遺書本

已刊入四明叢書第四集

宋史本傳所著書有家記百川書志楊簡家記十卷年譜云案今本遺書自卷七至十六爲家記注

云家記三卷分爲十卷卽此書也徵文錄曰慈湖

遺書十八卷自卷七之十六爲家記一論易續案

汎論易分而二之二論書詩三論春秋禮樂四五論論語

六論孝經七論大學中庸八論孟子諸子九論學

論文論字義曆數十論治道續案論治務論治道分而二之封建

兵法凡十卷

石魚偶記一卷一老閣刻本

慈湖著述攷

九四明叢書

約圖刊本

徵文錄曰是書載經說五十六節

先聖大訓六卷傳四庫衍聖公孔昭煥家藏本萬曆乙卯雲間張氏刻本已刊入四

明叢書第三集

遺書有先聖大訓序

直齋書錄解題曰取禮記家語左傳國語而下諸

書凡稱孔子之言皆類爲此編文獻通考同鍾音

浙江採集遺書錄云輯采經傳諸子中孔子語分

列篇第加以注釋今本爲明萬曆閔雋弱侯所藏

明州守張翼軫得而校刊者鏞取以刊入叢書卽

此本也

慈湖遺書十八卷續集二卷

清四庫汪如藻家藏本
明嘉靖乙酉慈谿奈

氏江西刻本

馮氏毋自欺齋校刻本

已刊入

四明叢書第四集

書錄解題云慈湖遺書三卷前二卷雜說末一卷

遺文浙江採集遺書錄慈湖遺書六卷一卷易說

己易二卷爲詩書春秋說三卷爲禮記孝經說四

卷爲四書說五卷爲雜文六卷爲詩書後附家訓

七十一條年譜云此本明萬曆間慈谿楊世恩陳

光弼刊楊家勤校題曰慈湖遺書節鈔潘汝楨宰

慈湖著述攷

十四明叢書

約園刊本

慈谿爲之序又云案錢曾述古堂書目作慈湖集

二十卷四明盧氏抱經樓書目徐乾學傳是樓書

目作慈湖書二十卷今刊入四明叢書者係依嘉

靖乙酉秦氏在江西所刻本並參校馮氏鈔本定

爲遺書十八卷續集二卷

慈湖遺書補編一卷

馮氏毋自欺齋校刊本
入四明叢書第四集

已刊

序一記二墓誌銘三雜文二詩五慈谿馮可鏞就

散見於諸書者輯之並題識於目次曰慈湖先生

遺書補編編中雜文紀先訓十三條係錄自老楊

先生墓碣訓語二條係錄自說郭者也

紀先訓

遺書本 馮氏遺書補編本 已刊入四明叢書第四集

百川書志紀先訓一卷浙江採進遺書錄曰紀家訓七十一條附慈谿遺書後鏞案遺書卷十七紀先訓凡二百餘條不僅七十一條也

意者每條併合則七十一

乎馮可鏞取老楊先生墓碣中所載刪其重複者

更得十三條雖百川書志所藏原本未見而紀先訓一書已無煩他求矣

訓語

誨語 遺書本

已刊入四明叢書第四集

慈湖著述攷

十二四明叢書

約園刊本

袁蒙齋書慈湖遺書後門人馮興宗周之德取訓語之要聚爲一編屬甫刻梓是始刻者袁甫也家記載於遺書注見訓語者八十餘條注見誨語者三十餘條入補編者二條是訓語誨語分別載入家記而家記已刊入遺書亦可得其大凡

未見各書

春秋解十卷

遺書有春秋解序

宋史藝文志春秋解十卷

天啓慈谿志作春秋傳

古文孝經解一卷

文獻通考經籍志中興書目古文孝經解一卷

延祐四明志作古文孝經傳徵文錄曰宋藝文志

不著簡名文獻通考作楊簡撰經義考宋藝文志

亦作簡撰王梓材宋元學案補遺引中興藝文志

死云

冠記 昏記 喪禮家記

宋史本傳所著書有冠記昏記喪禮家記文淵閣

書目楊慈湖冠祭家記一冊婚禮家祭一冊喪禮

慈湖箸述攷

十二四明策言

家記一冊經義考

作一卷

家祭記 釋菜禮記

宋史本傳所著書有家祭記釋菜禮記

鄉記

遺書有鄉記序

年譜嘉定三年冬十二月撰鄉記溫州府志饌版於學

曾子注二卷

書錄解題曾子注十卷

清四庫輯者案云唐藝文志及文獻通考曾子俱作

二卷原本作十卷誤今改正

文獻通考同曾子凡十篇具大戴

禮後人於其中錄出別行慈湖爲之注

誨語

見陳本堂集 徵文錄云慈湖語錄其門人曹漢
炎所刊者案陳著與漢炎書云近全來心所求慈
湖詠春詩稿及叔所刊語錄別集與時議云云本
堂所見者已歸於燬今則無從訪得之

律解辨疑一卷

見陳第世善堂藏書目

詠春詩藁

見本堂集 鶴林玉露楊慈湖詩云山禽說我胸

慈湖審述攷

十三四明叢書

約園刊本

中事煙柳藏他物外機又云萬里蒼茫融妙意三
杯虛白浴天真又六言詩云淨几橫琴曉寒梅花
落在弦閒我欲清吟無句轉煩門外青山句意清
圓足見所養鏞案遺書卷六錄慈湖詩中有詠春
七絕一首又有丁丑詠春偶作七律二首又有偶
成七律二首第一首第三韻卽鶴林玉露所錄山
禽說我胸中事煙柳藏他物外機是也是詠春詩
稿雖歸於燬僅有存者尙見於遺書中也

慈谿甲槩二十卷 乙槩

宋史本傳所著書有甲彙乙彙 直齋書錄解題
慈谿甲彙二十卷寶謨閣直學士楊簡敬仲撰文
獻通考同年譜云今遺書注有出甲彙者而不及
乙彙蓋乙彙之佚久矣又云溪疑湖字訛鑄案甲
彙二十卷周廣編次遺書時多已採入但既未見
原書無從勘比故仍列未見書乙彙更未知尙在
天壤闕否

右已見各書爲十五種未見各書爲十五種較慈
谿志所列多六種然閩有重複者安得一一取原
書勘校刊布之是所望也

慈湖著述攷

十四 四明叢書
約圖刊本

慈湖著述攷

四明叢書

四明叢書
約園刊本

四明叢書

四明叢書
約園刊本

四明叢書

四明叢書
約園刊本